

BIBLIOTECA NAZ.
Vittorio Emanuele III

XV

G

37

NAPOLI

~~157~~

XV

46

157

115 E 15th

PHARETRA

DIVINI AMORIS

Antoni Molcani
Auctore

LIBRI III.



NEAPOLI

TYPIS CAJETANI RAYMUNDI
MDCCCIV.


Cum publica venia.



EXCELLENTISS. AC REVERENDISS.
 DOMINO
D. AUGUSTINO
GERVASIO
 ORDINIS EREMITARUM S. AUGUSTINI
 ARCHIEPISCOPO CAPUANO
 REGIS NOSTRI, A SACRIS
 A CONSILIIS STUDIORUMQUE PRÆFECTO
 &c. &c. &c.



PARETRAM DIVINI AMORIS,
cujus filias sagittas jam-
dudum misit Dominus in
renibus tuis cum me cupi-
 do avidissime contemplandi
 incesseret, de ejus pulchritudine, et præ-
 stantia aliquid litteris mandaturus, tan-
 ta in ipso initio confusione et obscuri-



tate obrutus sum ; ut nec unde potissimum inciperem , nec ubi desinerem internoscere potuerim ; adeo omnia perturbata et impedita erant , ut nullum exitum mea ratio videretur habitura . Consului quotquot ad manus habere potui Asceticos libellos ; multa animo volutavi . At nihil exinde . Incertior quam prius discessi . Sensi tandem ex solis tuis actibus , moribus ; convictu , totaque vita facile posse cognosci quanti sit Pharetra illa , cujus *TU tela ferendo* , *Mille pates plagis* S. Amoris , et cæteros longe prætergressus , tantum supra ipsos virtute probatissimos emines ; *quantum lenta solent inter viburna cupressi* . Magna hinc fiducia , erectoque animo ad TE accessi . Verum tanta luce ad Solis hujus adspectum sum perfusus , ut perstricta oculorum acie cæcus omnino , nisi ab incæpto discederem , evasissem . Perpauca quæ inde obscura di-

diligentia colligere potui his chartis
committo , quas sacramenti religione
devinctus TIBI Excellentiss. Domine
sisto, TE exorans ut quod tuum est
agnoscas, mihiq̃ue parcas si TE hic
in SS. viri Johannis de Cruce persona
loquentem inducens, ut imperitiam in-
fantiamque meam prodo, sic virtutem
tuam omnibus elogiis, prædicationibus-
que dignissimam aliis suspiciendam,
atque admirandam exhibeo. Vale publi-
co bono nate Excellentiss. Præsul.

Excellentiæ tuæ

Aversæ Kalendis Septembris 1803.

a 3

Humillimus ac addictiss. famulus
Antonius Malvasius.

Illustriss. ac Reverendiss. Dominus D. Cajetanus Gaglione, Metrop. Eccl. Neap. Can. S. Th. professor perlegat autographum operis superius enunciati, & scripto referat. Die 7. mensis Martii 1804.

F. ROSSI CAN. DEP.

EMINENTISS. ET REV. DOMINE

Post versatum diligenter, & attente consideratum Opusculum, cui *Phaetra Divini Amoris* nomen præfigitur, non in cæcum obsequium carissimi Amici, ac doctissimi viri, quod verum est, cujus mens & eruditio nunquam fuit nec officina nequitiae, nec diversorium flagitiorum, sed semper promus condus armorum apprime utilium ad omne genus vitiorum propulsandum, sed re fateor vera, & juxta sententiae meae tenuitatem judico, Rem hanc esse numeris omnibus absolutam, ita ut edi in lucem quam citissime possit. Vere enim *Phaetra* est non solum non venenatis gravis sagittis, sed spiculis salutaribus referta, & ornata, quorum virtute terrenus, & proprius hominis Amor expugnetur, & Anima sui ipsius abnegatione munita nihil, nisi Deum optet, quærat, & amet. Decens equidem erat, & hoc per Auctorem nostrum assecutos nos esse & suspicimus, & letamur, ut tandem aliquando posthabitis tot profano Amori turpiter oblatis næniis

niis, auditu Christiano, ac honesto omnino indignis, de Amore sancto & sancte, & digne diceretur, & disputaretur, assumptis, uti felicissime factum est, tanquam sociis, quæ Augusti ævo viguerunt, & soluti sermonis elegantia, & proprietate, & musarum gratia, & dulcedine. Nihil igitur obstat, quin hoc totum quantum est, publici juris fiat, nisi Auctoritas Tua, Princeps Eminentissime, quæ ut accedat, Te exoro. Neapoli decimo sexto Kalendas Februarij.

Eminentiaæ Tuæ Reverendissimæ

Humillim., ac Obsequentissimus Famulus
Cajetanus Can. Gaglione Pen. Major.

Visa relatione Domini Revisoris, imprimatur. Die 12. mensis Aprilis 1804.

F. ROSSI CAN. DEP.

FESTINESE P. V. G.

U. J. Doct. D. Dominicus Genovese perlegat,
& in scriptis referat. Neapoli die 23. Septem-
bris 1803.

F. A. CAPP. MAJOR.

S. R. M.

CLarissimi Viri Antonii Malvasii Opus
Phaetra Divini Amoris inscriptum, Te
jubente, pervolutavi. Cumque illud omnige-
na qua humana, qua divina scatens eruditio-
ne puriori non adscitæ, sed nativæ latini ser-
monis elegantiae sociata; ac Tuis tutandis
juribus, bonisque moribus fovendis optime
factum reperissem, per litterarias formas in
publicam lucem emitti posse, immo quanto-
cius deberi censeo. Dabam Neapoli X. Ka-
lendas Februarias an. MDCCCIV.

Majestatis Vestrae

Humillimus Cliens
Dominicus Genuensis.

Vitis approbatione Regii Revisoris D. Domini Genovese, relatione Rev. Regii Cappellani Majoris, consultatione Regalis Camera S. Clara, ac Regali rescripto de die 21. currentis mensis, & anni &c.

Die 22. mensis Martii 1804. Neap.

Regalis Camera S. Clara, providet, decernit, atque mandat, quod imprimatur cum inserta forma presentis supplicis libelli, ac approbationis dicti Regii Revisoris; Verum non publicetur nisi per ipsum Revisorem facta iterum revisione affirmetur quod concordat servata forma Regalium ordinum; ac etiam in publicatione servetur Regia Pragmatica. Hoc suum &c.

MASEARO.

CIANCIULI.
V. A. R. C.

DE MARCO &c.

Izzo Canc.

Reg. fol. 43.

Illustris Marchio de Jorio Pras. S. R. C., & ceteri Spectabiles Aularum Praefecti, tempore subscriptionis impediti.

Reg. fol. 13. d. 1.

Lama.

ERRATA:

TORRIGE:

Pag.	2.	vers.	21.	Contingerit	--	Contigerit
	15.		9.	Virtutis	--	Virtutes
	21.		11.	amores	--	amatores
	49.		19.	ea quæ	--	eaque
	65.		9.	cecinit	--	canit
	135.		24.	se ab ab	--	se ab
	160.		15.	celeris	--	celer
	167.		23.	parque vo-	--	parque Cy-
				lucibus		doniis.
				Telis Cydoneis pro-		Telis proripuit; soli
				ripuit; meam		licitam meam.





PHARETRA
DIVINI AMORIS
LIBER I.

IN QUO AMOR PROPRIUS DEBELLATUR, ET
SUI IPSIUS ABNEGATIO INDUCITUR.



METRUM I.

S. JOHANNES DE CRUCE

CŒLESTI FLAGRANS AMORE.

D*ic mihi SANCTUS AMOR placidas quas incolis
oras?*

Avectum longe quæ tenet alma domus?

Dic ubi firmaris niveis tentoria velis;

Dic ubi sit lectus, dic ubi mensa tibi?

Ne miser incipiam per collem & prata vagari,

Lustraque defesso non adeunda pede.

Cur fugis? Heu cur te abscondis pulcherrime rerum?

Anne meo magno crimine læsus abis?

Parce precor si forte tuum, quod Numen adoro,

Imprudens læsi nescius ipse mei.

En tibi me dedo, memorandas exige pœnas;

Non renuo jussus tristia cuncta pati.

A.

Ne

Ne placeat pretiosa odia , at constantia magno
Exercere ; iras pone , piusque veni .

O mitis placidusque veni ; solare jacentem .

O mihi sola mei spesque , salusque redi .

Deficio ; mors ante oculos furibunda vagatur ,
Perque sinum lacrymæ fluminis instar eunt .

Adspice me immodici simulacrum grande doloris ;
Te moveant gemitus , te moveantque preces .

Ast tu cura mei si te pia tangit , & illa

Quæ viguit pietas intemerata manet ,

Rumpe moras , propera , vel me tua visere tecta
Da saltem facilis , meque venire jube .

Te per hyperboreas glacies , Tanaimque nivalem ,
Per Scythicas rupes te mea vita sequar .

Non me silva suis densis ambagibus horrens ,
Non me solliciti terreat ira maris .

Non hic lethiferæ undæ , illic salebrosa movebunt
Saxa , nec obliquo dente timendus aper :

Ibo animis contra . Quod si me occumbere mortî
Contingerit , tali morte beatus ero .

Tu tamen ossa feris laniata ; informe cadaver
Ejectum aut undis da miseratus humo .

Impositusque brevis quem cernat & inde viator
Inscriptus signet tristia fata lapis :

Hic jacet immitti consumptus morte Johannes ,
Dum vitam terra , dum sequiturque mari .

Hæc si quando placet fuerint ; nunc adspice queso ,
Adspice me miserum , nec mea damna grava .

Hæc gratos nuper sedes afflabat odores ,
Clara tuæ certe proxima signa fuge .

Evasi , intonsique gregis vestigia legi ,

Nil præter lacrymas , & mea damna videns ,

Quæ-

Querentem, & sine fine iterumq; iterumq; vocantem
Me spes, me totus destituitque vigor;
Solaque respondet gelidis e vallibus echo,
Terrores miris ingeminatque modis.
Adspicis annosas quercus, & robora passim;
Illæ tuum carum, perlege, nomen habent.
Cernis ut illa meos multum miserata dolores,
Scripturæ molles exhibuere sinus.
Te clamant, revocantque illa, & sermone diserto
Instant; ut venias officiosa rogant.
O vos dulcisonis Zephyri spirantibus auris;
Sic vos perpetuo pascua grata colant,
Ducite Dilectum, properet mora nulla, revisat
Optatus nostræ candida tecta domus.



P R O S A I.

TYR. = Quid audiui! Hic qui ab ineunte
 ætate per Sanctorum vestigia strenue ingressus,
 tantos in dies effecit in solida pietate proces-
 sus, & dum ejus primordia ad integerrimum
 cumulatæ virtutis exemplar effingebantur totus
 sibi displicebat, atque contentissimo labore ad
 majora assidue nitēbatur; cujus nunc vita mi-
 raculum est, sic pallet & ingemit, seque san-
 cti Amoris jacturam jam fecisse arbitratur?
 Adeone eum hæc habet cura sollicitum, &
 ubi nullus est timor tanta trepidatione confi-
 statur? Et quid de me statuam, quem situ

torpentem, nullaue futurorum cogitatione commotum non tot voces excitant, non ad meliora tot divinæ provocare monitiones? Me iustus exanimat timor. Hei mihi! Nullus sum.

M E T R U M II.

Ergo semper humi lapsus, fractusque jacebo,
Exiguum ad quodvis segnis inersque bonum!
Inque dies magis atque magis superante veterno
Cogar quamprimum nescius esse mei!
Et potero demens mihi tantum inferre malorum,
Et patiar tanto funere sponte premi?
Ultio segnitiam tantam mox quanta sequetur!
Quas memores pœnas improbus inde dabo!
Iratu Deus ultor adest. Interritus ecquis
Iratum poterit sustinuisse Deum?
O dolor, æterni æternæ proh judicis iræ,
Tuque rigor nullis exsaturande modis,
Vos ego respiciens non expergiscar, & acer
Non cupiam caute consuluisse mihi?
Non te conveniam supplex, lacrymansque, gemensque
O Pater omnipotens, auxiliumque petam?
Magdala, Zachæus, mulier quoque adultera; latro
Me sperare jubent si meliora sequar.
Parta salus istis quoniam ingemuere, suorum
Contrito scelerum corde dolente nefas.
Ille dolor justas Domini compescuit iras;
Ille dolor tantis eripuitque malis.

O utinam me cura eadem, similesque dolores
Exciperent, felix undique vita foret.
Prodigium magni Niobes stas facta doloris,
In statuam subito versa gementis aquæ.
In lacrymas sic totus eam, sic nulla supersint
Membra mihi, & penitus corpus inane ferar.
Ora modis uxor Lothi pallentia miris,
Sal quando (miserum) facta, repente tulit.
Sit mihi sors eadem; simulacrum sponte doloris
Efficiar, stabili ne movearque loco.
Hoc placeat magis; est Niobes nam nomen inane;
Figmentum vanum vana possis habere.
I pictor vivos actutum sume colores,
Effinge & tabulam, quam tamen ipse volo.
Effusis stet imago comis, impexaque barba
Horrescens pectus contegat, atque sinus.
Flammescant oculi planctu, maciesque cadentes
Interfusa genas tristius ora notet.
Oblongum collum exsanguis sit gusture fœdum;
Arida circumdans arctet utrumque cutis.
Da patulas nares; fac ut spirantius edat
Triste supercilium fata dolenda viri.
Si quæris qualem vestem sibi poscat imago;
Pulla placet, variis sed lacerata modis.
Discissa hæc tamen ostendat tum pectus apertum,
Tum tralucentes sicca per ossa sinus.
Tale mei simulacrum exstet; sim talis & ipse.
Fac pictor; pretium stat tibi grande satis.

PROSA II.

SEd quid hæ lacrymæ cum egregiam Domini beneficentiam minime vulgari perfidia & impietate rependerim? Scio. At in sententia manebo? Avertat Deus. Et nunc tam præclaram occasionem elabi patiar e manibus, cui similem fortasse nullam sim in posterum habiturus? Nihil minus. Conveniam hunc SS. virum, quem experta virtus ad tantam rerum divinarum intelligentiam, & humanorum contemptum adduxit; qui ad aliorum salutem acriter & scienter solet incumbere. Confido hanc rationem exitum habituram. Hem mitissime Pater respice in me = JOHANNES = Quid tibi vis fili? = TYR = Peccator sum. Dominum meum quæro. Ostende viam qua ad optata perveniam. Nullas in me divini amoris scintillas sentio. O me perditum! = JO = Ne animo concidas. Nihil facilius quam Dei opitulante gratia summum bonum summo amore complecti. Nihil ab ingenuo homine magis alienum, quam ingrati animi vitium: Si natura ipsa propensi sumus ad bene merendum de iis quorum in nos beneficia constiteret; si scelus, si monstrum est eos injuria appetere quibus conlatorum vi beneficiorum sumus devincti, et qui nos amant; age quomo-

modo erga Deum nos affici necesse est? An longa oratione persequar quæ in te ille contulit? Quot nominibus ei tenearis obstrictus? Quæ illius in te habeas æterni amoris egregia pignora? Cum autem hic non ineunda, sed referenda sit gratia, vide quæ et quanto major adhibenda sit cura; nullum enim officium referenda gratia magis necessarium est. TYR = Stipes sum si non sentio = JO = *Dilexit te, & tradidit se pro te*. Quis ille; quis tu = TYR = O prodigium amoris sub cuius pondere pene ipsa Fides, ut ita dicam labascit, et oppressa succumbat! = JO = Et modus ipse quo hæc gesta sunt, & quæ rem tantam sunt inde secuta, nonne hæc prorsus mirabilia? Quoties tu perfidus et excors... Scire piget = TYR = O rem incredibilem, et miserrimam! Tantum ne desipere, in tantam me malorum collusionem pessumdare potui? Quid misero mihi denique restat? = JO = Vivida spes in gratiam Domini redeundi. Brevis et facilis via = TYR = Beasti. Arripiam; tantum indica quænam illa = JO = Christus, et hic crucifixus; Expende ejus verba: *Qui vult venire post me abneget semetipsum*. O si dicto auscultes, quanta in te derivabis bona! Totus ejus amore flagrabis. Nihil ad votorum summam desiderabis = TYR = Tantum ne momenti in hac mei Abnegatione! Adeone minimo pretio res tanta stabit?

POETAE ROMANI * POETAE ROMANI * POETAE ROMANI * POETAE ROMANI * POETAE ROMANI

METRUM III.

Pulvis, cinisque sordidus,
Putredinisque vasculum
Cum sim, nec ulla fulgeam
Vel corporis vel spiritus
Præstantia præ ceteris,
Quid quæso magni ego abnego
Si me severus abnegem?
O sancta, blanda, mitia
Præcepta summi Numinis!
Est quippe fœnum debile,
Est & caducus flosculus
Mortalis omnis, præditus
Quamvis juventæ robore:
Quod si superbus efferat
Se dote clarus ingeni,
Hunc jure quisquis dixerit
Cor vile, follem turgidum
Inanitate nobilem.



P R O S A III.

JO = Ad hanc tamen tui Abnegationem maximo tibi ne pergas impedimento futurus est infamis ille *Amor*, quem vulgato nomine *Proprium* dicunt. In hunc toto agmine confligendum tibi est. Sed & sagacitate, prudentiaque tibi maxima opus est ut immunem ab illo te asseras. Aliena sub specie latitans ille subreptit non raro, & seducit, & evertit = TYR = Tantæ ne ad nocendum in illo vires? = JO = Non ambiges si ejus expenderis naturam. Hic omnia ad se trahit. Eo incensus homo se omnium instar arbitratur; vult se unum omnibus dominari, cunctos sibi subjici, omnia sibi vindicare. Exulant longius ab eo pietas, clementia, quodque magis incommodat Christiana humilitas. Quo si quid scdus excogitari queat tu ipse inspicito = TYR = Sui ipsius ergo in homine amorem damnabimus? = JO. = Si sui ipsius amori eandem ac amori proprio significationem affingamus, cogemur huic præclara multa tribuere, quæ in tale monstrum, quale est amor proprius, nullo pacto cadere possunt. Sed cum non sit penes nos inveteratam, & communi usu receptam vocabulorum vim pervertere & detorquere a sensu passim & vulgo recepto, sic habe mi Tyro, aliud

SUI

sui amorem, aliud *amorem proprium* importare. Amor *nostri* est amor nostræ conservationis, nostræ felicitatis. Hic cum a Deo proficiscatur, rectus & purus defluit. Est quippe imago immensi & æterni illius amoris, quo summum Ens seipsum prosequitur, cujus scintillam nobis indidit, cum nos ad seipsum ordinavit. Hic nostri amor debet omnino conformari sanctitati, et voluntati ipsius Dei qui illum nobis indidit. Quærere felicitatem ad rationem quam indicat fœda nostra in malum pronitas, illam ex creatis rebus velle haurire, id non est uti, sed abuti privilegio illo. Non est id seipsum amare, sed perdere. Est corruptam voluptatem suam, non autem Dei legem persequi. Hic est ille quem *Proprium Amorem* vocat Religio. Hunc si sapimus Vatiniano odio detestari debemus.

~~~~~

#### M E T R U M IV.

Nostri pudicum, sobrium,  
 Justum, decorum, nobilem  
 Nobis amorem provida  
 Natura mater indidit.  
 Hæc vis amoris vivida  
 Qua nosmetipsos perpetim  
 Amamus, urget incitat  
 Beatitatem querere.

Una

*Uno in Deo sed singuli  
 Habemus istam, Fallimur  
 Si res creatas credimus  
 Nos posse letos reddere.  
 Illum iubemus tramitem  
 Amore nostro persequi.  
 Debemus illo tendere,  
 Natura quippe hoc præcipit.  
 Hanc semitam si deserit  
 Injustus, atrox, impius  
 Amor fit ille, hunc maxime  
 Natura abhorret, rejicit.*



# P R O S A IV.

**A**ffectiões sunt animi aliqua de causa commutationes, ut Amor, Odium, Desiderium, Timor, Spes, Gaudium, Tristitia. Has anima suscipit, et originem trahunt ab ejus intellectu, et ab illo quem memoravi felicitatis appetitu. Si harum perspexeris naturam, non damnabis. Usus et objectum in judicium veniunt. Si hæc bona et laudabilia, bonæ illæ quoque et laudabiles. At si deforme et illegitimum sibi præfigunt objectum, si in prævum degenerent usum, jure improbabis, jure damnabis. Magnæ exinde virtutes; magna vitia emergere possunt. Hoc postremum dum accidit, vulgus affectiões illas vocat *Passiones*, quæ

quæ sunt perturbationes, seu motus animi in vetita ruentis. Hinc Cicero Tuscul. IV. ait. *Est igitur Zenonis hæc definitio ut Perturbatio sis quod πατος ille dicit, aversa a recta ratione contra naturam animi commotio.* Est igitur *Passio* nomen odiosum, quandoquidem excessum, et inordinatum animi motum arguit. Hujus Deus auctor esse nequit, cum auctor legis nequeat auctor esse ejus quod legi adversatur. Quicquid ergo nos ab illo veritatis et justitiæ fonte avertit, id ex nostra proficiscitur pravitatem, dum pronitatem illam quam ad bonum virtutis vertere debemus, ad malum convertimus. Frustra hæc duo confundere quis niteretur. Licet enim videantur illa in nobis oriri ex eodem principio, tamen principium illud non est simplex, sed duplex. Maxima ergo injustitia est velle Deum auctorem facere omnium illorum quæ falsa felicitatis apprehensio nobis ingerit, in eumque corrupti cordis nostri voluptarias motiones refundere. Quid enim hoc nisi ipsum Deum peccati auctorem facere? Haberetur alias ut lex naturæ inordinata vis illa, quæ ad malum voluptatis impellit. Quando ergo *passionibus* suis indulget homo, illas fovet, sectatur, jam ipse libere et legem pervertit, et consilium sui frustratur. Conditoris = TYR = Id sine juramento affirmanti facile crediderim = JO = Ad inordinatos hujusmodi compescendos cordis tumultus, carnisque motus egregium in nobis inseruit Deus ipse præsidium *Rationem*. Hac veluti in-

injecto fræno ferocissimum calcitronem , et  
sternacem equum illum concupiscentiæ conti-  
neremus . Hac veluti clarissima præeunte luce,  
divina opitulante gratia per offusas ab horren-  
da illa nocte tenebras dirigeremus pedes no-  
stros in viam pacis, semper vero et solido bo-  
no larvatam voluptatis speciem , et blanda ina-  
nium illicia oblectamentorum posthabentes  
= TYR = Agnosco latissimum discrimen quod  
inter *justum sui amorem* , & *proprium amo-  
rem* intercedit . Bonus primus, alter prævus .

~~~~~

M E T R U M V.

Quisquis amore
Ductus honesto
Cogitat alta
Scandere ver.e
Culmina laudis ;
Querit & hujus
Sed sine fastu
Commoda vit.e,
Criminis expers
Hic erit omnis ;
Nullaque justum
Noxa tenebit .
Ast proprii quem

Urget amoris
Vis malesana
Laude carebit
Improbis omni .
Nulla laborem
Dona sequentur .
Cassus in auras
Ibit inanes
Ardor iniquus .
Obrutus atra
Impius ille
Nocte jacebit .

 PROSA V.

JO = Est et eo quoque nomine damnandus *Amor proprius* quod pessimus simulator, et turpis hypocrita ille est = TYR = Parcimus sic incedenti; nulli enim scandalo erit, idque maximo lucro apponerem in tanta horum temporum iniquitate, scandalis ubique grassantibus = JO = Et putas simulationem illam diu perduraturam? Ficta brevi evanescunt. Res e sententia non cedit. Actus hominis virtute animati gratum diffundunt odorem, seque rite et recte in officio continent; nullum lædunt, cum id quod bonum est, semper tale se prodant. At hypocrisis si unum aut alterum, aut paucos fallit, multitudini certe nunquam imponet; statim enim ejus fœditas apparebit, omniaque turpi inconstantia cernes inquinata, dum hominem hac peste afflatum, modo audacia elatum tumide se efferre, modo ad imam se demittere cernes viliratem. O quam facile cum prudentia deteget!

M E T R U M VI.

Ingredere Uxor Jeroboam (sic fatus Ahias)
Eccur te simulas aliam ? Depone figuram
Quam mentiris ; amant proprio nam vera corusco
Lumine se ferri , ficta & simulata repellunt .
Excipit his te turpis amor Prudentia verbis ;
Insidias , fraudesque tuas feliciter illa
Detegit , atque suis te ablegat longius oris ,
Nulla tibi ut sedes inter queat esse decoras
Virtutis , certusque locus , sed tristis agaris
Exu ! in horrentes vitiorum abjecte catervas ;
Infelix ubi jam nullo infuscante colore ,
Omnibus & notus , propriaque in veste reiectus
Dedecori pateas , odiisque furentibus ultro
Subjiciare miser , lacrymosa compede victus ,
Artibus haud ullis adjutus , ut ante , malignis .

P R O S A VI.

Ecce urget Caritas, et ad arduum aliquod opus impellit. Non pecuniam solum, sed ingentem corporis laborem exigit ; vitam ipsam interdum requirit. Hæc quomodo finget , et præstabit Proprius Amor ? An tanta vitii vis
ut

ut se constanter pro virtute obtrudat? Non tanta, crede mihi vi pollet. Si Thrasonicam jactantiam inflatis buccis effundat; si robur fortitudinem, liberalitatem, patientiam disertissime verbis enunciet; cum ad rem ventum fuerit, miro illum modo languescere cernes. Jam fraus detecta est; jam justis indignationibus excipietur homo ille; jam fabula et ludibrium ipsius vulgi est. O simulatio semper nequissima! Tu duplex iniquitas. O Christe averte a nobis hanc pestem.



M E T R U M VII.

O Utinam æterno jacuissent funere mersa
 Obruta jamdudum Pharisæica regna ruinis;
 Quæve adeo Solymas fœdavit turpis Erinny's
 Nunquam huc e Stygiis remeasset HYPOCRISIS oris.
 Heu quæ tanta hominum potuere piacula terris
 Hanc pestem revocare; nefas & spargere tantum!
 Polluit innocuos ipsos, sævumque venenum
 Non timet egregiis factis afflare piorum,
 Quippe sagax irrepit, & haud bene visa profundo
 Pectore se condit, mentemque infuscat inani
 Spe, desiderio & terrenæ laudis obumbrat.
 Incipit hæc Domini paulatim abolere figuram
 In Cruce confixi; hinc raro qui sponte fugacis
 Gloriolæ Mundi non pertentetur amore,
 Qui sua vel studeat benefacta abscondere prorsus.

In-

*Invenies aliquem, tanta est in peste nocendi
Vis; tantum horrendo consurgit robore fulta.*

~~~~~

## PROSA VII.

**T**YR = Hæc ut libet vera sint; inficiari tamen non possumus aliquid quandoque boni ex proprio Amore extundi. Ille formidine pœnæ hominem a legum violatione avertit, et exterius saltem eum peccare non sinit. Videtur aliquo modo Caritatem ipsam feliciter æmulari. Ecce Caritas, benigna cum sit, misereatur et commodat; libenter sustinet et patitur, idque propter Dei amorem. Idipsum, licet propter suum emolumentum, peragit Amor Proprius; peragit tamen. Non invitus assentieris nullum omnino actum esse qui ob Dei amorem, utque Deo placeamus a nobis suscipiatur, quem et suscipere nequeat Amor Proprius, licet ob perversum illum quem innui finem = JO = Mentita est iniquitas sibi. Adeo ne ignoras Amoris Proprii naturam? Quomodo tibi venit in mentem hunc in proximi utilitatem dirigi, et ut rivulum ex caritate proficiscentem accipi?

## METRUM VIII.

**D**ULcis ad mellis revocare possis  
Indolem si fel ; potes & corusco  
Forte si quando tenebras creare  
Solis in ore ;  
Tunc Amor turpis Proprius nefandum  
Exuet vultum ; sua tunc vetusta  
Arma deponet , bonus & figuram  
Sumet honesti .  
Ursa cui rapti catuli relinquet  
Efferas iras potius ; feroci  
Temperet motu Leo dum cruento est  
Vulnere pressus ,  
Quam suum ponens Amor ille morem ,  
Alterum vultum bene mentiatur ,  
Et brevi saltem tegat atque celet  
Tempore virus .  
Namque tam fœdus , truculentus , atrox  
Ille decurrit , nequeat per horam  
Ut pium , purum , nitidum , bonumque  
Se dare nobis .

PROSA VIII.

**T**YR = Non adeo acerbe decernas. Scimus non omnia Infidelium opera esse peccata. Multos ex historiis discimus extitisse Gentiles qui magnam sibi ex rebus bene gestis famam compararunt. Horum vel continentiae, vel parsimoniae, vel temperantiae praeclara facinora stupeamus, et ipsis Christianis æmulanda proponimus. Quis ignorat eos Amore Proprio ad tanta fuisse compulsos? Vincebat Amor laudum, vincebat arrecta, et non satiabilis famæ cupido. = JO = Erras. Ordinatus sui Amor, laudabilis de bono nomine cura, honestas, frugalitas, temperantia, et virtutes quæ sui pulchritudine in animis non omnino depravatis desiderium excitant et amorem, Ethnicos illos ad fortia, et clara impulere facinora. Nihil ibi proprius Amor sibi vindicavit. Omnia hic perdidisset. Recte usi sunt illi lumine naturali; ratione se duci siverunt. Et licet nihil omnino ad æternam vitam illæ præclare res gestæ aptæ fuerint; meritum nullum in illis virtutibus ad animæ salutem inesset, magna tamen exinde in bene moratum animum consolatio, justæ laudes, debita præconia.

## M E T R U M IX.

**E**Xerit ipsa suos virtus pulherrima vultus  
 Luce sua effulgens, perstatque interrta contr  
 Lucantes ventos, tempestatesque sonoras.  
 Mole sua hanc stattem nulla de sede movebunt  
 Adverse vires; nulla infuscare tenebre  
 Evaleant. Unam hanc rigidi metuere Tyranni,  
 Officiisque piis Reprobi coluere frequenter;  
 Hæc facit una bonos, nullum hac continget abuti.  
 O salve virtus, decus immortale tuorum;  
 Ornamentum ingens; fructus, pretiumque laborum,  
 Te quæcumque habeant terræ, quacumque pererres  
 Suspiciamus, colimus, læti reverenter adimus.

## P R O S A IX.

**T**YR = Hæc ita se habere nullus dubito.  
 Non dicam quod Amor Proprius æmulatur caritatem (\*) quod ratione ducitur, quod aliquid boni parere possit et alia huiusmodi cum quodam magni nominis Gallo Scriptore = JO = Falsa omnia. Semper inordinatum motum dicit

(\*) Hæc omnia docet Dominus Chantaresnæ in Tractatu De Amore Proprio.

cit ille; semper rationi refragatur; nunquam subdit se virtuti, delectatur fraude, mendacio, et cum sola hypocrisi societatem est aptus coire. Omnium quæ hæcenus dixi do tibi egregium fidejussorem Paulum. En tibi ejus verba 2. *Timot. Cap. 3.* „ Erunt homines *scipsos* „ *amantes* cupidi, elati, superbi, blasphemii, „ parentibus non obediētes, ingrati, scelesti, „ sine affectione, sine pace, criminatores, in- „ continentes, immites, sine benignitate, pro- „ ditores, protervi, tumidi, et voluptatum „ amores magis, quam Dei, habentes speciem „ quidem pietatis, *virtutem autem ejus abne-* „ *gantes* “ Vidisti qui et quot erumpant pessimi frutices ex venenata illa Amoris Proprii radice? Et ne Gallus ille permaneat in sua assertione qua propugnavit evenire interdum ex animi sententia improbis illis ut latitent sub specie caritatis, christianæ humilitatis, aut alterius virtutis, subdit statim Apostolus quod: *Insapientia eorum manifesta erit omnibus.*

---

## M E T R U M X.

**S**I tu scire cupis qualia funera  
 Nobis turpis Amor Proprius afferat,  
 Ne queras alibi; sedulus inspice  
 Unum te; liquido cernere nam potes  
 Quanti causa mali, perfidus extitit;

Quantis ille dolis, quotque doloribus  
Te pressit miserum, tum quibus asperis  
Infixit scopulis, fluctibus obrutum.  
Quenam erumna gravis, quive nocentior  
Te casus tetigit, cujus originem  
In peste hac nequeas noscere certius?  
Hæc hæc una furens omnia perdidit;  
Hæc ipsa implacidis feta tumultibus  
Et cladem trepidis intulit urbibus,  
Et dulci populos fœdere jamdiu  
Devinctos, paribus jussit ad invicem  
Decertare odiis, inque ferocia  
Immisit subito mutua vulnera.

P R O S A X.

**T** YR = Stat sententia. Pessimus hostis est Amor ille = JO = Hoc debellato plana et expedita ad tui ipsius Abnegationem semita patebit. Defervescet ardor ille, quo ad creata turpiter trahimur, si nullam nostri nisi in ordine ad vitam æternam suscipiamus curam. Tædium fastidiumque concipiemus omnium quæ a damnato, quem odit Christus, Mundo plurimi æstimantur. Gradus, honores, dignitates, divitias quibus tantopere inhiant, quæque mirabundi suspiciunt cæci homines nihili prorsus faciemus. Hæc ut fumum, ut auram fugientem, ut indigna prorsus amoribus nostris putabimus.

Ju-

Justo furore in omnes inhonestas corporis voluptates inflammabimur, has porcis relinque-  
mus. Durum certamen fateor. At viros nos  
præstabimus; adversantibus undis et ventis cer-  
tum nostrum iter, ne ad scopulos hæreamus,  
tenebimus.

~~~~~

M E T R U M XI.

Non ille cunctis asperioribus
Diris petendus navita, flatibus
Qui ad saxa versis dat ferendam
Exitium in miserum carinam?
Fertur secundis in mala motibus
Natura præceptis nostra per obvias
Currrens voluptates, nec illis
Se facilis patitur revelli,
Quam dulce lenis quo vocat impetus
Carnis rebellis vertere carbasa,
Mollesque monstratos adire
Fluctibus in placidis recessus!
Ast æerne quantis horreat abditis
Æquor ruinis quod placidum putas;
Quot monstra; sedas quot Charybdes,
Quot scopulos habeat latentes.
Impone cautus fræna libidini;
Nec qua videbis currere plurimos
Tu curre; mores pessimorum
Perpetuis odiis sequare.

*Non quo itur ibis; selige semitam
 Sanctam, malignis catibus inviam;
 Hanc carpe, letus sic beate
 Ad Patriæ properabis ades.*

P R O S A XI.

TYR = Hæc quo majora facis, acriores mihi subdunt stimulos, et ad tantum bonum mihi comparandum incendunt. Edissere quæso quid sibi velit *Abnegatio* illa; quandoquidem ingentia quæ de ea prædicasti non videntur cadere potuisse in illos celebres Philosophos Ethnicos, quorum nonnulli divitias contempserunt, alii a carnis voluptatibus abhorruerunt, honores ultro delatos rejecere alii; et tamen hos Abnegationi impense studuisse, in ejusque arcem invasisse non diffitebimur = JO = Quid arrogantes Ethnicos illos memoras, quasi hi Abnegationem de qua loquimur, fuerint assecuti? Nihil minus. Ignota prorsus illis Christiana Humilitas; immane popularis auræ desiderium, et superbiæ tumor ad illa compulit. Hi singulares, et præ cæteris excellentiores apparere volebant, et inanis gloriæ cupidi fastum aliorum, iniquiore tamen suo fastu, calcabant. Is amor, hoc studium. Scimus posse aliquem vel proprio urgente amore, vel mania dominante ardua quædam aggredi. Quinam ignoti Circum-

cumcelliones? Mezentium contemptorem Divum in Virgilio, Alcastum in Torquato nostro, Jarbam in Metastasio novimus, et ex Apostolo discimus posse aliquem caritate destitutum corpus tradere ut ardeat. Scilicet ut grande sibi nomen comparet, seque ut quid hominum supra vulgarem conditionem efferat et jactet, poterit quidem impigre quis tanta moliri. Sed aufer hanc inanem gloriam. Adeamus intimum virtutis sacrarium. Abdet se in solitudinem? Abdicabit se ibi omnibus suis? Voluntarie carnem suam heros ille jejuniis, cilicio, humi cubatione macerabit, ubi tamen nullus horum testis sit, unde nulla de eo erumpet fama? Credat Judæus Apella. Non abnuo inter illos, quos ut heroas antiquitas commemorat prædicatque, extitisse nonnullos qui naturæ lumine ducti, bonamque sortiri indolem, virtutibus inclaruerint; eorum præclare res gestas admiratione et elogiis dignas cepseo. Absit ut eorum virtutes vitis accenseam; ajo tantum illos si unius, aut alterius virtutis se eximios præstitere cultores, in aliis miserime defecisse, seque nunquam abnegasse. Ecce laudamus Catonis severitatem; obstupemus ad ea quæ Romanæ Historiæ Princeps nitidissime nobis de ipso exhibet. Scimus tamen contra ea *pollucibiles* ejus cœnas, ebrietatemque nec per totam noctem edomitam. In Mæcenate laudibus ad cœlum extollendo totas suas vires exprompsit consumpsitque Poesis. Uxorem tamen suam grato animo illum Augusto

com.

commodasse non ignoramus. Sed quo imprudens evasit oratio! Pœnitet pigetque hæc innuisse. Non hos ad miserabiles usus linguam nobis est largitus Omnipotens. Linguam caute custodiamus.

FOUR FOUR FOUR FOUR FOUR FOUR FOUR FOUR FOUR FOUR FOUR

M E T R U M XII.

Quisquis audacem cohibere linguam
 Noverit cautus, caret hic pudendis
 Sordibus cunctis quibus inquinatur
 Turba nocentum.
 Namque Jacobus docet hoc magister,
 Inolytus testis, statuitque dicens
 Esse perfectum penitus carentem
 Crimine lingue.
 O nimis felix, nimis o beatus
 Verba qui justa moderatur arte;
 Syllabas prudens trutina fidei
 Ponderat omnes.
 Hic dies ducet placidos senectæ;
 Pax alet, dulcis requies fovet;
 Viset hunc pleno properans benigna
 Copia cornu.

PRO:

P R O S A XII.

TU interim si Abnegationis de qua loquimur naturam expenderis, longissime ab ea abfuisse dices. Ethnicos quos incensissimis studiis extollit antiquitas. Vult Abnegatio ut te nihil omnino esse existimes; tecum iuste et benigne actum credas si probris omnibus appetaris. Quæcumque te invadant ærumnarum, dolorum, injuriarum agmina, ea tibi jure debita opineris, firmissime existimans nullum adeo grave supplicium excogitari posse quod tibi puniendo par esse queat. = TYR = Profecto quisquis peccavit, sic secum statuere debet. Irascor tamen mihi. Me adversa semper in transversum egerunt. Non ea mihi vis animo ut amara illa quæ innuisti facile deglutiam = JO = In unum Amorem Proprium noxam hanc conferes, si quæ paulo ante commemoravi ad memoriam revoces = TYR = Fateor. Sed nunc ad mentem venio.



ME.

M E T R U M XIII.

Quicquid acerbi dira tyrannis
 Protulit unquam ; saevius omne
 Pessimus olim quod Lestrignonum
 Antiphates rex jussit in antris
 Id leve prorsus , quin nihil esse
 Judico si illis comparo pœnis
 Quas mea poscunt crimina multa .
 Ecquid quereris mortale genus
 Tristia quando pateris ? Cur et
 Auræ pulsat sidera clamor ,
 Resonant gemitu compita longe ?
 Parcite lacrymis , uberiores
 Crimina pœnas vestra repostunt .

P R O S A XIII.

JO = Placet . Tantum in proposito maneat ;
 utque bene suscepta hujusmodi cura felicem
 recurrat ad exitum , juratum hostem tuis te
 exhibe appetitibus . Quod si Ethnicus homo
 Cicero exclamavit : *Efficiendum omnino ut*
appetitus rationi subdantur , quanto magis in
 animum id inducere tibi debes tu Christianus
 ho;

homo, cui non in morem insanientis equi lascivire, non sicut cæteri qui spem non habent mammonæ inservire, non in caducarum inani substantia rerum spem ponere gravissime præcipitur, sed Christum Crucifixum induere debes? Res sic comparata est. Nunquam Deo impleberis nisi teipse evacues, nisi teipse penitus derelinquas = TYR = Hem qui fieri istud poterit? Si alia rei de qua agimus expediendæ via desit, hærebimus perpetuo, nec quo volumus perveniemus.

M E T R U M XIV.

JUnge igni glaciem, coarant Agnæque Lupique;
 Flagret amore truci tremefacta Capella Leonis,
 Flammivomo tenebræ fundantur ab ore lacerne,
 Et quæcumque simul pugnantia viderit Orbis
 Fac in amicitias veniant, et fœdera jungant,
 Et tunc, crede mihi, quod nunc deprecis habebis.



PRO-

PROSA XIV.

JO = Homo captus oculis nequit lucem adspicere. Orandum ut det Dominus intellectum, adaperiat oculos nostros, et tunc omnia infusa luce clarescent. Interim libeat tantisper tecum agere. Dic sodes. Formant ne mores nostros amores nostri? = TYR = Utrique, cum sit amoris similitudinem invehere amantem inter et amatum, et quo vividior est illa amoris flamma, eo major illa consurgit similitudo = JO = Qui ergo amores suos creatis rebus sacrat, jam vilis et ignobilis fit sicut illæ = TYR = Nullus dubito; et huc respexit *Psal. 113.* ubi de his qui Idola colunt dicitur: *Similes illis fiant qui faciunt ea, et omnes qui confidunt in illis* = JO = Addiderim non solum creatæ rei, quam amat similem fieri stultum illum amatorem, sed et viliorē et ignobiliorem, quia amor non solum æquat, sed subijcit amantem amato.

M E T R U M XV.

Dirus amor fortem imbelli subjecit amato
 Anantem, et istum verbera
 Servitiumque pati
 Jussit, non contentus eos æquasse sub una
 Eademque lege dispares.
 Conditione satis,
 Scilicet hoc deerat curis, numeroque laborum
 Ardens maneret obrutus
 His ut amator aquis.

P R O S A XV.

ET id Philosophi concordēs ingerunt = JO =
 Sequitur ex his hominem qui alicujus creatæ
 rei præpostero flagrat amore, ineptum esse
 qui Deo conjungatur; vilis enim et abjectæ
 illius rei natura multo longe majorem cum
 Dei celsitudine repugnantiam habet, quam lux
 cum tenebris, et sicut hæc una stare non
 possunt, multo magis illa. Quid enim Cœli,
 Terra, et omnia quæ in eis sunt si Deo com-
 pa-

parentur? = TYR = Nihil profecto. Præclare Jerem. IV. *Adspexi Terram, et vacua erat et nihil, et Cælos, et non erat lux in eis. Si ergo omnes creatæ res nihil sunt, jam nihil quoque erunt, imo et nihilo ipso miserioribus affectus et amores qui in illis collocantur.*

M E T R U M XVI.

O He si Nihilo minus quid esset,
 Et hoc si inferius quid esset, istud
 Esse dicite quicquid insolenter
 Vos facit Domino Deo rebelles,
 Avertitque animos tenebricosos,
 A lucis rediis, trahitque cecos
 Illuc unde negant redire quemquam
 Orci immania monstra; mansionem
 Ubi supplicia ætiora, et omnes
 Pænæ perpetuam sibi locarunt.

P R O S A XVI.

Teneo: Dicere vis quod si creatæ omnia
 comparetæ ad Deum nihil sunt, jam anima
 quæ in illis amorem suum collocat, ipsa quo-
 que nihil sit = JO = Probe. Jam vero pul-
 chri-

chritudo, bonitas, sapientia creaturarum rerum
 quo loco habebuntur si Deo comparentur?
 = TYR = Nullo prorsus, nullo = JO = Quid
 divitiarum, voluptates, gloria hujus sæculi?
 = TYR = Nihil omnino = JO = Hæc omnia
 vere et solide in Deo inveniuntur. Hinc jure
 nos arguit Sapientia, et se horum omnium ve-
 ram Parentem demonstrat, et altricem *Pro-*
verb. 8. „ O viri ad vos clamito, et vox mea
 „ ad filios hominum Audite quoniam
 „ de rebus magnis locutura sum, et aperien-
 „ tur labia mea ut recta prædicent Ju-
 „ sti sunt omnes sermones mei, non est in
 „ eis pravum quid, neque perversum . . . Ac-
 „ cipite disciplinam meam, et non pecuniam,
 „ doctrinam magis, quam aurum eligit. Me-
 „ lior est enim Sapientia cunctis pretiosissi-
 „ mis, et omne desiderabile ei non potest
 „ comparari. Ego Sapientia habito in consilio
 „ &c. “ quæ sequuntur notissima sunt, et
 concludit sermonem: *In viis justitiæ ambu-*
lo . . . Ut dicam diligentes me, et thesauros
eorum repleam. Hæc præcedentibus adnexa si
 recte expendere, videbis quod quantum crea-
 ta distant a Deo, tantum distant a Deo illæ
 animæ quæ turpiter amant res creatas. Ergo
 quousque anima omnium creaturarum rerum no-
 xium amorem a se ableget, non erit omnino
 apta quæ Spiritum Dei in se recipiat. Habes
 hujus insignem figuram Exodi XVI. ubi tunc
 Manna filiis Israel pluit cum panis quem ex
 Ægypto detulerant, omnino defecit. Anima

G

igi-

igitur rebus terrenis vacua implebitur et saturabitur huiusmodi cibo spirituali. Quod si alienum cibum velit cum hoc miscere, scilicet terrenæ rei appetitum fovere audeat, indignationem Domini in se provocabit, et iustas tantæ perfidiæ pœnas dabit. Hoc vides in iisdem filiis Israel carniû esum concupiscentibus: *Adhuc erant esca in ore eorum, et ira Dei ascendit super illos* = TYR = Me miserum! Me hæc petunt. Heu cur mea noxia lumina feci? Cur apposui cor meum rebus inanibus? O Domine averte oculos meos ne videant vanitatem *Psal. 118.*

~~~~~

## M E T R U M. XVII.

**Q**uid vana tanto queritis impetu  
 Ferme revulsi sedibus intimis  
 Turpes ocelli, quid decori  
 Vos trahit hoc rapido volatu?  
 Infame factum! Vos quibus optimus  
 Indulsit Auctor Cælica persequi,  
 Gaudere & illis, vos caduca  
 Hæc studio petitis nefando?  
 Formosa tanquam, pulchraque pingitis  
 Quæ fæda multum, quæve miserrima;  
 Et nos in harum mox amores  
 Arte mala trahitis ruentes.

Hsi

Illis inquinatos sordibus arbitrer  
 Vos posse sanctæ mœnia patriæ  
 Spectare, vultus civiumque.  
 Sidereos propius videre?  
 Tanto perustas frigore sentiam  
 Imas medullas! Cor glacialibus  
 Torpens pruinis, & rigenti  
 Me similem patiar metallo?  
 Me nulla quamvis parva beantium  
 Incendiorum lumine prospero  
 Scintilla tanget? Num nivali  
 Frigidior Tanai jacebo?  
 Quæ seva, quænam tristia perditum  
 Illum manebunt, qui sibi noxius  
 Non diligit quem diligendum  
 Sancta Fides, ratioque mandant!  
 Diris Averni discet ab ignibus  
 Jactura qualis sit dare sordidis  
 Cor ignibus; quod sit beatis  
 Exitium caruisse flammis.  
 O Rector Orbis turpia protinus  
 Fomenta fœdæ perde cupidinis,  
 Injurioso ne calore  
 Perpetuo miseri æstuemus.  
 Incende nostrum pectus amabili  
 Ardore, qualem prodigialiter  
 Sensit refusum tot piorum  
 Turba die memoranda in illa.

~~70-71-72-73-74-75-76-77-78-79-80-81-82-83-84-85-86-87-88-89-90-91-92-93-94-95-96-97-98-99-100~~

PROSA XVII.

**J**O = Porro si indignum prorsus est amoris et desiderio Summi boni terrenæ alicujus rei amorem et desiderium jungere; quid rem terrenam Summo bono præferre? Quibus verbis fœditatem tantam exprimes, quas invenies pœnas quæ tantum nefas persequantur? = TYR = Horresco tantum facinus = JO = Præcludamus ergo vias in tale barathrum ducere aptas. Sunt hæ Appetitus nostri. Hos contineamus in officio per Abnegationem nostri si ad Perfectionis apicem pervenire velimus. Moysem jussit Deus *Exod. 19.* in verticem montis adscendere, sic tamen ut non solum solus relictis filiis Israel adscenderet, sed nec etiam jumenta ad montis illius conspectum accedere pateretur. Quid autem his jumentis nisi Appetitus nostri indicantur? Utinam et efficere possemus ut Appetitus ille nostri ne adspicerent quidem Perfectionis quem sumus adscensuri montem. Sed et *Genes. 35.* legimus quod cum vellet Jacob in monte Bethel altare Domino ædificare in quo sacrificium offerret, omnibus qui cum eo erant præcepit ut abjicerent Deos alienos, ut se purificarent, ut vestes mutarent. Edocemur hinc quod quisquis Perfectionis montem vult adscendere, hic in corde suo altare, ubi amoris

ris sacrificium immoletur, erigere debet, quod ut peragat necesse omnino est, ut *alienos Deos* scilicet desideria, amoresque creatarum rerum deponat; purificet se; pœnitentia salutari omnes maculas quas amores illi invexerè eluendo, et tum vestes sibi mutari sentiet; quandoquidem ipse Deus veteres corruptas animæ intelligentias in novas convertet. In locum amoris et cupiditatis illius, qua in terrenas res ferebatur, novum eumque sanctum, et purum cœlestium amorem inseret, ut vetere in se extincto Adamo, in novum se translatum hominem suspiciat ille et gaudeat.



## M E T R U M XVIII.

**G**audia quanta putas homini contingere quando  
 Ereptus atris fluctibus  
 Se videt incolumem! Sibi tunc nasci ille videtur;  
 Primumque luce perfrui.  
 Uberiora manent hominem sed gaudia quando.  
 A morte vera criminum  
 Hunc revocat Domini pietas, & robore dulcis  
 Enutrit illum gratiæ.  
 Tunc nasci hunc dices; tunc se primordia lucis  
 Haurire vere concinat.



## P R O S A XIX.

JO = Hæc quæ fieri non posse videntur, facilia, suavia, et amœna vis gratiæ efficiet. Accommodabit illa pedibus tuis alas, et volabis ut Columba; transgredieris murum, et ad summum montis verticem evades, modo ne te deseras, et magna conari paratus sis = TYR = Istud ago; saltem cupio, et exopto = JO = Instrue animum tuum instar altaris in quo Domino sacrificium offeras. Memineris tamen præcepisse Dominum *Exod. 27.* ut altare super quo sibi immolandum edixerat, esset intrinsecus vacuum. Proprius, et non alienus ignis in eo perpetuo asservaretur. An putas mysterio ista vacare? Quid intrinseca illa altaris vacuitas, nisi terrenorum omnium vacuum appetitum indicat? Quid proprius ignis, nisi divini amoris puram flammam? An oblitus es, quod paulo ante commemoravi, improvisa morte percussos *Levit. 20.* Aaronis filios Nadab et Abiud, quia proprio igni ausi sunt alienum miscere? Quid hoc nisi flammam omnem quæ ex puro non egrediatur amore longe ab hoc altari eliminandam? TYR = Vacuum omnibus hujus terræ deliciis et bonis animum! O maxime duram sententiam! Nunquam vidi concertationem iniquius comparatam.

Perdifficilis, dura, et sæva est virtus; implacabiles gerit cum voluptate inimicitias. Hæc incredibiliter allicit, suavissime attrahit. Equis obsistet?

~~~~~

M E T R U M XX.

TYR =

Dic mihi cur pugnat sic cum virtute voluptas?
Si bellis aliquis denique finis erit?
Hæc negat, illa inquit; vult hæc, ast illa recusat;
Diversasque ineunt dissociata vias.
Hæc stat si illa cadit; cadit hæc sed si illa resurgit,
Nec possunt uno vivere juncta loco.
Illæ quidem pugnant; incerta est alea; sed nos
Vincimur, & certis tradimur inde malis.

JO =

Non pugnat; fida est virtutis amica voluptas;
Dulcia concordēs fœdera pacis habent.
Consilium tenet unum ambas, eademque voluntas;
Ambas una domus jungit, & unus amor.
Hoc habet ingenium sincera; & justa voluptas,
Quam nobis clemens indidit ipse Deus.
At fœda, & falso quæ est eodem nomine dicta
Diversos mores, ingeniumque tenet.

PRO-

 PROSA XX.

AD veram voluptatem te duco . Justus et planus ab illa vacuitate ad hanc gradus . Etenim illa vacuitas omnium affluentiam gaudiorum importat; voluptate tanta perfundit qua major excogitari nequeat . Hæc discumbere facit in mensa Patris cœlestis ; filiorum cibo recreat; famem extinguit; satietatem inducit . Splendida in Evangelio mentio est panis filiorum quem non esse projiciendum canibus Christus dixit . At quinam hi canes sunt ? Scilicet qui appetitus suos volunt creatis rebus alere . Quid enim sunt omnia creata bona , nisi mica de mensa illa cadentes ? Hæ tamen non satiant , imo famem acuunt ; et id innuit Psalmus dicens : *Famem patientur ut canes , et circuibunt civitatem . Si vero non fuerint saturati murmurabunt* = TYR = Satis exploratum est , et usus ipse liquido demonstrat quod substantia hujus Mundi non satiat .

~~~~~

## M E T R U M XXI.

**N**on satiat damnati hujus substantia Mundi,  
 Sed magis exacuit perfida facta famem.  
 Deciperis quicumque putas gaudere repertis,  
 Deliciis Terræ, vel bona vera sequi.  
 Arentes fauces; jejunaque membra relinquent.  
 Infelix miseris destituere modis.

~~~~~

P R O S A XXI.

JO = Sed et Appetitus qui in eam feruntur
 immane quantum Animæ incommodant. Eam
 in primis mirifice defatigant, defessam susque
 deque agunt, nec tamen eo quo vult sinunt
 illam pervenire; nec mirum, haurire enim
 aquam ex cisternis dissipatis nititur illa; jure
 ergo in se experitur illud Isaïæ: *Lassus adhuc
 sitit, et anima ejus vacua est.* Urgent siqui-
 dem post tot exantlatos labores eadem sitis et
 fames miserum hominem; hunc similem dices
 ægroto ardentibus febribus æstuanti, qui nisi
 febribus recedentibus nunquam bene habebit;
 quem cibus, potusque magis gravant, et tor-
 quent; de quo Job: *cum satiatus fueris arce-
 bi-*

bitur, aestuabit, et omnis dolor irruct super eum. Cogita si requiem sic positus invenire possit, si pacem possit ille sperare. Cor impij sicut mare fervens quod quiescere non potest Isai. 57. Et quo magis voluptatibus illis inhiat, easque persequitur, eo acriori urgetur fame; quandoquidem nihil exinde recepit; similis famelico illi qui ut comedat os aperit, at cibo frustratus, ventumque recipiens, magis are- scit, sævioremque reddit famem. Et de hoc loquitur Jeremias Cap. 2. In desiderio Animæ suæ attraxit ventum amoris sui. Et paulo infra significare volens ariditatem in qua hujus- modi anima tabescit, eam sic admonet; Prohi- be pedem tuum a nuditate, et gustur tuum a siti. Retrahat scilicet Appetitum suum a sæculi illecebris.

M E T R U M XXII.

E*Ridani prope stagna jaces data præda dolori
Noctes diesque Fantale.
Te sitis urit atrox, divexat & ardor edendi;
Nec accipis quod expectis.
Lympha rigat vultus misere sitientis & ora,
Collumque lambens abluit.
Stant epulæ circum instructæ prædivite luxu,
Famemque vexant acrius.*

Non

*Non datur at gustare epulas, non dulciter undas
Arente fauce sumere.*

*Lympha fugit, fugiunt epulae si tangere morsu
Has ille fervens nititur.*

*Dum vocat ore undas, inclusis dentibus atrum
Deceptus haurit pulverem;*

*Alligat atque famem stomacho, fugientia captas
Dum visa vanus munera.*

*Deliciosi hominis viva hic apparet imago;
Qualis sit ille hic cernitur.*

~~~~~

## PROSA XXII.

**T**YR = Optima præceptio; ea mihi per-  
placet = JO = Gaudeo te sic comparatum es-  
se. Facilis hinc ad altiorem, quam Deo vo-  
lente monstrabo, semitam adscensus.



## LIBER II.

*Quid memorata importet Abnegatio, &  
cujusmodi esse debeat.*

## PROSA I.

**J**O = Evangelicæ Abnegationis de qua sermonem instituere cœpimus latissima provincia est, immensumque imperium. Ea quicquid carni & sanguini placitum irrepit, exhorret constanter, avertit & longe arcet & fugat, naturamque nostram ex primæva labe in terrenorum amorem pronam sic corrigendam, reformandamque suscipit, ut non videatur illa infelici per Adam ad nos successionem transmissa, sed cœlitus delapsa; tantus eam caducarum rerum contemptus incessit, tantus divinatorum ardor inflamat. Et quid aliud agimus cum a voluptate h. e. corpore, cum a re familiari quæ est ministra & famula corporis, cum ab omni negotio animum sevocamus, quid inquam tunc agimus nisi animum ad seipsum advocamus, secum esse cogimus, maximeque a corpore abducimus? Secernere autem a corpore animum nec quidquam aliud est, nisi cum ad cœlestia transferre. Hoc & dum erimus in terris erit illi cœlesti vitæ simile, & cum

cum illuc ex his vinculis emittendi fuerimus minus tardabitur cursus animorum, & horribilem illum diem aliis, nobis faustum putabimus. Hinc cum denunciatum fuerit ut exeamus e vita, læti & agentes gratias parebimus, emittique nos e custodia, & levare vinculis arbitrabimur ut in æternam, & plane nostram domum remigremus. Enitendum ergo nobis omnino est, si beati esse volumus, ut Abnegationem illam tota quanta est assequamur. Paratum te volo. Solida virtute animum ne evagetur confirma. In mare magnum & spatiosum te demitto.

*M E T R U M I.*

Quæ navis etsi robore nobilis  
Se tuta possit credere fluctibus,  
Hujus gravetur nē carina  
Ante sua stabili saburra?  
Non illa certo tramite curreret;  
Non contineret se stabili gradu;  
Confunderet summas & imas  
Ipsa sinu fluitante merces,  
Hinc sume leges, hinc documentaque  
Quisquis tuorum, si sapis, actuum;  
Virtute firmanda est tenaci  
Ingenii levitas volueris.

*Natura semper mobilis omnibus  
Urgetur auris, querit & appetit  
Quod mox ut ingratum, & molestum  
Oderit, eximium bonumque.  
Virtutis istam vincla salubria  
Erant, et apto pondere deprimant;  
Elata ne rectum petitum  
Abjiciat, repetatque pravum.*

~~~~~

PROSA II.

TYR = Quorsum hæc evadent? = JO =
Quod Appetitibus bellum paulo ante indixi-
mus, acerrime bellandum est. His ne respi-
rare quidem demus, ne sociis armis junctis in-
cautos nos perdant = TYR = Vereor ab in-
genita naturæ imbecillitate. Hanc antequam
ad ulteriora progrediaris velim expendas = JO =
Ægrota est fateor. At quia ægrota est medi-
cinam renuet? Imo hoc ipso quod infirma est,
eo magis enitatur ut convalescat. Etenim dum
appetitui suo indulget, non morbum depellit
sed auget, & perinde se habet ac si flammam
extinguere volens alia igni fomenta subijciat.
Hinc quo magis illa via se reficere contendet,
eo magis seipsa pessumdabit. Et de hoc acci-
piendus Isaias Cap. IX. dicens: *Declinabis ad
dexteram & esuriet; & comedet ad sini-
stram, & non saturabitur.* Scilicet est id il-
le-

lecebrarum hujus sæculi ut famem acuant, non expleant = TYR = Hoc satis perspectum = JO = Est & gravius exinde emergens detrimentum. Animam & pungunt, & lacerant, & multiplices injecto fune captivam sibi reddunt, ut jure exclamarit David: *Funes peccatorum circumplexi sunt me.* Et sicut qui in spinis incubat nec somnum capiet, nec se servabit illæsum; & qui ab irritatis Apium agminibus obsidetur, aculeorum ingeminatos patitur ictus; sic qui in illis Appetitibus nititur conquiescere, voluptati bellum indicat necesse est. Hinc idem David: *Circumdederunt me sicut apes.*

~~~~~

## M E T R U M II.

QUævis voluptas sentibus,  
 Rhamnis acutis, carduis  
 Ubique surgit horrida,  
 Suosque pungit assecclas.  
 Pendere cernis ilice  
 Si mellis amplum roscidi  
 Favum, phalangem respice  
 Apum liquoris vindicem.  
 Dolore magno pauculum  
 Stabit saporis, vulnera  
 Nam plura tristes exigent  
 Pœnas patrati furtuli.

Sti-



*Stimulis voluptas quælibet  
 Agit fruentes acribus,  
 Apiumque par sed ictibus.  
 Vexata linquit pectora.*

---

P R O S A III.

**D**ifficile dictu est quam sævum sæ præsteet  
 Concupiscentia tortorem. Crudelissime sub il-  
 la affectione laceratur animus. Impense exoptabat scire Dalila ubi vires tantas haberet  
 Sampson repostas, & sic ejusmodi excruciabatur  
 desiderio ut parum abesset quin interiret :  
*Defecit Anima ejus, & ad mortem usque la-*  
*nata est* Judic. 16. = TYR = Pro comperto  
 habeo quod quo major, & vividior est Appetitus,  
 major inde cruciatus exoritur = Jo =  
 Ipsa ratio te dubitare non sinit. Hæc fortem  
 animum in rerum externarum despicientia agnoscendum  
 edocet; vetat illum perturbationi succumbere; ea quæ  
 eximia plerisque & præclara videntur, vult parva  
 ducenda, ea quæ stabili firmaque ratione contemnenda,  
 & ea quæ acerbæ videntur ita ferre ut nihil a statu  
 naturæ, nihil a dignitate & constantia robusti  
 animi discedas. Non est autem consentaneum  
 qui metu non frangatur, eum frangi cupiditate,  
 nec qui invictum se a labore præstiterit,  
 vinci a voluptate. Immane quantum in hoc  
 D pec-

peccaverit idem Sampson. Notissima est de illo historia Sacris literis consignata. Vides ex eo inimicos hominis esse appetitus; vides quod quo fortior hostis, eo crudelius sæviat. Ecce hic pleni sui juris iudex in Israel cum in Philisthæorum incidisset manus, & libertate spoliatus est, & luminibus orbatus, & veluti jumentum molæ addictus. Hoc ipsum accidit animæ quæ suis se regendam Appetitibus tradit = TYR = Gravissima cæcitatæ pœna = JO = Hanc invehunt Appetitus illi de quibus loquimur. Id ipsum cernis in Saule. In quod barathrum eum pecuniæ cupiditas impulit! Montes Gelboe testes luculentissimi. In tenui iste fortuna, modico contentus probatissima virtute spectabilis erat. At ad solum evectus, spoliolum & pinguis prædæ cupiditate incensus, dum appetitum divitiarum non subigit, miserrime subactus est ipse. Noverat quidem ipse nihil esse tam angusti animi, tamque parvi quam amare divitias; nihil honestius magnificentiusque quam pecuniam contemnere si non habeas; si habeas ad beneficentiam liberalitatemque conferre, hanc tamen veritatem Appetitus extinxit, & excæcatum illum reddidit. In hanc sententiam ait David Psal. 39. *Comprehenderunt me iniquitates meæ, & non posui ut viderem* = TYR = Prona exinde in voluntatem calamitas. Obscurato enim intellectu, languet & hebes fit voluntas = JO = Ita prorsus; hinc ait Psal. 9. David: *Anima mea turbata est valde. Cum enim ex intellectu voluntas & memoria pen-*  
deant,

deant, pessumdato illo, certa quoque his imminet ruina.

~~~~~

M E T R U M III.

SI jacet atra intellectus caligine mersus,
 Nec quæ sunt ipsi conspicienda videt,
 Nulla salus speranda viro; patet ampla ruina;
 Hostibus infelix, apta rapina cadet.

~~~~~

P R O S A IV.

**M**iris obductus tenebris intellectus impar est divinis illustrationibus recipiendis. Caret voluntas expedita & prompta illa vi quæ omnino requiritur ad Deum puro amore amplectendum, & in se recipiendum; nec memoriæ relinquitur vis illa ut serenitate ea quæ necessaria est, imaginem Dei sibi exhibeat. Sicuti nec Solem crassis nubibus ær gravatus, nec speculum sordibus, & squalore obsitum, vultum ejus qui in eo se vult contemplari, nec turbidus decurrens rivulus fundum suum, in eoque jacentes lapillos revelabit = TYR = O quo pertrahis? Me ne ad tanta assurgere?

## M E T R U M IV.

**TYR** = Hem! si corpus aheneum  
 Nunc, essetque mihi cor adamantinum  
 His sub frangerer ictibus,  
 Ac irem liquidum pulvis in aëra.

**JO** = Si te prastiteris virum,  
 Hæc quæ nunc pavidus fortia judicas,  
 Dices languida, et omnium  
 Scriberis domitor maximus hostium.

**TYR** = Istud credere desine;  
 Pressus namque gravi pondere Spiritus  
 Æger deficiet cito.  
 Captivus veniet jura sub hostium.

**JO** = Erras. Spiritus impetu  
 Se nam magnanimo desuper efferens,  
 Liber corpore ad ardua  
 Affectabit ovans sidera semitam.

**TYR** = Arcto fœdere Corpori  
 Junctus perpetuo Spiritus, illius  
 Fatum subsequitur; simul  
 Et stant atque cadunt. Sors eadem tenet.

**JO** = Quæ divortia jamdiu  
 Hæc inter dederit crimen originis  
 Solus sis quasi nescius,

Ut queras avidus pristina fœdera.  
**TYR** = Rupto fœdere viribus  
 Pugnat prævalidis sed Caro fortior;

Et

*Et tunc quomodo Spiritus  
 Stabit? mæsta neci victima concidet.  
 JO = Stabit, robore muniens  
 Semper se Fidei. Præmia sæculis  
 Cunctis maxima sedulò  
 Mansura hic reputet; Vicerit inclytè.*

~~POETRY POETRY POETRY POETRY POETRY POETRY POETRY POETRY POETRY POETRY~~

## PROSA V.

**J**O = Languorem tantum, imbecillitatemque quam flebiliter causaris, non mediocriter ve-reor ne in te terrenorum adhuc amor importet. Hunc nisi penitus disjicias, impar omnino eris maximæ ad quam te ducō veritati. Sed dictis quoque nonnihil commoveberis. O te excita; te continentem, & voluptatibus quas hactenus insectati sumus implacabilem te exhibe. Quid interest inter hominem incontinentem, & belluam? Quicumque ea quæ optima non sint cogitat, voluptuosa vero omnibus quærit modis exequi, quid a pecudibus differt? Solis continentibus licet ea cogitare quæ optima sunt. Sed & ratio monet ut voluptatem fugiamus si ea majorem dolorem effectura sit, & dolorem suscipiamus majorem efficientem voluptatem, omniaque, jucunda quamquam sensu corporis judicentur, ad animum referamus. In corpore si quod ejusmodi est quod reliquo corpori noceat, uri secarique patimur, ut mem-

brum aliquod potius quam totum corpus intereat, & adeo in nostros appetitus erimus clementes ut his cum animæ perniciæ velimus consultum? Non resecabimus? Non procul abjiciemus? His modo non sit penitus corrupta natura ipsa hostem se exhibet acerrimum. Parvo illa est contenta. Memorant Darium in fuga cum aquam turbidam, & cadaveribus inquinatam bibisset, negasse unquam se bibisse jucundius. Nunquam videlicet sitiens biberat. Nec esuriens Ptolomæus ederat: cui cum peragranti Ægyptum, comitibus non consecutis, cibarius in casa panis datus esset, nihil visum est illo panē jucundius = TYR = Hæc quotendant video, demirorque homines quasi cultores terræ constitutos, non pati eam nec immanitate ferarum, nec stirpium asperitate vastari; eorum operibus agros, insulas, litora quæ cernimus collucere, distincta tectis & urbibus; eosdem inde adeo segnes in purgando ab appetitibus animo; hunc non speciosam vineam, sed dumis sentibusque horrentem silvam succrescentem pati. Durus labor illa peregit; hoc nulla attentavit industria = JO = Utinam hæc menti tuæ altius infingerentur.





*Et appetitus perfurentes  
Pelle ferox, penitusque perde,*

~~~~~~~~~

PROSA VI.

Quanta ex illis quas memoravi tenebris in animam perniciēs! Non opus hic verbis. Unum adspice Salomonem. Potes ne huic similem mente concipere? Divitiæ, sapientia, imperii felicitas, & quænam in uno illo coæcervata non congruerunt bona! Quo tamen eum perduxere appetitus! Calamitatem tantam quis ignorat? = TYR = Male profecto homini comparatum. Offusæ ex Originaria culpa densæ & satis crassæ intellectui nostro tenebræ. De Nivitis ait Dominus ad Jonam: *Nesciunt quid sit inter dexteram & sinistram suam.* Hujusmodi cum simus, jam quid erimus si insitis tenebris istis accedat Appetitus? Quanta tunc clades! = JO = Appetitibus indulgentes, erimus de illis qui apud Isaiam dicebant: *Palpavimus sicut cæci parietem, & quasi absque oculis attrectavimus meridie quasi in tenebris* = TYR = Avertat Deus.



ME.

METRUM VI.

Quid cæcitate pejus
Tortore sub cruento
Poterit timere noxæ
Vir traditus scelestus?
Equis furens malorum
Inferre turbo tantum
Valeat? Tyrannus ecquis
Excogitabit isto
Crudelius flagellum?
Lucis misellus expers
Quo gaudio jacentem
Animum eriget? Nigrante
Hac orbitate pressus
Jucunda quæque spernet,
Et sentiet molesta.
Hunc sola vis acerbi
Mæroris occupabit,
Et cogitationes
Omnes ligabit uno
Vinclo doloris arcto.

FOUR FIVE SIX SEVEN EIGHT NINE TEN ELEVEN TWELVE THIRTEEN FOURTEEN FIFTEEN SIXTEEN SEVENTEEN EIGHTEEN NINETEEN TWENTY TWENTY ONE TWENTY TWO TWENTY THREE TWENTY FOUR TWENTY FIVE TWENTY SIX TWENTY SEVEN TWENTY EIGHT TWENTY NINE THIRTY THIRTY ONE THIRTY TWO THIRTY THREE THIRTY FOUR THIRTY FIVE THIRTY SIX THIRTY SEVEN THIRTY EIGHT THIRTY NINE FORTY FORTY ONE FORTY TWO FORTY THREE FORTY FOUR FORTY FIVE FORTY SIX FORTY SEVEN FORTY EIGHT FORTY NINE FIFTY FIFTY ONE FIFTY TWO FIFTY THREE FIFTY FOUR FIFTY FIVE FIFTY SIX FIFTY SEVEN FIFTY EIGHT FIFTY NINE SIXTY SIXTY ONE SIXTY TWO SIXTY THREE SIXTY FOUR SIXTY FIVE SIXTY SIX SIXTY SEVEN SIXTY EIGHT SIXTY NINE SEVENTY SEVENTY ONE SEVENTY TWO SEVENTY THREE SEVENTY FOUR SEVENTY FIVE SEVENTY SIX SEVENTY SEVEN SEVENTY EIGHT SEVENTY NINE EIGHTY EIGHTY ONE EIGHTY TWO EIGHTY THREE EIGHTY FOUR EIGHTY FIVE EIGHTY SIX EIGHTY SEVEN EIGHTY EIGHT EIGHTY NINE NINETY NINETY ONE NINETY TWO NINETY THREE NINETY FOUR NINETY FIVE NINETY SIX NINETY SEVEN NINETY EIGHT NINETY NINE

PROSA VII.

IO = Neque hic malorum finis . Anima his
 scdata appetitibus , ad rationem vanitatis eo-
 rum , varia conflictatur scelerum colluvione .
 Pulcherrimam hujus veritatis figuram habemus
 Ezechiel: Cap. 8. ubi Dominus ostendit Pro-
 phetæ abominationes pessimas Judæorum in
 Templo , & idololatrias sub variis figuris . Le-
 ge totum illud Cap. & adverte quod omnis si-
 militudo vers. 9.: *Reptilium & Animalium*
quæ depicta erant in pariete in circuitu per-
torum ; indicat cogitationes & conceptus , quos
 format intellectus omnium vilium rerum hu-
 jus sæculi , qui pessumdant , & inquinant pri-
 mum animæ cubiculum , quod est intellectus .
 Mulieres quæ interius vers. 14. *sedebant plan-*
gentes Adonidem , enunciant Appetitus , qui
 consistunt in secunda animæ potentia , quæ est
 Voluntas . Lugent hi quia exoptant , & quæ-
 runt indigna illa quorum amore flagrat volun-
 tas . Tandem seniores illi qui erant in tertio
 cubiculo Templi , *dorsa habentes contra Tem-*
plum Domini vers. 16. sunt imagines , ac fi-
 guræ scditatum illarum , & turpitudinum quæ
 tertia animæ potentia , scilicet Memoria in se
 versat , & servat . Habent illi dorsum contra
 Templum , scilicet quia dum anima appetitus
 il-

illos fover, res creatas contra Deum amore persequitur, jam se a recta ratione quæ Dei Templum est, avertit = TYR = Ut video quid vigoris ad virtutem in animâ sic affecta requiremus? = JO = Dic homini illi quod filio suo Ruben ait Jacob: *Effusus es sicut aqua ne crescas*. Etenim sicut aqua nullo coercente limite ad ima decurrit, nec sursum attollitur alicui usui futura, sic & anima Appetitibus illis tradita effunditur in aliena a Deo, & sordida, nec robur suum altioribus, & Deo dignis reservat curis, quandoquidem jam vigorem suum divisit, & imbecillis satis, & languida jam facta est = TYR =

~~FOUR FIVE SIX SEVEN EIGHT NINE TEN ELEVEN TWELVE THIRTEEN FOURTEEN FIFTEEN SIXTEEN SEVENTEEN EIGHTEEN NINETEEN TWENTY TWENTY ONE TWENTY TWO TWENTY THREE TWENTY FOUR TWENTY FIVE TWENTY SIX TWENTY SEVEN TWENTY EIGHT TWENTY NINE THIRTY~~

M E T R U M VII.

CRescit robur in hostibus.
 Hi majoribus irruunt
 In me viribus undique;
 Ac ille exiguus vigor
 Spei præsidium meæ
 Uno tempore deficit;
 Diris ergo furoribus
 Tristis victima concidam.

~~XX~~
 P R O S A VIII.

JO = Ne animo concidas . Tantum adverte animæ unam esse voluntatem . Hanc si illa in turpis alicujus rei amore defixerit , jam sui jura perdidit , non est jam sui domina . Terrimos perpetuo patietur hostes . Huc revoca quod in libro Judic. Cap. 2. habetur . Ibi sic Angelus Domini filios Israel alloquitur : *Eduxi vos de Ægypto , & introduxi in terram Ita duntaxat ut non feriretis fœdus cum habitatoribus terræ hujus , sed aras eorum subverteretis , & nolulistis audire vocem meam . Cur hoc fecistis ? Quam ob rem nolui delere eos a facie vestra , ut habeatis hostes , & Dii eorum sint vobis in ruinam* = TYR = Horrendam fateor , justitiæ tamen plenissimam pœnam , & video quo res vergat = JO = Profecto : *Vigilavit jugum iniquitatum nostrarum ; lubricaverunt vestigia nostra in itinere platearum nostrarum* Thren. 4. *Repulsa est a pace anima mea ; oblitus sum bonorum* Thren. 3. Dum enim proprio amore in præceps acti , appetitibus nostris indulsimus , & pacem amissimus , & a semita decerrantes ambulavimus in circuitu , ingenti ruina prostrati , & jam de nobis conclamatum esset , nisi dives in misericordia Dominus patienter nos sustinuisset ,

pœ-

pœnitentiæ tempora concedens = TYR = Agnovi quam largiter in me penitus immerentem se divina effuderit clementia ; agnosco & quo consilio patria me nunc virga corripit. Hinc juvat orare.

M E T R U M VIII.

NE me pejorem Domini clementia reddat ;
 Et quæ medela desuper
 Advenit in rigidum vertam, tumidumque venenum,
 Patremque ad iram provocem.
 Ille quidem errantem semper miseratus, amico
 Si nunc flagello me terit,
 Vult mihi prospiciam tandem, certumque salutis
 Iter capessam sedulo.
 Ast non advertam ? Non expergiscar ab isto
 Alto sopore perfidus ?
 Maxima quin veluti hic res non mea prorsus agatur
 Deses morabor, otio
 Totus in indigno ? Sic infeliciter omnes
 Dies inertes exigam ?

 PROSA IX.

JO = Egregie. Hoc non semel, sed iterum iterumque tota animi contentione, toto cordis impetu orabis, & perages ne divina unquam te clementia contingat abuti. O Domine quanta in terris grassatur iniquitas! Tu dives in misericordia dissimulas peccata hominum, & longanimitate admirabili patienter expectas ut illi ad cor redeant. At in dies accessio iniquitati fit, & peccata peccatis mensura conferta cumulantur. O quisquis es duro hujusmodi corde te compello.

 METRUM IX.

Forsan extremum monitum salutis
 Est quod immittit Dominus, piusque
 Interim mortis jaculum retardat,
 Lentus in ira
 Quis scit an mitis patietur ultra
 Te per immundas scelerum lacunas
 Ire gaudentem, quasi nullus esset
 Desuper ultor?

Linn.

*Longa tu peccans tibi polliceris
Sed tamen vitæ spatia impudicæ;
Spernis, & durus pietatis hujus
Munera mira,
Cogitas nunquam fore te vocandum
Ante Supremi rigidum tribunal
Judicis, justas scelorum daturum
Perfide pœnas;
Clamet, haud audis, veneranda legis
Sanctio; noscis mala quæ minatur
Impiis vindex Dominus, nihilque
Tale vereris,
At prope est tempus; veniet repente
Heu dies multum metuenda pravis,
Cum dabit judex documenta justæ
Ampla furoris..
Ecquis æternas tolerare flammæ
Dæmonas inter poterit; quis ictus
Vermis illius sine fine pectus
Rodere nati?
Nullus auroræ radius nigrantes
Noctis æternæ tenebras resolvet.
Nulla tortorum pietas; flagellis
Finis ademptus.*

M E T R U M X.

O Ubi magnanimo in somnis oblatus Judæ
 Aureus insigni capulo spectabilis ensis!
 Forsitan ille meos posset discindere nexus,
 Et totum me a me sejungere tramite certo,
 Talis ut esse queam qualem me pascis Amicæ.
 Vulcani fabricata manu licet arma Possis
 Garrula commendet, celebrisque feratur Achillis
 Hasta; sui gladium Æneæ Maro tollat ad astra.
 Fabula nulla cecinit gladium cui tanta potestas
 Ponere in uno eodemque homine hæc divortia mira.

P R O S A XI.

JO = Unde tibi tam dira phrenesis? Ludisne?
 Obvium, imo ad manum habes gladium qui
 suavissimo ictu non te a te dividat, sed te tibi
 reddat; ferocissimos hostes qui jam in arcem
 animæ tuæ invadere nituntur late cædat, &
 fuget; pacem, incolumitatem, quietem, suavi-
 ratem plenissimam tibi faciat. Gladius ille
 Crux Christi est.

E

ME-

M E T R U M XI.

Quem votis tantis quæris fortissimus ensis,
 In te qui valeat divortia tanta locare
 Obvius ecce tibi prope Crux pulcherrima Christi
 Non oblata tibi in somnis; non tecta figura;
 Luce sua rutilans, sed vera; Hæc maximus ille
 Divinusque tibi Gladius, cape, mira videbis;
 A te divisum te hac cernes; tuta salutis
 Semita, parta quies hæc, namque est lectus & illa;
 A te divisus, placidos hic carpe sopores;
 Nam tua si lecto super isto membra repones,
 Felici æternum claudes tua lumina somno.

P R O S A XII.

Sic habe suavissime Tyro. Si in illam Cru-
 cem oculos, animumque ut par est intendes,
 statim mirifice recreatus tantum repente odium
 fastidiumque concipies eorum, quæ apud cæ-
 cum Mundum prima putantur, et præsertim
 quæ cum inhonesta voluptate conjuncta sunt,
 ut omnes rerum illarum, quamvis diuturno usu,
 ac vetustate corroboratas imagines ex tua me-
 moria confestim adspectus ille detergat. TYR =
 Hoc

Hoc ad ravim usque mihi ingeminavit ignoti nominis obscurus Scriptor quibusdam libellis, quorum inscriptiones sunt: CONSOLATIO THEOLOGICA; PERVIGILIUM CORDIS; CLYPEUS ADVERSUS MORTIS TERRORES; ITER AETERNITATIS; GOLGOTHA; AMOR POENITENS; DE MUNDI CONTEMPTU. Fusissimus in his de Christi Cruce sermo, tum quantum cunctis necesse sit Christum Crucifixum induere = JO = Novi hominem mihi in amicitia jamdudum familiariter junctum; doleo ingenti calamitate prostratum non eam asferre potuisse sollertiam quam tanti argumenti dignitas postulabat. Sed argumentum ipsum loquitur; monitore non indiget. Omnium bonorum fons CRUX CHRISTI. Ipsa est quæ nos nobis reddit. Per eam inundationes maris ut mel sugimus; in caducarum terræ rerum justum fastidium adducimur, turpes horremus voluptates, et intimæ, qua nihil felicius in hac lacrymarum valle, jucundissimæ pacis sede collocamur. O vere beatum illum quicum Apostolo dicere potest: *Mihi absit gloriari nisi in Cruce Domini mei Jesu Christi per quem mihi Mundus crucifixus est, & ego Mundo.* Cadunt quotquot in hunc irritum conatu jactat Mundus sagittæ. Plumbeo pugione pugnant tunc sæculi pompæ. Friget, et miro labat languore concupiscentia. Quod exinde ad patientiam robur! Quanta Christianæ humilitati fulcra! Quænam ad caritatem excitandam paratæ faces! An cœli et terra dignius homine sic comparato spectaculum adspiciet? Ecquid ob-

tutibus suis quod sit æque suave , ac dignum ,
Angeli Dei in hac misera rerum universitate
nanciscentur ?

METRUM XII.

Hoc deputabo gaudium
Sublime , verum , nobile ,
Dignumque votis omnibus ,
Si quo cruento stipite
Summi Parentis Filius
Mortem libenter pertulit ,
Confixus ipse sensibus
Meisque cunctis perpetim
Potentiis , & actibus
Vitæ per hujus tempora
Maneam , nec ultra quidpiam
Stultus requiram . Gloria
Si sola sit sic denique
Mea membra morti tradere .



PRO-

P R O S A XIII.

TYR = Ita prorsus. Neque hæc rei dignitatem exæquant. Impar omne deprehenditur elogium = JO = Videbis ipse quis locus amoris proprio esse queat ubi Crux Christi regnat. Ergo si ab omni parte tutus esse cupis, si ad ipsum perfectionis apicem exoptas ascendere, sit Christus Dominus unica mentis tuæ occupatio. O ubi tanta cordis amplitudo, ubi tanta ingenii subtilissima acies, quæ effluentem ex his tuis vulneribus o Domine Crucifixe tui in me amoris et benignitatis copiam capere queat; quæ tantum misericordiæ prodigium aliqua minima ex parte assequi possit? Hæc tibi vulnera pessimi illi inferebant, ut per ea Sanguis dilaberetur & vita, tu ea æquo animo accipiebas, ut per illa tuum in me proderes amorem. Ex hoc tot vulneribus confosso corpore, tamquam ex totidem patentibus fenestris translucentem flammam Caritatis, quæ intus ardet, adspicio. Jam intelligo quid sibi voluerit Isaias clamans: *Propter Sion non tacebo ... donec egrediatur ut splendor justus ejus, & Salvator ejus ut lampas accendatur*. O Domine tu lampas illa pro me accensa. Huc respiciebat in Sacro Epitalamio Dilecta canens: *Lampades ejus lampades ignis atque flammarum*. Sicut

in lampade ellychnium oleo affuso incensum flammam nutrit, & lumen præstat, Tu Domine, cujus nomen est *oleum effusum*, qui *caritas* es, qui venisti *ignem mittere* innumeras ex hac Cruce splendoris & ardoris sagittas jacularis, ut ex illis lumen intellectui affulgeat, amor in corde accendatur. Quodnam glacie concretum pectus, quæ duritie sua impenetrabilia saxeæ corda hic in ardoris favillas non abibunt, hic in fontes aquarum salutaris poenitentiae non dissolventur? O Domine si qui esurientem inimicum suum cibo reficit, vel siti æstuantem frigida recreat *congeris super caput ejus prunas* Prov. 25. Epist. ad Rom. 12. h. e. flammam in eo amoris excitat, et ille inimicus de quo is benemeritus est, odium in amorem vertit, & in eum in quem livore exarserat vivido flagrat amore. Tanta est in benefactoris vis. Nonne tu ex hac Cruce in Caput nostrum jam proscriptum, & æternæ pesti devotum carbones flammis incensissimis, armatos congeris, quibus asperrima quæque rigentia liquarentur metalla? Hocine fieri potuit? Te ne Regem gloriæ, altissimum Dominum dominantium, Filium Dei Unigenitum ad hæc nostri ergo te demittere? Si Pater Æternus significasset nobis nulla alia, consultum perditis rebus nostris iri posse, nisi tanta Filii sui demissione, equis nostrum hoc poscere ausus esset? Et tamen nobis nec poscentibus, nec cogitantibus quidem id factum, & tantus Dominus obtulit semetipse, volensque immola-

latus est pro nobis, et *perulit peccata nostra in ligno*, et *ejus nos livore sanati sumus*. Horrendum ingrati animi nostri, quod ille prævidebat futurum crimen, tot præsentium in eum maledicta, tot contumeliæ, et probra, & cunctæ illæ omnibus retro sæculis non auditæ immanium exacerbationes pœnarum ab incepto non revocarunt? Imo majores caritati illi accessiones præbueré. *Aquæ multæ non potuerunt extinguere caritatem* = TYR = Commotus sum, inardescit animus. Te Domine non amem? In Crucem tuam toto corde non avolem? Non hauriam aquas in gaudio de his fontibus Salvatoris?

~~~~~

### M E T R U M XIII.

Cervus arenti calefactus æstu  
 Quærit ut puros latices, citusque  
 Fontis illimi vitreus perennat  
 Qua vagus humor,  
 Currit oblitus trepidi laboris,  
 Seque demittit properanter undis,  
 Et lavat vulnus, sitis ac molestæ  
 Damna repellit.  
 Sic meum flammis penitus perustum  
 Cor sitit, quærit, cupit atque fontem  
 Qui potest ipsum relevare cunctis  
 Undique damnis.

*Ille fons solus Dominus ; beato  
Est in illius gremio bonorum  
Omnium felix locuplesque semper  
Copia regnans .*

*Sæculi fædas fugio lacunas ,  
Et lacus tristes , mala quos voluptas  
Excitat , sperno , veniunt repente  
Inde venena .*

*Non sitim tollunt ; miseros labores  
Ac egestatem pariunt furentes ;  
Qui bibit , mortem bibit , & tremendum  
Ibit in Orcum .*

*Quas Pater clemens aperis perennes  
In Crucis ligno scatebras amoris  
Fac bibam letus ; capiam beatæ  
Pocula vitæ .*

~~~~~

PROSA XIV.

JO = Non totus in flammis abibis ? Ad tantum ignitabulum applicatus non imis flagrabis ardore medullis ? = TYR = Dilexisti me Domine . Te non diligam ego ? = JO = En quantivis pretii *Phœttram* illam amoris , Crucem Domini . Quot ex illa salutis emittuntur sagittæ ! Harum si vel una cor tuum pervadat , quis te beator ? Securus clamabis : *Sagitta salutis Domini* (Reg. 4. Cap. 13.) O *Sagitta Salutis contra Syriam* . Quid Syria nisi terra
ido-

idololatria polluta? Unus in ea turpium voluptatum amor; nulla futurorum sollicitudo. Hanc contra sagitta feratur. *Sagitta salutis Domini* = TYR = Teneo. Stat sententia = JO = Utique Christum Crucifixum tibi perfectissimum exemplar præfige. Tuam vitam ad illius revoca vitam. Et quoniam ipse Dominus id in primis voluit ut faceret voluntatem Patris sui, quam et *cibum suum* vocabat, id et tibi in primis propositum sit ut te ipse abneges; nihil eorum quæ caro et sanguis suggerunt suscipias; his fortis per omnia obsiste. Cogita dignitatem tuam. Expende ad quam sortem vocaris. Ne jumentis assimileris, eorumque qui spem non habent vestigiis insistas. Non ad caduca & inania terræ illicia, & blandimenta, sed ad vera cœlestia gaudia vocaris. Hæc si qui Christo nomen dederunt, vel leviter attenderent, nulla Christianam rempublicam perturbatio jactaret. Omnia ad honestatis, justitiæque normam pulcherrime exigerentur. Sed o miseriam rerum vicem!

M E T R U M XIV.

Que segnes tenuere moræ! Que tanta veterni
Frigida vis nocuo infecit corpore medullas!
Siccine gens vigilas Christi de nomine dicta?
Otia longa placent; nulla est patientia sede;
De

*Delicias sectaris; hians agit ardor habendi;
 Nec meminisse libet quæ sint post ista futura,
 Æternosque annos, & prima luce carentes
 Perpetuas noctes, o rerum oblita tuarum?
 Scilicet hoc fecit tuus, edocuitque Magister?
 Hæc præcepta dedit quando feralia ligni
 Pondera sustinuit; cum tot cruciatibus actus
 Languidus in Cruce demittens caput expiravit?
 Militiam agnoscis? Noscis quæ tessera bello
 Signum eat; armato volitent quo milite circum
 Exitium qui sponte tuum, mortemque requirunt?
 I pede lascivo, florentia prata revise;
 Ocia cara fove, comno vinoque sepultus;
 Non abrupta tibi maneat tua fæda voluptas;
 Ista brevis, tamen heu nimium, æternumque dolenda.*

PROSA XV.

TYR = Sentio quæ mihi iustissimo jure im-
 positæ sunt partes. Extremæ esset dementiæ
 illas detrectare. Audeo et confido, Deo bene-
 juvante, non segnem omnino me futurum. Sed
 heus tu. Me piget, pudetque mei. Edoce quo-
 modo sublimi contemplatione Domino meo
 queam conjungi = JO = Nescis quam magnum
 sit id quod postulas. Hæc nempe vivendi con-
 suetudo, hi mores rem tantam? Audi Ambro-
 sium clamantem: *Ante vita, quam doctrina
 est quaerenda* = TYR = Istud ago; audeo au-
 xi-

xiliante Domino, quicquid facto sit opus ut ad tanta deveniam, peragere = JO = Illud erit in primis curandum ut animi tui complicatam evolvas notionem; quis fueris; qualem te præstes futurum sedulo expendas. Ad lumen rationis, quæ agendorum regulam cum primum tibi illuxit proposuit, quid adjecerit Fides videas; quid Christiana militia cui nomen dedisti, suo jure in te sibi vindicabat, et quo modo ad ejus te præscripta comparaveris; quomodo affectus erga summum Imperatorem exemplo suo tibi præeuntem, clamantemque: *Qui vult venire post me abneget semetipsum* &c. hæc inquam si recte fuissent præmissa, justus esset petitioni tuæ locus. Abstersisti ne animæ tuæ labes? Conscientiæ vulnera sanasti? = TYR = Ego, Pater suavissime, non in multis, sed in omnibus me fateor deliquisse; sed cum ad meliora, Dei præveniente gratia, me sentiam excitatum, et terrenorum in me ardor deferbuerit, et voluptati præsertim quæ cum inhonestate conjuncta est, implacabile indixerim bellum, ardentique æternæ salutis desiderio tenear (quis enim desideriis modus?) non animi elatione quasi superbus irrepens, sed ut in tantæ felicitatis statum admirabundos animi mei sensus intendens, an quid exiguum inde lucelli ad me possem derivare viderem, rem maximam, perdifficilemque postulavi. Postulati si non æquitas, at causa saltem me tibi purgatum reddet; maxime cum alte infixus animo meo hæreat dolor erratorum

rum meorum, iratusque mihi non desinam flere; nec cessabo veniam cum lacrymis rogare, si forte Dominus convertatur et ignoscat. Miserime omnium ingemo. Heu me!

~~~~~

### M E T R U M XV.

**P***Eccavi. Quo me vertam? Quas tristis adibo  
 A Sole sedes dissitas?  
 Quid faciam? Quo invisa feram mea membra; perosus  
 Noctem, diemque, & omnia?  
 Quis furor, heu quæ me miserum dementia cepit!  
 Quo quo cucurri perditus!  
 Mè potuisse mihi tantum hunc afferre dolorem,  
 Huic me ruinæ tradere!  
 O Pater Omnipotens miseratus respice lapsum,  
 Mihique clemens consule.  
 Tu solus potes innumeras detergere sordes;  
 Sanare tanta, & vulnera.  
 Effice ne peream, ne me spes deserat omnis.  
 Lenis rogantem suscipe.  
 Emoriar potius quam ausim tua spernere jussa.  
 Meæ salutis immemor.*

---

 P R O S A XVI.
 

---

**J**O = Macie animi . Perplacet . Et quoniam in hanc te viam dare fert animus , erigenda in primis mens tibi est ad excelsum illum quem Christiana virtus finem proponit . Egregias morum præceptiones sapientes Ethnici ipsi nobis reliquerunt ; sollemne apud ipsos effatum non cupiditatibus hominem, sed ratione duci debere ; Utili præferendum honestum , voluptatem ratione frænandam , & alia hujusmodi . At nos qui ad veræ virtutis amussim cuncta debemus exigere , hæc ad futurorum certissimam expectationem transferimus , nihilque utile dicimus , nisi quod ad æternam faciat felicitatem . Non intra naturæ motus , non intra rationis lumen nos continemus , sed hæc prætergressi , altissimum spectamus finem quem fides proponit , spes sequitur , caritas consequitur . In quam sententiam præclare magnus observat Augustinus Lib. I. Retr. *Hominem qui ad solius rationis normam vivit , bene vivere secundum hominem ; sed cum secundum Deum sit vivendum , ut possit homo ad beatitudinem pervenire , non seipsa virtus debet esse contenta , sed Deo mens nostra subdenda est* = TYR = In quo magnifico adspectu virtutes mihi exhibes ! Quanto decore conspicuas , majestate quanta exor-

exornatas cerno! = JO = Ecce qui secundum Deum sapit eam spectat Prudentiam quæ non solum utili, ac delectabili honestum præponit (quo erant Philosophi contenti) sed altius attollitur, totiusque adspectabilis Universitatis hujus pompas, delicias, fastum, & quicquid magni, & augusti hic deprehenditur contemnit, si ad summum quo adspirat bonum videat per hæc minimum sibi impedimentum creandum; nihili illa ducit præ vitæ æternæ desiderio. Jam vero temperat se omni voluptate vel damnata, vel superflua; sensibus ad solam naturæ necessitatem utitur. Hujusmodi ab Christiana Temperantia constitutos cancellos ille non transiit. Hunc adversa nedum frangunt, sed mirifice in sancto proposito confirmant. Mortem ipsam, quam *terribilium omnium terribilissimum* Philosophi dicebant impavidus adspicit, & suscipit exultans. Talis est illius Fortitudo. Quicquid agit, quicquid cupit, omnes cordis impetus, mentis aciem totam ad Summum dirigit Bonum, in id unum connexus ut cum divina mente perpetuo fœdere societetur. Vides hoc in Dilecta Canticorum: Audi eam clamantem: *Ego Dilecto meo, et ad me conversio ejus* Cant. 7. -- 10. Jam illam mihi audire videor.

O Ptata letos duxit ad exitus,  
Votique fecit non modo compotem.  
Me Sponsus, adjecit sed ultro  
Ipse novum cumulum bonorum.  
In me benignus nam sua lumina  
Convertit; agris sollicitus meis  
Respondet & curis, meosque  
Æquat amans placidos amores.  
Ast torret ardens dum face mutua  
Me, fit beato federe particeps  
Sortis, meorum ingentiumque  
Assiduus socius laborum.  
Quæ me premebat pondere sarcinam  
In se recepit. Mûnera sentio;  
Sed majus audens postulabo  
Quæ sua sunt, mea posse dici.  
Si tota flammis illius ardeo,  
Ignesque toto corpore combibo;  
Meis perustus languet ille  
Flammiferis paribus sagittis.

**PRO:**

*P R O S A* XVII.

**T**YR = Hæc in fragilem nostram naturam cadere non posse videntur . Tantum ne se supra se levabit illa ? Carebit ergo tunc homo *passionibus* ? = JO = Quid mirum ? Nonne cum Christo nomen dedimus , divina quam imitemur nobis proposita est natura ? Nonne eo consilio ad Christi Ecclesiam vocamur ut pristinae reddamur felicitati , ut peste originis deleta *nova simus in Christo creatura , novumque figmentum* ? Profecto pulcherrimam in qua innocentes conditi eramus Dei similitudinem et imaginem , quam per peccatum dolebamus corruptam , læti et exsultantes in nobis restauratam , novoque et Angelis ipsis invidendo decore auctam , in baptismo suscepimus . Si prima hominis fabricatio ad imitationem Dei similitudinis fuit , quid miraberis si hominem nunc ad tantam per Christi Redemptionem evectum celsitudinem , dixerimus eniti debere ut ad eum felicem perveniat statum , in quo quantum hujus mortalis vitæ ratio patitur , similis Deo appareat ? Quin hoc quod incredibile tibi videtur , non est nisi legitimum primumque Christianæ professionis consecrarium . Jubet illa nos penitus Domino adherere ; Domini voluntatem jubet illa nostram



fieri. Edicit ut omnibus viribus, et ex toto corde Deum amemus; proindeque in quocunque perfectionis excelso gradu hominem constituas, nunquam dices illum jam muneris obligationisque suæ limites fuisse prætergressum. Porro quod de *Passionibus* addebas ajo si de his ut naturæ sunt proprietates loqueris, manere in homine illo. Non enim virtutis est delere aut appetitum, aut ejus proprietates quæ sunt de ratione ipsius naturæ. Illas tamen perfecta virtus sibi subigit, et in officio continet. Cum enim hæc plenissimam cordis dominationem nacta fuerit, ita moderatur et temperat illas, ut rationi subdantur omnino, neque se ut rebelles et sternaces, verum ut ancillas et obsequentes virtutis se exhibeant pedissequas. Sic comparatus homo erit quasi *ἀναμάρτεος* (impeccabilis) et de eo jure dici posse videtur quod castus Joseph cum ab impudica hera pertentabatur: *Quomodo possum hoc malum facere?* Gen. 19. = TYR = Hæc ut plenius edisseras oro; tum etiam atque etiam rogo ut tantisper verba facias de felicissimo illius animæ statu, quæ ad Dei conjunctionem jam devenit. Quibus alis ad excelsum illum gradum fuerit evecta; quænam ejus tunc mens, quæ occupatio, quod consilium tu, quo nemo melius, mihi significes; quandoquidem ardet mihi animus jucundissima hæc quæ in me nullo pacto fieri queant, in aliis quibus nil fortunatius vidit Orbis, suspicere, admirari, invidere = JO = Nulla tui ergo est in me ad hæc mora.

F

LI

## LIBER III.

*Felicitas animæ sublimi contemplatione  
in Deum elevata.*

## M O N I T I O.

**S.** JOHANNES DE CRUCE in divinis explicandis arcanis Apostolicæ Sedis judicio divinitus instructus libros de Mystica Theologia, cœlesti sapientia repletos, conscripsit: Verba sunt Breviarii Rôm: Dignus tanto elogio vir, cujus perspecta sanctitas & doctrina idipsum mirifice confirmant. Tanti viri sensa argumenti necessitate tractus in hoc libro explanaturus, monéo me rem totam prout ab ipso disseritur, fideliter simpliciterque persecuturum. Nefas profecto ducó ipsi, quem heic alloquentem induco, aliena affingere, vel incommoda interpretatione ejus verba ad alium ab illius mente sensum detorquere. Monere quoque non omitto hujus viri hic relatam doctrinam sublimitate sua horrorem primo intuitu legenti incutere: Ecquis enim non animo conoidat audiens illam absolutam, omnimodamque animi vacuitatem tanta contentione, omnique ingenii vi a SS. viro propositam, propugnataque? Totus in eo est ut immitis, durus,

rus, inhumanus, & atrox immisericorditer  
 abscondat, separet, dividat ab anima quicquid  
 purissimum non sapiat spiritum. Bonum ipsum  
 non placet, nisi ad melius tendat. Quin quic-  
 quid ad perfectam ( modo quo in hac vita fieri  
 potest ) Dei similitudinem non ducit, sit illud  
 rectum & laudabile, vult omnino remotum.  
 Cernimus hic quod magnus docet. Apostolus  
 Hebr. 4. illis verbis: *Vivus est sermo Dei &  
 efficax, & penetrabilior omni gladio ancipiti,  
 & pertingens usque ad divisionem animæ ac  
 spiritus, compagum quoque ac medullarum.*  
 Etenim non contentus Johannes hic divisisse  
 sensile corporeumque ab eo quod intellectus  
 & rationis est, progreditur ulterius, & in  
 animæ ipsius arcem invadens, longa & dura hic  
 divortia imperat, & sector egregius animam ab  
 anima dividens, summam qua nihil supra exco-  
 gitari possit perfectionem in illa statuere co-  
 natur. Mysticæ Circumcisionis admirandum  
 hunc dices auctorem. Ne tamen arbitreris do-  
 ctrinam hanc pro omnibus animæ statibus ac-  
 ciendam. Non proponitur hæc incipientibus,  
 ambulantibusque per Meditationis, atque di-  
 scursus semitas, atque ex corporeo & sensili  
 ad id quod omnino spiritus & intellectus est  
 perreptant; etenim idem S. Magister, apertis-  
 sime id confirmat, dum jubet hanc Medita-  
 tionis viam tenendam donec anima elevetur  
 ad sublimioris contemplationis gradum, &  
 Capp. 13, & 14. Opusculi cui inscriptio. *Ad-  
 scensus ad Carmelum* notas & signa tradit un-  
 de

de possit agnoscere quando Dominus ad sublimem illum statum animam evocat. Ergo tunc obtinet hæc asserta *Circumcisio* ( liceat sic loqui ) quando anima est in memorato sublimi statu, & tunc quod minus perfectum est, ut perfectiori locus detur, vult ipse eliminandum. Mirandum quoque non est si locutiones quasdam hic invenies a communi usu dissidentes, & quæ cum rerum natura videntur pugnare; etenim hæ accipiendæ sunt ad captum altissimæ hujus Mysticæ scientiæ. Nihil scandali patiaris dum audies *Annihilationem*, *Orium*, *Quietem*, & quamplurima hujusmodi; sunt enim ad mentem singularis hujusce facultatis exigenda. Turbaberis scio dum audies umbras & imagines temporalium rerum excludendas omnino; repellendas affectatas animæ munditias; intellectus puritatem inquinari a sensibilibus operationibus & phantasmatibus; animæ potentias suspendi; inertem illam manere; adeo tunc arctam esse animæ cum Deo conjunctionem ut illa esse desinat, tota in Deum transferatur; esse Deum inter & animam arcanas & intimas quasdam communicationes, quæ transeant in animæ substantiam, sintque velut divinæ unionis substantiales ictus. Quis non cælum terræ misceri, & mare cælo putet a S. nostro Doctore edicente recusandas ablegandasque ipsas revelationes, visionesque, & alia hujusmodi? Verum hæc omnia recto stabunt talo si adverterimus de quo animæ statu, & de quo tempore locutus fuerit ille, idque aper-

aperte in hujus III. libri decursu explanabimus. Interim prætereunda hic non est egregia Card: Cajetani præceptio: „ Notent, ait ille, qui „ alios in via Dei instruunt ad profectum spi- „ ritualem, & diligenter efficiant ut prius in „ vita activa exercent eos quos instruunt: „ quam contemplationis fastigium suadeant. „ Oportet siquidem prius passiones domare ha- „ bitibus mansuetudinis, patientiæ, liberalita- „ tis &c.: quam ad contemplativam vitam a- „ scendere; & ob hujus defectum multi non „ ambulantes, sed saltantes in via Dei, post- „ quam multum temporis vitæ suæ contem- „ plationi dederunt, vacui virtutibus inveniun- „ tur, impatientes, iracundi, superbi, si in „ hujusmodi tanguntur „. Si nullibi de verbo- rum delectu, sermonisque elegantia fui solli- citus, hic necessitas ipsa me barbarum impo- litumque efficit. Habet unaquæque facultas vo- ces, atque phrases sibi proprias, nosque lo- quentes de rebus prorsus ignotis priscis illis Romanæ eloquentiæ magistris, non possumus eorum lingua loqui. Hæc præfari non fuerit omnino inutile; nunc rem ipsam, Deo bene juvante aggrediamur.



## P R O S A I.

**J**O = *Contemplativa vita amabilis valde dulcedo est* ( Greg. Magnus Hom. 14. in Ezech. ) *quæ super semetipsam animam rapit, cœlestia aperit, spiritualia mentis oculis patefacit. Est illa quædam inchoatio beatitudinis* ( S. Thom. 2. 2. qu. 80. art. 4. ) *quæ incipit ut in futuro continetur.* Magnus Dominus & laudabilis nimis, & miserationum ejus non est numerus. Ipsi honor & gloria, & per cuncta sæcula gratiarum actio. Divitias misericordiæ suæ in nos ostendit, dum egregio invidendoque decore ad se in hac lacrymarum valle adhuc positos nos attrahere, seque nobis jungere dignatur. Ades dum Tyro. Res tua agitur. Ecce non inanibus fabulis accensenda nobilissima *μεταμρφωσις* animæ sublimi contemplatione ad divinos amplexus delatæ. Felicem qui se abnegavit. Omnia in Deo inveniet ille qui omnia sua dereliquit. Non erit amplius ænigma illud Jo. 12. *Qui perdet animam suam inveniet illam* = TYR = Exulto hæc audiens, paratus sum quantovis laborum, ærumnarum, dolorum pretio hæc mihi comparare = JO = Non ærumnis, sed suavitatibus pararis. Non ad labores, sed ad mollia otia te duco. Non dolores, sed vivida gaudia experieris. Obliv-

sca-

scamur terrena omnia; subeant divina; quando-  
quidem divinum est quod poscimus. Ecce tria  
nobis illucent cœlitus demissa egregia dona.  
Hæc avidissime arripiamus. His subnixi, voti  
compotes erimus. Sunt autem *Fides*, *Spes*,  
& *Caritas*. Hæc si ut decet accipiantur, nihil  
erit ultra quod ad rei summam desideretur.

## M E T R U M I.

**T**erna cœlesti locuplete ab arca  
Dona depromit Deus; & saluti,  
Destinat nostræ; patet his beata  
Regia nobis.  
En *Fides* claris tenebris amicta  
Prima se prodit. Sequitur citato  
Inde *Spes* gressu, sociasque jungit  
Inclyta vires.  
Quæ *Fides* monstrat bona sempiterna  
*Spes* cupit, tristes animosa curas  
Disjicit longe, validoque munit  
Corda vigore.  
Ast opus ceptum speciosa lætum  
Ducit ad finem properans corusco  
*Caritas* curru; dominata late  
Ista triumphat.  
Tergit hæc nostras lacrymas; coronat  
Gaudio pleno trepidos labores;  
Atque mortali laqueo solutos  
Insertis astris.

F 4

PRO

## PROSA II.

ET quoad primum h. est. Fidem, in hac Contemplatione quæ omnium sublimissima est, quæque diu durare non potest, cum nulla actio in summo diu durare possit (1) animâ prætergressa ordinarium Meditationis cursum, novam init rationem. Divortium sibi indicit intellectus ab omnibus quæ sub sensum cadunt, vacuusque omnibus terrenis imaginibus asserit se in libertatem, & requiescit in Fide. Sola namque Fides est proximum, & aptissimum vinculum quo Deo anima conjungitur. Hac sola via intellectui nostro manifestat se Deus in divina sua luce quæ captum omnem, omnemque naturalem intelligentiam exsuperat. Hinc quo major est Fidei obscuritas, eo intimius illi conjungitur Deus. Nihil hic terrena omnia sibi vindicant scientiarum lumina, nihil vanæ intellectus speculationes, nihil Philosophorum excogitata sibi arrogant (2). Abneget se-

(1) Aristotel. & ex eo S. Thomas.

(2) S. Bernard. Serm. 52. in Cantic. *Moriatur anima mea morte etiam si dici potest Angelorum, ut præsentium memoria excedens rerum se inferiorum corporearumque non modo cupiditatibus, sed & similitudinibus exuat, sitque ei pura cum illis conversatio cum quibus est puritatis similitudo.* Et S. Dionys.



semetipsum intellectus. In obscuritate sua quærat Dominum. Hæc est illa *munditia*, nulla phantasmatum caligine obscuranda (1). Tunc illa Fides quæ maxime videtur obscura, supra modum lucem profert exuberantem (2). = TYR = Hem! Quid narras? = JO = Attende sacra eloquia. *Caligo sub pedibus ejus, & ascendit super Cherubim, & volavit super pennas ventorum, & posuit tenebras latibulum suum. In circuitu ejus tabernaculum ejus; tenebrosa aqua in nubibus aeris.* Psalm. 17. Vides prioribus verbis Fidei obscuritatem indicari. In eo autem quod subditur: *Ascendit super Cherubim, & volavit super pennas ventorum*: liquido declaratur quod super omnem intellectum evolat ille (*Cherubim* enim intelligentem, vel contemplantem significat) & sublimes subtilesque quasvis spiritus elevationes, quæ *pennarum* nomine exprimuntur, lon-

nys. ad Timot. sic: *Tu autem derelinque & sensus & intellectuales operationes, & omnia sensibilia & intelligibilia. . . & teipsum intende quasi cognitione vacantem: Sola enim extensione quadam tum a teipso, tum ab omnibus expedita, ad ipsum divine caliginis radium absolutus ab omnibus elevabis.* Id. ibid. *Hanc nos prælucidam caliginem ingredi precamur atque per visus cognitionisque vacationem videre & nosse quod est visione notitiaque superius.*

(1) S. Thomas.

(2) S. Dionysius. „ Illic sane quod tangi vi-  
„ derique nullo modo potest splendoribus plusquam  
„ pulchris ad exuberantiam implet omnes quasi ca-  
„ ptos oculis intellectus.

longe transgreditur. Etenim supra has omnes  
ejus divina essentia evehitur. Nullum suis vi-  
ribus fretus ad eum homo habebit accessum  
= TYR = Placet id incredibiliter. Habemus  
majoris obsequii materiam.

M E T R U M II.

**T**E minus obscuram, majori & luce nitentem  
Sancta Fides alius cupiat; fulgentibus armis  
Insignem, niveos artus, niveasque decoro  
Cultu attollentem vestes optetque tueri.  
Me juvat obscura positam te cernere sede;  
Et caligantes sacros stat adire recessus.  
Lux mihi clara tue tenebræ sint. Condar in istis;  
His ego circumder. Scio quantum prosit habere  
Has mihi perpetuo socias, & corde fideli  
Devotum Domino semper me credere totum.  
Quid ratio, sensus, lux, experientia possunt,  
Confirmare mihi, quando contraria certe  
Cognovi dixisse Deum? Non plura requiram.  
Nec nisi captive in morem se vis animæ  
Subdet, & obsequio studiosa addicta voluntas  
Se penitus Domino committet, & omnia credet  
Nil cernens, nullaque sibi præeunte lucerna  
Tantum audax Dominum fidensque secuta loquentem.

*P R O S A III.*

---

**J**O = Sed & quis ignorat quod cum complesset Salomon Templum Dei, & solemnem celebraret dedicationem, descendit majestas Domini, & nebula obumbravit totum locum illum sic ut non possent Filii Israel adspicere, & exclamavit Rex: *Dominus dixit ut habitaret in nebula.* In nebula quoque Moysi in Monte apparuit, nihilque frequentius in Scripturis. Semper enim ac Dominus vel de magni momenti rebus agere, vel insignia deferre volebat beneficia. nube, vel tenebris cooperatus apparuit. Lege librum Job. Illæ autem tenebræ indicant obscuritatem Fidei, in qua obscuritate se condit Divinitas dum hominibus communicatur. Cessabit hujusmodi obscuritas cum, ut ait Paulus, *Evacuabitur quod imperfectum est*; scilicet caligine & tenebris Fidei evanescentibus succedet id quod *perfectum est*, scilicet *divina claritas*. Habes pulcherrimam hujus in Gedeonis exercitu figuram. Milites illi gestabant lucernas; eas tamen ipsi non videbant quia portabant illas reconditas in lagenis. Sed his postea contractis lux apparuit. Cum ergo lutea hæc corporum nostrorum vasa fuerint per mortem confracta, irradiabit tunc clarissima illa lux de qua loquimur. Verum

rum ut anima in hac vita ad Dei perveniat conjunctionem est omnino necesse ut cum his tenebris fœdus feriat; accedat ad Fidei nebulam; sumat in manibus per offusas noctis caligines Gedeonis urnas, ut habeat in manibus h. e. in actibus voluntatis lucem, quæ est divini amoris consecutio, licet obscure in Fide = TYR = At. legi in Asceticis libris quod non infrequenter Dominus clara immissa luce tenebras de quibus loqueris rarefacit, speciali favore homines sibi caros demulcens & recreans. Et quoniam de INTELLECTU sermonem institueras, ajo ( ut etiam a Sacris Concionatoribus interdum audiui ) hunc in quibusdam ope omnium corporis sensuum mirifice, & clare adjutum, illustratumque fuisse, dum nunc hominum illorum oculis exhibitæ sunt vel Sanctorum, vel Angelorum varix figuræ; coruscationes quoque non raro superni luminis. Hauserunt quandoque auribus sonora verba, vel concentus, modulationesque musicas, nescientes unde proficiscerentur. Quin & odoratui sunt suavissimi ingesti odores, nec eorum causas deprehendere. Tandem etiam in gustu, & tactu eorum mira quædam iidem stupentes sensere. Gratissimo ille sapore recreatus est; hunc voluptas tanta pervasit, ut ossa, medullasque in optatissimæ delectationis pelago diceret jucundissime innare. Est apud Mysticos Theologos hæc quam memoravi suavitas valde celebris, ajuntque hanc a spiritu in mem-

membra derivari. Addunt id plerumque contingere immaculatis, sed simplicibus hominibus.

M E T R U M. III.

**J**Urato ne crede Catoni  
 Delicias si dixerit esse  
 Mundi hujus. Tantum aspera quæque  
 Tristiaque a virtute venire.  
 Oblectamenta omnia namque  
 Fert una, & sola inclyta virtus,  
 Hoc ipsi agnovere magistri  
 Vera Religionis carentes,  
 Si tantum tribuere sed illi  
 Virtuti sterili, error iniquus  
 Quam tenuit; quid dicimus ipsi  
 Nunc cum virtus vera refulget  
 Divino firmata vigore?  
 Quanta ex illa gaudia! Quante  
 Deliciæ! Quæ vera voluptas  
 Ut proprio de fonte perenni  
 Manabunt? Si nulla darentur  
 In Patria quoque præmia, merces  
 Esset in hac bene splendida terra.

PROSA IV.

**J**O = Hæc a Domino evenire posse non ab-  
nuo. Ecquid enim repugnat? Illud tamen ti-  
bi in animum inducas velim, optime sibi ho-  
minem consulere si ab his ultro abhorreat (1).  
Cum enim hæc sint exteriora et corporea, mi-  
nus

(1) S. Thom. 2. 2. quæst. 180. art. 6. in R.  
ad 2. sic *Exigitur ut duplex intellectus deformitas  
amoveatur, primo illa quæ est ex diversitate rerum  
exteriorum; secundo ea quæ est per discursum rati-  
onis. Et hoc contingit secundum quod omnes opera-  
tiones animæ reducuntur ad simplicem contemplatio-  
nem intelligibilis veritatis, unde prætermis-  
sis omnibus in sola Dei contemplatione persistitur.* Cæterum  
quæcumque hic habet Jô. noster non sunt crude ac-  
cipienda. Vult revelationes visionesque recusandas,  
prout impediunt simplicissimam, & maxime unam  
Primæ Veritatis contemplationem. Non est ejus  
mens ut excludatur spirituale & intelligibile, quod  
res divinas repræsentat; imo hoc vult & requirit  
tamquam magnum adjumentum ad elevandam ani-  
mam ad Dei unionem, quæ est in intellectu pura  
fides. Remover ipse tantum peculiare imagines noti-  
tiasque sensilis & intelligibilis, ne fasciis, & quasi  
pannis infantie obvolvatur immensum illud verita-  
tis cœlestis pelagus, sed totum reducatur ad substan-  
tialem altissimam notitiâ fidei transcendentis omnem  
imaginem, figuram, limitemque, & Deum in sancta  
obscuritate, confusione, & universali non extenuata  
ratione respiciens. Sed de hoc infra.

nus credibile est a Deo in animam hoc in statu positam immitti, cum multo magis deceat Deum communicare se spiritui in quo major est securitas et profectus, quam sensui in quo et periculum et deceptio latitare possunt. Etenim et tunc corporeus sensus se spiritualium rerum judicem æstimatoremque constituit, decernens illas sic se habere ut sentit ipse. Et tamen sunt hæc adeo inter se diversa, tantoque unum ab altero distat intervallo ut cælum et terra, ut Anima et Corpus, ut sensus et ratio. Nec minus ineptus est ad spiritualia dijudicanda corporeus sensus, quam est jumentum ineptum ad judicandum de rebus quæ ad rationem pertinent. Qui ergo visiones illas, motionesque magni facit; qui eas exoptat, insigniter errat, et periculorum atque deceptionum laqueos sibi parat, cum facillimum sit Diabolum qui in Angelum lucis frequenter se transfigurat per illas irrepere, et fucum facere. Ingens quoque inde ad vanitatem fenestra; facilis ad arrogantiam gradus; pronus et lubricus ad superbiam lapsus (1) = TYR =  
At

(1) Ne arbitreris Johannem nostrum hic rejicere spiritum & substantiam harum representationum in animâ receptum. Vult tantum non curanda accidentia sensilia, & intelligibilia illarum, quæ quamvis non opponantur Fidei veritati, sunt tamen quoad modum quem perfecta Fides postulat, minus apta. Fides exigit omnimodam animi demissionem, & immetatati subjectionem; scilicet ut intellectus captivum prorsus se præbeat incomprehensibili Veritati, &

At ipse fassus es posse hæc ab ipso Deo im-  
mitti. Non exoptabo igitur quod a Deo est?  
= JO = Nullam, etiam hoc posito, Divinæ  
Majestati per te injuriam irrogatam arbitreris,  
neque existimes averti fructum et effectum  
quem Deus velit operari per illa, etiamsi tu  
illa non exoptes. Etenim si communicatio illa  
a Deo est, in eodem puncto quo apparet, vel  
sentitur, effectum suum in spiritu operatur,  
et anima, passive se habet, nec ab ejus volun-  
tate pendet ut adsit, vel absit motio illa. Id  
perinde se habet ac si quis ignem in nudum  
injiceret hominem, non enim esset penes hunc  
uri, vel non (1) = TYR = Hæc quo tendunt?

Er-  
& divinæ bonitati, atque non respiciat quousque  
possit ipse pervenire, sed totum se Deo permittat,  
seque in Deum conjiciendo in ejus veritatem ingre-  
diatur. Hanc esse mentem hujus S. Scriptoris patet  
ex Lib. 2. Opusculi memorati Cap. 17. ubi lucu-  
lentissime statuit non esse omnino eliminandas hu-  
jusmodi visiones, sed monendum ut homines reli-  
giosi intelligant non in his operæ pretium stare.  
Hinc arguit Confessarios longas de his disputationes  
instituentes, & in his visionibus rei summam po-  
nentes, fastidioso & inutili labore indicia tradentes  
quomodo veræ a falsis queant discerni. subdit: *Licet  
hæc sint scitu digna, tamen non expedire animam in  
hoc periculorum plenissimum negotium impellere, nisi  
magna urgente necessitate.*

(1) Agitur hic de prima impressione, & tunc  
dicunt Mystici potentias esse suspensas, & sensus est  
potentias non operari ex proprio, quoniam id quod  
accipiunt, totum est infusum, & id quod tunc fit  
ex parte intellectus non est nisi alta admiratio, &  
su-



Ergo meritum, vel culpam fingemus in anima sine ejus assensu vel dissensu? Nihil ergo operabitur illa? Ut inanime quiddam, et iners se habebit. = JO = Quomodo hoc venit in mentem? Non hic de merito agimus, sed primam motionem, vel impressionem inspicimus. In hac passive se habet anima, nec penes ipsam est assentiri, vel dissentire. Et ut quæ innuimus magis confirmentur, scito quod visiones, et motiones de quibus loquimur, dum bonæ sunt, et a Deo immittuntur prius et validius in anima quam in corpore suum operantur effectum. At illæ quæ Dæmonis opera excitantur inferunt animæ inquietudines, alterationes, ariditatem spiritus, vanitatem, arrogantiam. Fateor minus esse in his ad nocendum roboris, quam in illis ad auxiliandum juvandumque virium, quia illæ Dæmonis hæ-

G

rent

susceptio divinæ lucis qua se illustrari, & occupari finit. Voluntas autem sic motione illa percellitur ut non sentiat, non amet, non cupiat, nisi solum Deum, & sic in eo latatur, sic se totam Deo permittit ut nihil agere videatur; & in illa jucunditate defixa, *magis*, inquit S. Thomas, *assimilatur quieti, quam motui*. Huc revoca illud Apostoli: *Qui Spiritu Dei aguntur hi sunt filii Dei*, & quod de Gratia excitante ajunt Theologi, quod illam Deus in nobis, sine nobis operatur. Ergo cum dicunt Mystici potentias non operari, id tantum volunt: in illa communicatione supernaturali & infusa potentias non se habere more solito, laborando, ratiocinando, discurrendo, suam vim exerendo, nec operari per modum motus, sed per modum quietis. Sed de hoc infra.

rent in primis motibus, nilque incommodant, nec diu inquietudo illa perdurat, modo voluntas non præstet se segnem. At illæ quæ sunt a Deo intime animam afficiunt et penetrant, egregios relinquunt in ea effectus, scilicet incitamentum ad bonum, victricemque delectationem, quæ mirifice ad pietatem impellunt, et ad magnum salutis opus libere et amanter aggrediendum disponunt. Res utcumque se habeat, id sibi proponat animus non esse illis cendendum, nec magni faciendas, maxime, ut alia prætereamus, contingat interdum autum per illas Diabolo ut irrepat parari.

~~~~~

M E T R U M IV.

Callida Tartarei quæ vis, & quanta Draconis
Noli molestus quærere.
Ætas, consilium, mens, ars, studiumque nocendi
Reddunt timendum maxime.
Opportuna operi speculatur tempora sollers,
Partemque nostri debilem.
Impetit hanc ferus; atroces huc dirigit ictus,
Sevusque pugnas excitat.

PROSA V.

TYR = Conjicio hinc necessarium quoque esse, quandoquidem eadem militat ratio, ut abhorreat hujusmodi anima ab omni Meditatione. Est enim hæc intimus actus mentis percurrrens per imagines, formas, et figuras a sensibus haustas; ex illis enim conflatur et efficitur. Non ergo æquum erit volentem me ad *unionem* illam (ut Mystici appellant) pervenire menti meæ exhibere vel pulcherrimam lucem, vel sedentem super Cherubim Dominum, in illa forma quam describit Propheta. Etenim ad ravim usque ingeminasti oportere evacuare animam ab omnibus imaginibus corporeis, quia nullam habent hæc cum spiritualibus *αναλογιαι* (proportionem, seu convenientiam.) Unde quicquid suggerit, id non poterit ut proximum medium divinæ illius conjunctionis spectari (1) = JO = Meditationem

G 2

(1) Memoria nunquam excidat Johannem hic agere semper de perfectissimo Contemplationis gradu. At ad uberiores dictorum, dicendorumque explanationem operæ pretium est advertere plures esse Contemplationis gradus, quos Scriptor qui Dionysius Areopagita vulgo audit, explicat similitudine trium motuum, scilicet Recti, Obliqui, & Circularis. S. Thom. Aquinas, si in omnibus quæ scripsit

nem commendamus, Imagines illas esse quam maxime utiles dicimus, et ut remota media se ha-

psit mirabilis apparet, in his persequendis se ipse vincit. Eum consule 2. 2. q. 180. art. 6. & de Verit. q. 8. art. 15. Ex ipso discimus operationes intellectus, in quibus contemplatio posita est, recte dici posse *Motus* ad mentem Philosophorum vocantium *Motus* operationes potentiarum intellectualium, quia per sensilia assurgimus ad spiritualium cognitionem; & quemadmodum sensuum operationes non sunt sine aliquo motu proveniente ab impressione externarum rerum in ipsas incursante potentias, ita spiritus operationes nominantur *motus*. Sunt autem tres diversi motus locales: *Circularis*, *Rectus*, & *Obliquus*. Optimum perfectissimus est *Circularis*, quia est magis uniformis, & vertitur semper circa idem centrum. *Rectus* est inter duo puncta, quorum unum relinquitur, ut accedatur ad alterum. *Obliquus* constat ex utroque. Appropinquat Circulari, non tamen ejus assequitur perfectionem. Motus *Rectus* exhibet nobis minimam & humilliolem contemplandi rationem; estque cum anima ex aspectabilium consideratione ad eorum assurgit Factorem; ex creatis rebus ad Creatorem avolat; hunc in illis quærit & diligit. Perfectior est motus *Obliquus*, estque cum anima elevat se ad Deum, & contemplatur ineffabilis divinitatis perfectiones. Sed cum has ut in se sunt assequi mentis acie nequeat, illas considerat in Dominicæ Incarnationis mysteriis, quæ sensili modo perfectiones illas ipsi exhibent. Ecce Misericordia Domini quæ prius erat ignota, apparuit ex Apostolo in Domini Nativitate. In quod adverte Scripturam Verbo post carnem assumptam tribuere illa tria, quæ ad perfectam rei cognitionem requiruntur; quæ sunt *Lumen* quod corroborat potentiam; *Imago* quæ rem

habere ad conjunctionem illam de qua loquimur; hinc incipientibus illas proponimus, placet-

G 3

xem repræsentet, & *Speculum* in quo res cerbatur: *Candor est lucis æternæ, & speculum sine macula Dei majestatis, & imago bonitatis illius*. Sapient. 17. Habes hic illa tria. Ecce in hoc gradu. „ Anima (sunt verba S. Thom. loc. cit. de Verit.) „ movetur in Deum ex illuminationibus ex Deo receptis, quas tamen recipit secundum modum suum, „ sensibilibus figuris velatas; sicut Isaias vidit Deum „ sedentem super solium excelsum & elevatum. Hic „ motus est Obliquus habens aliquid de Uniformitate ex parte divinæ illuminationis, & aliquid de „ difformitate ex parte sensibilibus figurarum. Unde „ Dionysius dicit, quod Oblique movetur anima, „ in quantum secundum proprietatem suam divinis „ illuminatur cognitionibus, non intellectualiter & „ singulariter, sed rationaliter & diffuse „. Summus & perfectissimus motus est *Circularis*, & ad hunc revocanda cuncta quæ hic tradit Johannes noster. Hic motus animam Deo tamquam suo centro conjungit unico intuitu sine actu, cogitationum, ratiocinationum multitudine, æmularumque Angelorum in patria prærogativam. Hi mirabili constantique æqualitate cognitionis immensum illud summum bonum contemplantur, eique adhærent; toti in illud incumbunt, nec minimum quidem ab illius pulchritudinis obtutu desectunt, quod idem Dionysius Lib. de Div. Nom. Cap. 4. exprimit illis verbis. *Manent in identitate circa identitatis causam pulchrum, & bonum circum, chorum agentes*. Et de hoc statu sic S. Thom. loc. cit. „ Anima a se omnia sensibilia abjicit, supra omnia Deum cogitans, & etiam „ supra seipsam, & sic ab omni difformitate separatur, & hic est motus circularis, Unde Dionysius

„ suis

cetque eos formarum hujusmodi adminiculo,
 et *φαντασμάτων* adjumento paulatim attolli ad
 gra-

„ sus dicit, quod animæ circularis motus est introi-
 „ tus ad seipsam ab exterioribus, & intellectualium
 „ virtutum ipsius convolutio, & quod demum uni-
 „ formis facta unitur unitis virtutibus, & sic manu
 „ ducitur ad id quod est super omnia. „ Et quo-
 „ niam in his sumus non prætereamus utilissimam ani-
 „ madversionem quæ in hæcenus dicta cadit, & quæ
 „ unam de maximis Fidei veritatibus nobis exhibet.
 „ Memorati tres Contemplationis gradus respondent
 „ tribus Spiritus S. donis. Primum contemplationis
 „ gradum respicit donum *Scientiæ*. Hæc res creatas spe-
 „ ctat prout sunt Dei imagines. Hæc agente non sisti-
 „ mus in illis creatis rebus; sed adducimur ad Facto-
 „ ris cognitionem, statimque mentem subit cogitatio:
 „ quam bonus & amabilis ille sit qui nostri ergo tan-
 „ ta condidit; quæ si jucunda adeo & pulchra sunt,
 „ qualis erit Creator? Si languida adumbratio tanti est,
 „ quale quantumque erit exemplar? Quid enim sunt
 „ omnia creata nisi minima, exilia & languida indicia
 „ perfectionum, quæ in tota sui plenitudine in Deo
 „ reperiuntur? Quid cunctæ res adspectabiles, nisi nun-
 „ ciæ amoris quo ille nos prosequitur, testes benigni-
 „ tatis qua ille nos afficit? Hæc anima perpendens mi-
 „ rifice angitur, vehementerque dolet se creata Crea-
 „ tori prætulisse; hæc amasse, illius oblitam fuisse,
 „ imitaturque Davidem dum dolore & amore tactus
 „ clamabat: *Fuerunt mihi lacrymæ meæ panes die &*
nocte dum dicitur mihi quotidie: Ubi est Deus tuus.
 „ Hinc August. de Serm. Dom. *Scientia convenit lu-*
gentibus qui didicerunt quibus malis vincli sunt,
quæ quasi bona petierunt. Jam vero Sapientiæ do-
 „ num respondet secundo Contemplationis gradui in
 „ quo anima fertur in Deum, contemplatura ejus per-
 „ fe-

gradum de quo agimus. Incipientes hi per
hæc media ad terminum properent; non si-
stant

G. 4

fectiones; sed cum has prout in se sunt assequi ne-
queat, eas in Incarnationis, aliisque vitæ Christi
mysteriis considerat, in quibus sensili forma illæ
perfectiões se præbent conspiciendas. Hæc autem
non inani transiguntur speculatione, neque sterili
animadversione ea tunc attendit anima (esset enim
alias id Philosophorum sapientia, & non donum
Spiritus S.) sed vivido amore tacta hæret in illis,
suaviter versat, dulcissime gustat; hinc in amenissi-
mam jucundissimamque attollitur contemplationem,
ardescitque tuendo mysteria illa, eaque quasi tunc
fierent videt; firmissima tenet fide, nilque certius
exploratusque illis arbitratur. *Procedit*, verba sunt
S. Thom. in 3. Diss. 25. q. 2. *Sapientia donum ad
quandam Deiformem contemplationem, & quodam-
modo explicitam articulorum, quos fides quodam in-
voluto modo tenet secundum humanum modum. Re-
spondet huic Sapientiæ dono septima Beatitudinum,
quæ est illa Pacificorum, quia tunc homo lucis cla-
ritate in intellectu persusus, vi amoris in corde per-
cussus, omni obsequio & rota animi demissione cun-
cta quæ Fides proponit, libentissime suscipit & am-
plectitur. Sapientia convenit pacificis in quibus nul-
lus motus est rebellis, sed obtemperans rationi. S.
Thom. 2. 2. q. 45. Tandem tertius Contemplatio-
nis gradus respicit donum Intellectus. In hoc gra-
du anima unico intuitu, discursu & ratiocinatione
remota evolat ad Deum, Deo adhæret, Deum con-
templatur. Ordinarie intellectus noster res cognoscit
per eorum proprietates & effectus; sed cum nova
adveniente luce, unico intuitu in rerum naturam
penetrat, tunc non hominis, sed Angeli instat se-
gerit, quod pulcherrime Angelicus præceptor perse-
qui-*

stant in illis; nunquam enim alias pervenient.
 Ut enim gradus scæ sunt medium non terminus, et per illos ad terminum pervenimus; et sicuti a fine suo excideret, et ad mansionem

quitur in 3. Diff. 35. q. 2. artic. 2. ibi., Aliquan-
 „ do vero ad intima non pervenitur, nisi per cir-
 „ cumposita quasi per quædam ostia: Et hic est mo-
 „ dus apprehendendi in hominibus, qui ex effecti-
 „ bus & proprietatibus procedunt ad cognitionem es-
 „ sentię rei, si supernaturali lumine mens in tan-
 „ tum elevetur, ut ad ipsa spiritualia aspicienda in-
 „ troducatur: Hoc supra humanum modum est.
 „ Respondet hoc donum sextę Beatitudini, quę est
 „ illorum qui sunt mundo corde quibus Dei visio
 „ promittitur. In hoc statu veritates Fidei appre-
 „ henduntur ut prima principia, quorum est ut sta-
 „ tim audita probentur. His perpensis video magnopere
 „ dolendum de ubique dominante veterno & inertia
 „ Christianorum. Unde fit ut hyperborea frigidiora
 „ nive pectora nostra, nulla divinorum morione tangantur,
 „ nullo pietatis sensu afficiantur; nullos cœlestis incendii
 „ concipiant igniculos? Pleno ore, inflatis buccis, magna
 „ laterum iactatione Fidei dogmata, Ethicę Christianę præ-
 „ ceptiones, Morum regulas insinuamus, efferimus,
 „ prædicamus. Calent clamoribus nostris templa, ædes,
 „ plateę; sonorę cohortationes, ardens zelus, amarę
 „ increpationes ingeminantur, & nos interrim? Sumus
 „ ne verbi factores? Hei mihi! Fungimur vice cotis
 „ acutum reddere quę ferrum valet exsors ipsa secandi.
 „ Horat. Hoc fit quia Spiritus S. donum maximam
 „ animi cordisque munditiem requirit, quam dum non
 „ asserimus ipsi, semper pravi verbum Dei dehonestamus,
 „ & Pharisæicos mores imitamur.

nem ad quam scala destinatur non perveniret qui hæreret in gradibus ; sic et illi si unice sisterent in illis corporeis imaginibus , nunquam ad requiem , et immensi illius boni assecutionem devenirent. Sed quoniam divina Sapientia non solum fortiter , sed et suaviter cuncta attingit et disponit , liquet hinc quod Deus ut moveat animam , et ab imo conditionis et status sui gradu ad excelsam evehat commemoratam *unionem* , id suaviter et ad modum , et captum ejusdem animæ peragit . Porro cum sit hæc animæ natura ut cognoscat per formas et imagines rerum creatarum , cognitionis suæ modum sensuum adminiculo efformet ; hinc fit , ut Deus eam attollat ad summam cognitionem , idque suavissimo efficiat ordine , opus esse ut ab imo eam sensuum gradu excitare incipiat ; sensim deinde ad summum sapientiæ spiritualis elevet fastigium . Animam ergo illam incipit ducere per formas , imagines vias ad ejus captum accommodatas , hisque ad conjunctionem illam iter ei munit . Cogita versari nos inter duo extrema *Humanum & Divinum ; Sensum , & Spiritum* . Hæc inter se coalescere et perfecte conjungi nequeunt unico actu , nisi multis præviis dispositionibus . Cernimus idipsum in agentibus naturalibus , ubi primæ dispositiones fundamenta faciunt secundis , et hæc tertiis , et sic deinceps . Cernes ergo Dominum perficere primum in his exteriores sensus . Unde adspicimus homines illos a luxu et deliciis se temperare ; attente et devote sacris adesse ;
mo-

modestiam præferre, carnem suam macerare, et bonorum vi exemplorum aliis præluere. Jam vero per hæc vestigia strenue incedentes uberioribus cumulat favoribus Dominus; Confirmantur magis in bono illi, et ad perfectionis apicem se disponunt, et divina in dies operante gratia, et sollerti eorum cooperante diligentia tandem acquirunt habitum spiritualium rerum, deveniuntque ad id ipsius spiritus quod perfectius est, scilicet ad fastidium, alienationemque omnium rerum quæ sub sensu cadunt. Edificio huic poni debet fundamentum carnis maceratio. = TYR = Hoc ægerrime audiunt qui sæculo indulgent. Negare autem non ausim rem difficilem postulari = JO = Quis autem tuus sensus? = TYR = Ego ne . . . Sic fæde . . .

M E T R U M V.

T Antis ergo tumultibus
 Carnis fada licentia
 Conturbas requiem mihi?
 Omni tempore tristia
 In me praelia suscitās?
 Tali siccine funere
 Tu me perdere suscipis?
 Hoc stultus patiar diu?
 Captivasque dabo manus

Clau-

Cladi victima flebilis?

Ah non, Falleris impia;

Tantæ crimen inertie,

Tantum dedecus auferam.

In te pessima viribus

Aërox omnibus irruam.

Duris membra laboribus

Divexata premam gravi

Torquens assidue fame.

Planctus, sævæque verbera,

Et quicquid cruciet meum

Corpus naviter in tuam

Arinabo exitium impiger.

PROSA VI.

HÆc magnum initio incutiebant horrorem, nunc mitescere videntur. Non tamen penitus omni metu liber sum. Etenim si *Vacuitas* illa intellectus omnino ad perfectionem Fidei recipiendam necessaria est, nec ad divinos amplexus assurgere potest homo nisi omnibus se plenissime spoliet corporeis, imo & spiritualibus imaginibus, jam id ipsum ad Spem & Caritatem extendere debemus, & proinde memoriam quæ spei sedes, & voluntatem quæ Caritatis domicilium est, evacuare speciebus, & omnibus quæ externis sensibus percipiuntur debemus, ut ad perfectissimum illud memora-
tum

rum fastigium perveniamus. = JO. = Quid ni (1)? TYR. = Hoc nunquam in animum mihi induci patiar. Video enim hinc naturales

(1) Præcipuum Contemplationis objectum est Deus prout in se est. Quemadmodum in Patria felicitatem nanciscuntur Beati in Dei intuitiva Visione; sic in ista Contemplatione quæ est exigua beatitudinis illius adumbratio, in unius Dei consideratione mens tota versatur. In hoc ipsa occupata tanta exuberantis lucis copia perfunditur ut extra se rapiatur; videat non videndo, & non intelligendo intelligat ut loquitur S. Theresia Vit. suæ cap. 18. Poterit nonnihil adjumenti ad hoc intelligendum conferre languida cæteroquin quam subijcimus comparatio. Si nobis objiceretur lux adeo magna quæ totam oculorum nostrorum vlm aciemque impleret, tunc nihil aliud cerneremus nisi extraordinariam quandam claritatem. Non colores, non figuras, non motus (quæ sunt notæ quibus res discernimus) aspiceremus. Iure diceremur cæci quoad alia omnia, dum in illo lucis excessu nihil videremus præter illam claritatem. Sic & in militari barritu, vel non interrupta ignivomorum explosione bellicorum tormentorum, auribus fragore obstupefactis nec perdulces musicæ modulationes, nec suavia alloquia sonus inferret, sed solus ille confusus audiretur strepitus, ita in hoc sublimis contemplationis puncto sola divinæ illius claritatis communicatio totam replet animam, neque huic, aut illi speciali considerationi locum relinquit. Interim quod & sæpius inculcavimus, anima in hoc statu non manet iners, sed communicationem illam accipiens fervet caritate, & celestibus ignescit ardoribus, & in illo otio magnum peragit negotium. Hoc & non alio sensu dicimus animam hic passive se habere.

les usus, & potentiarum cursum destrui. Video hominem manere ut bestiam immemorem sine ratiocinio, sine reminiscencia. Hoc autem quis dicet? Scimus quod naturam non destruit Deus, sed perficit. At hac investita doctrina sequitur naturæ destructio. Etenim moralium, et rationabilium oblivione mulctatur; quomodo ergo illa operabitur? Quomodo naturalia exercebit, cum nullam horum memoriam habeat? Quandoquidem indictum est ei ut formas et notitias omnes, quæ recordationis fontes sunt, deleat = IO = Ne te ista sollicitum habeant. Nihil huiusmodi metuas. Etenim quo propius Deo accedit memoria, eo minus imaginibus illis detinetur. Idque excrescit quanto amplius viciniôr fit statui *unionis* de qua loquimur. Ad hunc autem effectum falsum est moralium, et naturalium oblivisci; imo maiorem acquirit circa hæc perfectionem, quia tunc et memoriæ, et aliarum potentiarum operationes sunt veluti divinæ, possidente Deo sicuti ipsarum absoluto Domino potentias nostras ob earum in semetipsum revocationem. Ipse est tunc qui eas movet; ipse eas moderatur, et dirigit. Videbis tunc animas illas iuste et sancte operari, quoniam Spiritus Dei eas edocet; quæcumque scire oportet aperit. In memoriam illis revocat quicquid illæ debent reminisci. Incitat ad amandum quod debent amare. Singularis enim Deo est de illis animabus cura. Et hoc significare voluit Apostolus dicens quod: *Filii Dei aguntur Spiritu Dei.* ME.

terrenis omnibus occludat; adaperiat aures suas Domino dicens. *Loquere Domine quia audis servus tuus*. Attendat qualem vult Sponsus Dilectam suam, scilicet *Hortum conclusum, fontem signatum*. Abdat se anima in cubiculo cordis sui; claudat ostium, oret cœlestem Patrem, nam ille Dominus qui januis clausis ingressus est ad Discipulos suos, eisque pacem impertivit, ingreditur ad ipsam quoque, et licet nesciat anima quomodo sit ingressus ille, nec quomodo operetur Dominus in ea; ingreditur tamen Dominus, facietque, ut loquitur Isaias descendere in eam *Fluvium pacis, cuius aquis eam mundabit, et abluet* ab omnibus (1), quæ per exteriores sensus irruerunt, sordibus; liberabit quoque eam ab omnibus perturbationibus quæ ipsam inquietabant. TYR. In his omnibus illud impense placuit quod dixisti ut anima in abdito cordis sui oret. Hoc posito cætera non moror. Etenim verebar ne ad meram inertiam illa via anima adduceretur; nihil omnino ageret; et in falsa illa quiete, quam

(1) Doctiores homines qui magnam sibi sublimiorum cognitionum compararunt penum, non sunt feliciores in hujus Contemplationis affectuione. Sufficit hic simplicitas fidei. Sufficit se devote Soli isti divino sistere ut lucis, ardorisque scintillas quis in se recipiat. Cum enim supra totam naturam sit Deus, ipse solus potest se nobis cognoscendum exhibere. Nostrium tantum est fideliter audire, & attente contemplari quicquid ipse dignatur nobis manifestare.

quam tanta animarum perniciē Pseudomystici
invexere, tabesceret = JO = Vah indignum
probrum. Habeat se passive anima; quiete
fruatur; in Domini ut ajunt sinu dormiat,
semper agit, et nunquam ut inanime pondus
se habet. Imo tunc jure dicet cum Sponsa:
Ego dormio, sed cor meum vigilat.

M E T R U M VII.

Ille viget, medioque potens in corde triumphat
Somnia subrepens qui comitatur Amor.
Non satis est huic dum vigilas sua jura tueri,
Te quoque persequitur cum sopor altus habet.
Quid juvat optatæ substernere membra quieti?
Imperat, atque magis vividus instat Amor
Victor io, clausa irrumpit tua limina, teque
Compellat, miris sollicitatque modis.
Non tenebræ obsistunt, non mollia strata veretur;
Non parcat somno fervidus ille tuo.
Clara soporatos oculos incursat imago
Accipere, & notos reddere docta sonos.
Tunc quoque tu loqueris, tunc dulcia somnia fingis;
Et placidas noctes irrequietus agis.
Iene tamen venit admoti placide tormenti
Causa; suas urget molliter illa faces.
O placidus, suavisque veni gratissimus Ardor;
Ecce damus promptas ad tua vincla manus.
Eja age captivos. Tibi victrix laurea semper,
Splendidus & nostra clade triumphus eat.

PRO.

P R O S A VIII.

TYR = Ast ut ad somnum hunc perveniat, volunt illi Mystici potentias mentis esse omnino suspensas, et inertes. Solum Deum agere in anima. Et adeo arctam intimamque esse animæ cum Deo conjunctionem illam, ut annihiletur Spiritus, ut ipsi loquuntur. Esse desinat, et in Deum transeat, se in Deum transformans; et tunc operationes animæ esse divinas = JO = Ne mireris. Habent singulæ artes et facultates suas proprias voces et phrases; has accipere debemus non ad communem captum et usum; sed ad naturam facultatis illius cuius sunt phrases illæ. Et Mysticis præsertim hanc datam novimus licentiam (et iure quidem quia de altissimis rebus pertractant) ut imperfectis, perfectis, contrariis, similibus, dissimilibus utantur terminis. Egregium habes exemplum in opere *De Cœlesti Hierarchia* quod Dionysii Areopagitæ nomine circumfertur. Ibi Cap. 2. Auctor sermonem habens de illa admirabili quiete, qua intellectuales substantiæ fruuntur, deficientibus propriis et aptis vocibus ad rem tantam exprimendam, cum posuisset *Furias, irrationabilitates, insensibilitates*, omnia ad modum suum intelligens, dum ad quietem qua fruuntur devenit, vocat illam

H

Im-

Immanem quietem; At quid magis quieti oppositum quam crudelitas? Sed egregie id; etiam ponens vocem *quietem* abstulit imperfectum illud quod vox *furia* inferebat; et dicens *crudellem*, *furiosam quietem* perfectionem et vim quietis hujus expressit. Etenim qui audit *quietem* statim concipit mente aliquid otiosi, tepidi, frigidi. Sed qui addit *quieti crudellem et furiosam*, auferit imperfectionem illam, et optima in luce collocat vim et robur quietis illius, dum vox ipsa *quies* furiosam et crudellem destruit notionem. Uno verbo; cum sive *quies*, sive *furiose* solitarie positum utrumque aliquid imperfectionis includat; illud nimirum inertie, hoc feritatis, fit ut cum alterum alteri adjicitur & attemperatur, utrumque sua spoliatur imperfectione. Non ergo a ratione dices alienum, si ineffabilibus rebus exprimendis a consuetis discedunt illi ratione loquendi. Hinc Hugo Victor. in librum de Cœlest. Hierarch. in hanc sententiam verba faciens; Non solum, inquit, ideo dissimilesfigurationes probabiles sunt, quod super mundanarum excellentias ostendunt, sed ideo etiam quod nostrum animum magis quam similesfigurationes a materialibus, et corporalibus reducant, nec in se quiescere sinunt. Sic et initio libri De Mystica Theol. Auctor de SS. Trinitate ita; Trinitas supersubstantialis, et superdea, et superbona. Nullus hactenus reprehendit = TYR = Indigemus novo Lexico = JO = At res ipsæ loquuntur. Dum ergo audis Po-

sen.

sentias suspensas et inertes scito hoc tantum velle mysticos illos Potentias tunc non operari ex proprio, quoniam id quod accipiunt totum est infusum, et id quod intellectui tunc contingit est mera, et simplex quædam mora, et suspensa admiratio, dum se illustrari, et penetrari divina luce sinit. Et quod ad voluntatem spectat, hanc dicunt illi *annihilari*, scilicet ut non sentiat, non amet, non cupiat, non lætetur in alio nisi in solo Deo. Porro si intellectus sinit se divina luce penetrari, jam vides quod patiendo agat. Si voluntas optat, sentit, amat, lætatur in Deo, jam agit. Non ergo proprie loquendo, sed mystico illo sensu memoratæ potentiæ destruuntur.

M E T R U M VIII.

Vulgatum præter decurrunt Mystica morem;
Cernimus insolitas illa tenere vias,
Quid mirum nova si ac aliena vocabula poscant,
Et cupiant sensus sic aperire suos?



72-73-74-75-76-77-78-79-80-81-82-83-84-85-86-87-88-89-90-91-92-93-94-95-96-97-98-99-100

PROSA IX.

TYR = Hæc nimis plana et facilia videntur. Liceat Mysticos sic loqui, dummodo sic accipiantur. At magna emphasi, et indomita quadam vi crude nimis hæc et in libris exarantur, et Concionatorum voce efferuntur. Melius fortasse si utrisque interdiceretur vocibus illis = JO = Id in publica commoda non cederet, et in sublimium magistrorum dispendium vergeret, nec facile committendum ut aliorum fama, nulla iusta causa in discrimen vocetur. Nec video cur locutiones illæ adeo te commotum reddere debeant. Rem paulo diligentius expende. Cum motus et actiones illæ momento temporis fiant, his anima dulci suavissimi amoris deliquio detenta sic se habet, quasi non sentiat, videturque sibi in quodam *consistentie*, ut Mystici loquuntur stare gradu, tunc non videtur totum illud quod transigitur *actionis* nomine exprimendum. Accedit quod cum consueto et ordinario more soleat anima ab una ad aliam transcurrere cogitationem; ab unius consideratione veritatis ad aliam laborando se attollere; impedimenta superare; ad bonum quod intendit summo conatu progredi; hæc omnia cum hinc longe absint, et cum totum singulari Dei favore infundatur, et in
sum;

summa quiete, gaudio, et pace tanta recipiantur divinæ largitatis beneficia, ideo ad extraordinarium hunc et infusum agendi modum exprimendum, ajunt Mystici *Potentias non operari*. Sed hoc Mystico sensu accipiendum est, cum satis alias constet Intellectum, et Voluntatem non ignavos, non inertes tunc se gerere, cum illustrationes ille recipiat, hæc ferveat caritate, licet non intelligat quomodo amet. Hinc lucem accipit titulus Psalmi 55. *Victori pro Columba muta*. Nunquam enim illustrior, aut magis pius et mitis Victor est Deus, quam cum Columba obmutescit, se victimam dedit, sinens ut loquatur ipsi Deus. Id etiam exprimi videtur Psal. 36. illis verbis. *Subditus esto Domino, et ora eum*. Hebraice: *Tace Domino, et ora eum*. Hoc autem quomodo fieri poterit, cum ille qui orat loqui debeat omnino? Sed satis ex dictis intelliges, et inferes illud animæ otium, negotium esse, et recte Gilbertum Bernardi discipulum dixisse quod *cum fuerimus otio redditi, tunc sentiemus acriorem morsum amoris divini. Animum cura implicat, quies explicat* Serm. I. in Cantic.



M E T R U M IX.

M *Ira quies operi vacat, & studiosa laborem,
Curasque sollers promovet.
Quo magis est operosa, hoc mollius illa quiescit.
Est otium negotium.*

P R O S A X.

T YR = Nolim longius contentiosum trahere funem de vocibus. Voces tandem sunt. Sed video hic de rebus ipsis, et quidem inconcussis veritatibus ingentes excitari turbas, totamque de qua hactenus egisti doctrinam in immensam animarum perniciem tendere = JO = Avertat Deus = TYR = Fingam me ad *quies* felicissimum illum statum pervenisse. Intellectum et memoriam omnibus, ut præcepi-sti, imaginibus, et sensilibus formis evacuasse. Stabo in gradu hoc. Sanctorum patrocinia non requiram; quin ne turber phantasmatum incursione, illorum imagines aversabor. Missæ non adero; non me longa precum recitatione fatigabo. Cumque certus jam sim spiritu meo in Domino requiescere, nihil curabo quicquid inquinamenti in corpore meo, queat concupiscentia operari. Præpositorum jussa contemnā.
Lej

Legibus humanis non tenebor; et in hunc sensum traham illud Apostoli: *Lex justo posita non est*. Nec mirum. Si enim in Domino, ut illi loquuntur, *transformatus sum*, jam in Domino vivo; nil mihi cum terrenis omnibus commune = JO = Scilicet? O egregium ratiocinatorem! = TYR = Mitte jocos. Legitima et necessaria sunt hæc doctrinæ illius consecraria = JO = Non aliud tanto molimine contendimus nisi ut anima perfecte Deo adhæreat; ut homo collocet in Domino omnes suas potentias, appetitus, operationes, et tota quanta est animæ vis in hoc ponatur, et dicat illa ad Dominum cum David: *Fortitudinem meam ad te custodiam*. Hunc in scopum collimare debent intellectus et voluntas hominis. Hos purgare intendimus; mundos et expeditos ad Dominum dirigere satagimus. An destruemus vias quæ ad illam ducunt metam? Age ergo patrocinia Sanctorum, imagines, Missa et quot sunt Religionis officia tendunt ne eo? = TYR = Ergo postquam pervenimus, inutilia hæc sunt = JO = Erras si putes hæc quæ memoras non esse necessaria, etiam dum perstas in illo altissimæ Contemplationis puncto. Sunt illa veluti fulcra, quibus status ille innititur. Sed video me surdo hactenus cecinisse. In illo ipso altissimæ Contemplationis puncto illa quies, illa admiratio, suspensio illa animi conflatur ex consideratione eorum quæ fides proponit. Quomodo enim in divinæ justitiæ unico et simplici obtutu

quiesces, nisi eodem tempore muniaris consideratione effectuum illius, quos Scripturæ proponunt; et quos in variis humanarum rerum vicibus, et quotidiano usu ipseprehendis? Exinde varii motus timoris, tremoris, admirationis, quos anima suscipit fovetque, et in illo unico divinitatis obtutu quiescit. Sic dum Christum Crucifixum contemplamur, obversantur animo ejus misericordia, bonitas, et amor in nos quæ ad tanta Filium Dei impulere; divinæ quoque justitiæ rigor talem deposcentis satisfactionem; et hæc quidem sensibili modo cernuntur. Sed ex his assurgit mens ad ipsum Dominum ut in se est, et in ipso sine discursu, et peculiarium illarum considerationum animadversione quiescit. Excitantur ex hoc intuitu vividi in anima pietatis morus, quibus tota in ipsum Dominum fertur = TYR = Nullus dubio locus. Equidem dum heroica fortitudinis, patientiæ, humilitatis, caritatis exempla Sanctorum meditor; dum vivis coloribus eorum cruciatus cerno expressos; dum illos ad contemplationem, modestiamque compositos cerno, incalesco et ipse vivo ardore; similia in me peragi exoptans. Quis ego qui Sanctorum patrocinio adjuvari non indigeam? Quis salutis amans transgredietur mandata, cum Veritas ipsa edixerit: *Si vis ad vitam ingredi serva mandata*? Et quod ad concupiscentiam spectat, manebit illud ære perennius; *Nil coinquinatum intrabit in Regnum Cælorum*. Stat illud ad omnem falsam quietem et inextinguibilem

inertiam configendam acutissimum telum: *Fides sine operibus mortua est*. Et quis otiosam mihi caritatem persuadebit; cum diligere jubeamur non *verbo et lingua, sed opere et veritate*; et teste Apostolo: *Caritas urget nos* = JO = Gaudeo hæc omnia altissime cordi tuo insidere; nec minimum turbet illud quod innuisti, scilicet legem non esse positam justo; id enim significat justum lege non terri, quia ejus poenas nunquam incurreret, quoniam legem non violabit; sicuti dicimus non esse frugi homini positum patibulum quod ad improbos deterrendus fuit in foro collocatum. Dum autem imagines, species, et formas ab intellectu et voluntate ablegavimus non fuit mentis nostræ reddere hominem immemorem muneris sui, et efficere ut non cogitet quæ debet cogitare, vel ea refugiat quæ ipsi ut ad finem suum perveniat possint esse adjumento; sed ut inanibus se temperet et inutilibus apprehensionibus, formis et imaginibus. Harum autem quæ utiles sunt, et fini suo conducibiles suscipiat, foveat, amplectatur; sic tamen ut in ipsis non sistat. Meminerit esse illas viam non terminum. Item posse invehi per eas errores et deceptiones; quod tamen non est formidandum in cultu imaginum; Sanctorum adoratione; precibus ab Ecclesia præscriptis, vel approbatis.

METRUM X.

Sanctum, decorum, nobile
Summaque clarum gloria
Est quicquid alma Ecclesia
Suis agendum filiis
Proponit. Illa ducitur
Dei movente Spiritu.
Arcana Sponsus credidit
Illi supernus maxima.
Opem suamque in secula
Promisit illi gratiam.
Ergo fidelis predicat
Hec quicquid ille precipit.
In abdito hæc quod ebibit
Eruat inde propalam.
Nil suspiceris noxii.
Fluenta pura conspicias,
Accede, pota protinus;
Vitæ beata pocula
Arente fauce traxeris.

P R O S A XI.

TYR = Hoc diffiteri non possum. Errat qui in via conquiescit, cum per illam debeat ad terminum tendere. Scio divinitatem esse terminum illum. Hinc a Concionatoribus audivi ne in Christi Domini quidem humanitate esse sistendum; idque Dominum ipsum expresse significasse dum a mortuis redivivus dixit Magdalenæ: *Noli me tangere*. Et expressius dum necessariam esse suam a terra discessionem Apostolis dixit: *Nisi abiero, Paracletus non veniet ad vos*. In quam sententiam afferebant Augustinum dicentem, Non potuisse descendere Spiritum Sanctum in Apostolos, utpote carnalis præsentia et sensibili solatio Christi nimis addictos = JO = Pro dementiam intolerabilem! Est Christus via et terminus. Audi ipsum dicentem: *Ego sum via, veritas, et vita*. Est ipse A, & Ω, principium et finis. Hæc est vita æterna ut cognoscamus Patrem, et quem misit ille Filium suum. Habet ipse verba vitæ æternæ, et præclare Petrus: *Domine ad quem ibimus? An sic cognoscunt Concionatores illi Jesum Christum? Videant ne ipsis ingerat Dominus quod legimus in Evangelio: Tanto tempore vobiscum sum, et non cognovistis me? Philippe qui videt me videt et Patrem; Ego in Patre, et*
Pa-

Pater in me est. Vides Divinitatem; et edisce si adhuc dubitas ab Apostolo Coloss. 2. 9. *Quod in Christo inhabitat omnis plenitudo Divinitatis corporaliter.* Ne ergo dubitent Mystici illi in Christo conquiescere; ne dicant Contemplatione illa animum non evolare ad Divinitatem. Quam mirabilis, planus, et facilis ad Patrem est per Christum nobis adscensus! Si de Patre ait Christus: *Omnia tua mea sunt, et mea tua sunt, et Ego et Pater unum sumus.* Si omnia a Patre sibi tradita dixit, sicuti, quod et ipse fassus est: *Nemo potest venire ad me, nisi Pater meus traxerit eum;* sic quis ibit ad Patrem nisi traxerit Filius? Intellexit hoc egregie Paulus inquit: *Non judicavi me scire aliquid nisi Jesum Christum, et hunc Crucifixum;* et jure quia in Christo sunt omnes thesauri Sapientiæ, et Scientiæ absconditi Coloss. 2. et ipse Pater Æternus testimonium, perhibuit Filio suo in Monte Sancto: *Hic est Filius meus dilectus in quo mihi bene complacui, ipsum audite* Mattd. 17. At non solum audiemus, sed et in eo delicias nostras conlocabimus, cum nisi per ipsum non possimus Patri placere. Hæreat Columba in foraminibus petreæ, in caverna maceræ. *Petra autem erat Christus; & absit nobis gloriari nisi in Cruce Domini nostri Jesu Christi.* Amplectamur vulneratum nostrum; in ipso fiduciam omnem nostram ponentes, qui sic dilexit nos ut justus pro injustis, Dominus pro

scrj

servis, Filius Dei pro filiis hominum tanta
pati dignatus sit = TYR =

~~~~~

# METRUM XI.

**M**E me fulmina proterant,  
*Sæve me accipiant feræ,  
 Vel flammæ penitus vorent  
 Ni te pectore fervido,  
 Ni te viribus omnibus  
 Mi Christe assidue petam.  
 Imis faucibus hæreat  
 Lingua; aut deficiens cadat  
 Si non perpetuo sonet  
 Illud nomen amabile.  
 Longa oblivia contegant,  
 Reddantque immemorem mei;  
 Totus desipiam statim,  
 Si mente exciderit mea  
 JESUS spes mea, gaudium,  
 Et desiderium meum.*



PRO-

## PROSA XII.

**J**O = Porro nihil te commoveant quæ a Concionatoribus audisti; nam sensus verborum Christi ad Magdalenam: *Noli me tangere* &c. est: Ne diutius (1) in mei complexu; et pedum osculis immoreris hac vice, nondum enim adscendi h. e. non decrevi tam cito ascendere in Cælum. Quasi dicat; Sat sæpe, sat diu licebit adhuc me post hoc complecti; nunc vade, et lætum Resurrectionis meæ nuncium defer fratribus h. e. Discipulis meis. Jam vero quæ de Christi discessu, et Spiritus S. adventu afferebantur nihil prorsus evincunt. Noti et tres SS. Trinitatis personas esse illas quæ cum de homine condendo agebatur inducuntur in Scripturis dicentes: *Faciamus hominem ad imaginem, et similitudinem nostram*. Admirare summam et ineffabilem tanti operis æconomiam. Pater Æternus sic dilexit Mundum ut Filium suum daret. Misit ergo Pater Filium. Venit Filius propter nos homines et propter nostram salutem, Consummationem operis, seu sanctificationem nostram Spiritui S. reservavit. Hæc omnia tunc adhuc carnales Apostoli non intelligebant. Nihil in Evangeliiis frequentius inculcatum. Testantur iidem

Sa-

(1) Ita Vatabulus, Suaresius, Tirinus et alii apud ipsos.

Sacri Scriptores imperitiam, ignorantiam, et mentis hebetudinem Apostolorum tunc temporis; et Christus ipse: *Multa habeo vobis dicere, sed non potestis portare modo*. Exprobravit quoque illis Marci ultim. *incredulitatem, & duritiam cordis*; et Emmauntinos discipulos ut *stultos & tardos corde* arguit. Sed quid plura? Nondum enim Spiritum qui docet scientiam receperant. Plana ipsa, et cujusvis captui accommodata, his invia et impervia videbantur. Exsuperat omnem fidem quod narrat Lucas Cap. 18. Ibi sic duodecim Apostolos alloquitur Dominus: *Ecce ascendimus Hierosolimam, & consummabuntur omnia quæ scripta sunt per Prophetas de Filio hominis. Tradetur enim Gentibus, & illudetur, & flagellabitur, & conspuetur. Et postquam flagellaverint occident eum, & tertia die resurget*. Potuit ne apertius et clarius aliquid enunciari? Quis non intellexisset? Et tamen subdit Evangelista: *Et ipsi nihil horum intellexerunt, et erat verbum istud absconditum ab eis, et non intelligebant quæ dicebantur*. Hi ergo Cælestium, et Supernaturalium rudes et ignari nonnisi humana meditabantur. Nihil de admirabili Redemptionis opere; de Christi trophæo; de Ecclesie constructione, et toto illo pietatis Sacramento cogitantes, delectabantur de humana Christi præsentia, nec ad altiora assurgebant; hinc omnino necesse fuit ut discederet Christus, Spiritum S. ad Patris mandatum missurus. *Paraclitus quem mit-*

*mittet Pater in nomine meo*. Hæc et non alia Augustini mens. Jam vero quid hæc dictis incommodant, cum clarissime nunc Spiritu S. docente intellexerit Ecclesia quis et qualis sit Christus Dominus? Nunc cum carnalium omnium infirmitate cessante cogitationum, Christum Crucifixum Os et Verbum Patris Æterni suspicimus, vitæ et gloriæ nostræ auctorem colimus. In quo divinitatis fulgore irradiati, et Patrem, et Spiritum S. agnoscimus. Cum quo omnium sumus bonorum participes. Sine quo, nihil omnino boni, sed omnia mala nos invenient. Tenes ne? sunt hæc satis expressa? = TYR = Sunt. Et mihi irascor qui mea perfidia ad hæc hæctenus non attendi, et omnia amantissimi Domini mei de mea salute consilia sum proterve frustratus. *Quis dabit capiti meo aquam, et oculis meis fontem lacrymarum, et plorabo die ac nocte.* Jerem:9.

~~~~~

M E T R U M XII.

E Rupe dura limpidus exiit
 Si fons aquarum divite copia
 Ad Moysis virgam, stupensque
 Hinc populus bibit ore pleno,
 Ecce & istud cor mihi denegat
 Vim lacrymarum, flebilis atraque
 Cum parte ab omni sit mearum
 Conditio misgranda rerum?

Heu

Heu hoc profecto rupibus asperis,
 Saxoque quovis non penetrabili,
 Quin & recoctis obstinatum
 Durius obrigit metallis.
 Hoc nulla tangunt, deterioribus
 Visenda formis tristitia qualibet
 Tormenta, quæ vindex severus
 In reprobos Dominus paravit.
 Non fulminantis desuper adspicit
 Cæli furorem; non videt inferis
 Vel quanta ab oris se ruina
 Precipiti moveat fragore.
 Averte quæso tam lacrymabilem
 Hanc cæcitatem Rector, & effice
 Me flere quicquid per tot annos
 Stultus ego in tua jussa feci.

PROSA XIII.

TYR = Sed redeamus in viam a qua jam
 diu excessimus. = JO = Et hoc ipse jam
 meditabar, nec incæptorum sum oblitus. *Vol-*
untatem (de intellectu jam satis) omnibus
 inordinatis affectionibus suis emundare debemus,
 illamque puram expeditamque ad Deum affer-
 re, ut *unioni* illi de qua dicebam, non præ-
 stet se ineptam. Est posita animæ vis in suis
 potentiis, affectionibus, et appetitibus; hæc
 omnia regit et moderatur voluntas. Jure dicit
 I ipsa

ipsa Domino cum David: *Fortitudinem meam ad te custodiam*; cum dirigit ad Dominum illas, et caute et diligenter eas avertit, ab omnibus quæ ad Deum non referuntur; tunc vere, ex omnibus viribus Deum amabit illa. Profecto ex inordinatis affectibus omnis in animam importatur pernicies = TYR = Vel cæco id patet = JO = Patet quoque quatuor esse affectus illos scilicet Gaudium, Timorem, Spem, Dolorem. Hinc Boetius noster.

*Gaudia pelle;
Pelle Timorem;
Spemque fugato;
Nec Dolor adsit*

*Nubila mens est,
Vinctaque frenis
Hæc ubi regnant.*

HOs si bene componemus; rectum et iustum illis ad Deum dabimus cursum, efficientes ut nullum in se animus suscipiat *Gaudium* nisi de eo quod Dei gloriam respicit, nil hanc præter *Speret*, nunquam *Doleat* nisi cum divino honori cernit per impios injuriam irrogari; nec alium nisi Deum *Timeat*, jam totum evicimus, et fortitudinem nostram ad Deum custodiemus = TYR = Nullus dubito quod quo magis animus aliqua re oblectatur, eo magis voluptatem suam a Domino retrahit; quanto magis in alio confidit, eo minus sperat in Domino, et sic de aliis affectionibus = JO = Et acrius et ferocius quatuor illæ affectiones pugnant in animam, quanto minus voluntas est

*Integrat, & socias revocat, mora nulla, Sorores.
Sex capita abstuleris si Hydra non proficis hilum;
Septem habet, & septem sunt abicindenda securi;
Non alias poteris tutus, vel victor haberi.*

~~PROSA XIV.~~

PROSA XIV.

TYR = Doleo miserrimam hominum vicem. Video quam ardua indicuntur. Ergone nil gustabit? Oblectamenta omnia pellentur? = JO = Ne turberis. Non interdicatur tibi omni gaudio, sed tantum illo quod in Dei gloriam non tendit. Gaude et exulta, et delectare in Domino; hoc verum et solidum est Gaudium. Si ab hoc fine aberrantia se tibi ingerant Gaudia tunc vir esto. Eja dic tibi cum Habacuc; *Super custodiam meam stabo, et figam gradum super munitionem, et contemplabor quid dicatur mihi.* Et quid dicunt tibi sordide voluptates, nisi ut in æternum pereas? Sed his nullus hic locus. Terrena bona magnum sunt vitiorum illicium; hinc Sapiens Eccl. II. *Fili si dives fueris non eris, immunis a delicto.* Scilicet quia imbecille cor hominis facile illis adhæret, clament licet Scripturæ: *Divitiæ si affluant nolite cor apponere.* Et luculentissima sunt Christi verba. *Si vis perfectus esse Or.* Sed ne in longum abeamus, moneo in omni bonorum

ge.

genere vanitatem esse lætari in his quæ Dei gloriam non respiciunt; Christianum voluptati suæ minime indulgere debere. Se nihil omnino ille existimet, licet ingentibus et peculiaribus gratiis sit ille divino munere cumulatus. Et quoniam tunc elatio, inanis gloria, et superbia irruere solent, in id nervos omnes intendat ut hac labe non tangatur. Quid enim aliud mystica illa visione in Apocal. innuitur ubi exhibetur prostituta Babylonica sedens bestix habenti capita septem, et cornua decem, auratum Calicem manu tenens, et *inebriati sunt qui habitant terram de vino prostitutionis ejus, et cum ipsa fornicati sunt Reges Terræ. Apocal. 17.* nisi spiritus ille Superbiæ? Et vide vim veneni illius dum Reges Terræ eo inebriati dicuntur h. e. gradu, virtute, et decore insignes pestem illam non effugiunt, et inclytum ipsum Sacerdotium non est immune. Ne capiamur ergo phaleris, et fulgore inanis illius pompæ, quæ ad modicum videtur superbiam comitari. Et hic mysticus est sensus loci illius Proverb. 31. *Ne intuearis vinum quando flavescit, cum splenduerit in vitro, color ejus ingreditur blande, sed in novissimo mordebit ut Coluber, et sicut Regulus venena diffundet.*

M E T R U M XIV.

NE te languidulum estuosioris
 Invadat popularis aura plausus;
 Non segnis fuge quicquid insusurrat
 Laudum arrecta cupido, nec requiras
 Vulgi non stabilis sonos inanes,
 Rumoresque vagos. Satis misellus,
 Et dignus lacrymis satis vir ille est
 Tenet quem hoc studium inficetiarum,
 Et has tam stolidus cupit, fovetque
 Burras, quisquillas, ineptiasque.

P R O S A XV.

TYR = Arduum profecto negotium. Ipsos
 doctrina et sanctitate conspicuos homines vidi
 hoc morbo implicitos = JO = Quid mirum?
 Expende Discipulos LXXII. quos Luc. X. mi-
 sit Dominus binos ante faciem suam in omnem
 civitatem et locum quo erat ipse venturus.
 Vers. 17. Reversi sunt 72. cum gaudio dicen-
 tes: Domine etiam Dæmonia subjiçuntur no-
 bis in nomine tuo. Susplicari hic aliquid vani
 cogit responsio Christi: Videbam Satanam

sicut fulgur de cælo cadentem. Quid enim hæc bonus Magister ingereret, si fuissent illi omnino hujus fumi expertes? Sed et medicina quam illis adhibet in verbis sequentibus nullum dubitationi locum relinquit: *Ecce dedi vobis potestatem calcandi supra serpentes, et scorpiones; veruntamen in hoc nolite gaudere . . . gaudete quod nomina vestra scripta sunt in Cælis.* = TYR = O præclaram præceptionem! = JO = Sed et admiratione longe dignius quod habetur Matth. 7. ubi Christus sic: *Multi dicent mihi in illa die: Domine Domine nonne in nomine tuo prophetavimus, et in nomine tuo Dæmonia ejecimus, et in nomine tuo virtutes multas fecimus? Est tunc confitebor illis: Quia nunquam novi vos; discedite a me qui operamini iniquitatem* = TYR = Ergo ne tantum in illa elatione, inani gloria, et, ut cum Scoto loquar, in illa *luxuria Spirituali* detrimenti? = JO = Ille vere prudenter agit qui non solum abscondit aliis, sed et sibimetipsi opus suum bonum; dum enim celat alios de suo opere bono illicitum gloriæ vanæ effugit; dum sibimetipsi illud abscondit, se ab ab omni fastu, et superbæ tumore præservat; et sic intelligitur illud Christi Domini: *Nesciat sinistra tua quid faciat dextera tua* Matth. 6. Scilicet non carnali oculo bonum Spirituale quod agis contemplari. Et profecto tunc vere ad Dominum voluntas convertitur, tunc pretiosum est opus illud; alias non solum nihil exinde lu-

cri, et meriti reportabit homo, sed multum damni et inquinamenti in se derivabit. Et in hanc sententiam accipienda sunt verba Job. Cap. 2. *Si laxatum est in abscondito cor meum, et osculatus sum manum meam ore meo, est iniquitas maxima* = TYR = Quid ergo hi se inani labore fatigant? Nonne maximæ dementiæ est laborare, ut non proficias, imo ut te ipsum perdas?

~~~~~

### M E T R U M XV.

**T** Er stultus qui quærit damna laboribus ultro,  
 Sevaque suscepto probra labore capit.  
 Sordidus est, turpis, vesanus, iniquus, acerbus  
 Qui dare scit tantum tristia damna labor.

~~~~~

P R O S A XVI.

JO = Seipsos hi perdunt, et sensim in certam ruunt perniciem; dum enim voluptatem suam in illis bonis quærunt operibus, hanc dum non inveniunt (subtrahit enim illam Deus) miro congelant torpore, seque a bonis illis actibus retrahunt, et corde confracti progredi non audent; et de his dicere videtur
 Sa-

Salomon Eccl. X. *Muscae morientes perdunt suavitatem unguenti.* = TYR = Et cur suavitatem illam subtrahit Deus? Cur illos in deliciis pascere non pergit? = JO = Ergo semper ut parvulis lac illis præbebit? Solidiori cibo in æternum privabit? = TYR = Teneo = JO = Subeunt longa Spiritualium operum tædia; quandoquidem quo plus se quam Deum in illis operibus quæsierunt, justum est ut pœnæ ergo densis subdantur tenebris, depravatoque judicio omnia in quibus voluptatem illam non sentiunt, aversentur. Et hoc fortasse significavit Michæas Cap. 7. et de his locutus est dum dixit: *Malum manuum suarum dicunt bonum.* Scilicet quod illi maximi ducunt opera spiritualia in quibus voluptatem inveniunt, despiciunt autem illa quæ nullo sunt ipsis oblectamento = TYR = Si res sic se habet, juratus (et non perfidum dicam sacramentum) affirmabo nimis raros inveniri homines, qui unice propter Deum operantur bonum, nullum prorsus internæ voluptatis et lætitiæ sensum quærentes, imo generose, et constanter hujusmodi repellentes illicia. At quantum incommoda illa vitæ ratio! Tolle omnem prorsus voluptatem, in quas conjicies hominem angustias! Quanta desolatione obrues? Sane, ea est conditionis nostræ natura ut voluptate trahatur; hanc si omnino remotam velis vel hominem necabis, vel vitam etiam morte ipsa ei reddes amariorem; si virtutem
quam

quam nulla sequantur præmia ostendes, deplumatum Pavonem mihi videndum exhibebis.

~~~~~

## M E T R U M XVI.

**Q**uignam sponte laboribus  
 Sese subjiciet, dulcia demseris.  
 Illis si sua præmia?  
 Qui mercede caret divite futilis  
 Est prorsus labor; irrita  
 Hunc & subsequitur gloria, languido  
 Tunc virtus graditur pede.  
 Ut ventus positas congeliat nives,  
 Desperatio torpidam  
 Virtutem penitus reddit, & igneas  
 Alas illius abripit.  
 Vultu pallidulo tabet, & ingemit,  
 Et mutat clamydem suam  
 Hæc, si conspicuis cernit honoribus  
 Cultores vacuos suos;  
 Hi tunc fracto etiam pectore concident.



## PROSA XVII.

**J**O = Hoc quod tu maledictum vehemens existimas, non est nisi egregium divini favoris argumentum. Quam bene tunc ad Deum afficitur anima! Ingreditur in obscuram illam contemplationem, prænarum et angorum plenissimam licet, at maxime necessariam, ut ad optatissimam illam lucem perveniat, summumque felicitatis statum in quo illius divinæ a Mysticis memoratæ *Unionis*, compos fiat. Id si quæ supra innui expenderes, nullo docente facile intelligeres = **TYR** = Quas canis ambages? Per asperum semper iter duxisti. Vim passa est ratio mea; et nunc majoribus involvis nebulis. Quid obscura illa Contemplatio? Deus lux est. Quid poenas, et angores commemoras, cum nos delectari in Domino jubent Scripturæ? Lætitiâ, suavitatem, jucunditatem eorum qui Domino servant, frequentissime proponant? = **JO** = En bellum horrifimum qui ad magna præmia per nullos labores vult pervenire; egregium bellatorem qui victoria et coronis, sine tamen pugna, velit potiri. Plane dormienti tibi tot bona congerentur in sinu. Placet? Visne veterem hominem exuere? Scis Regnum Dei vim pati? Sordidus sædatus animus nullus excoquet pergans

gans Ignis? = TYR = Est id omnino neces-  
se = JO = Et id obscurus ille Contemplatio-  
nis status mirifice præstat; neque ego alio con-  
silio luculentissime tibi demonstravi intelle-  
ctum, et voluntatem omnibus imaginibus spo-  
lianda: evacuandas omnibus speciebus, et for-  
mis potentias; vacuum omnino animum affe-  
rendum ad Deum, nisi ut te paratum habe-  
rem cum hæc essent proponenda, Sane di-  
vina sunt hæc quæ tractamus. Oportet ut  
Deus invadat vi aliqua animam illam, ut fe-  
rocientem et appetitibus implicitam perdomet,  
et explicet = TYR = Id pergratum. Quid  
enim jucundius quam sub manu amantis Do-  
mini mei me collocari? Crucis Christi secta-  
torem fieri?

---

M E T R U M XVII.

---

**A** Tro dolorum turbine,  
Cunctisque pænis obruar;  
Severa, dura, tristia  
Me persequantur omnia,  
Me sic agentem dummodo  
Crux alma Christi contegat.  
Umbra sub ista molliter  
Claudam sopori lumina,  
Hic non timebo languidus  
Ferocientes hostium

Prius

Prius molestos impetus,  
 Et pace tuta perfruar.  
 Quin hic benigna, blandaque  
 Tormenta quævis dixero;  
 Gaudere dicam perpeti;  
 Subdi flagellis; accipi,  
 Scindi, vorari, pertrahi  
 Erit voluptas maxima.

---

 P R O S A XVIII.
 

---

JO = Sed tristatur anima; videtur sibi omnino derelicta, et omnibus miseriis tradita; mortem eligeret. Hoc expertus Job clamabat, 23. *Nolo multa fortitudine contendat mecum, ne magnitudinis suæ mole me premat.* Pauperem, nudam, orbatam sentit tunc se anima. Quantus mæror! Exulant (inquiunt Mystici) ab ea tria genera bonorum quæ illam recreare sunt apta, scilicet *Temporalia*, *Naturalia*, *Spiritualia*, cernit se in contrariis positam malis, scilicet miseriis imperfectionum, ariditatibus; et potentiis vacuis, et Spiritus derelictioni ingemiscit. Etenim cum Deus purgat animam in substantia *sensitiva* et *spirituali*; in potentiis interioribus, et exterioribus, necesse est ut ponatur illa in pauperie, et vacuitate omnium harum partium, et inanis, et arida in tenebris tabescat. Id præstat Deus per

per hanc obscuram Contemplationem, in qua anima non solum naturalibus his nudatur fulcris, acriterque hac via torquetur, sed etiam intrinsece purificatur, et quodammodo destruitur, donec radicitus evellantur inolitæ cunctæ affectiones, et habitus imperfecti, quibus illa scatet. Exhibe phantasie tuæ, si hoc vis intelligere, metallum conflandum in ignem injectum, et sic assequeris sensum verborum Ezechiël. 24. *Congere ossa quæ igne succendam; consumuntur carnes, et coquetur universa compositio, et ossa rabescunt.* Hic adumbratum cernis qua pœna divexetur anima in illa vacuitate et paupertate, et additur statim: *Pone quoque eam super prunas vacuam ut incalascet, et liquefiat æs ejus, et confletur in medio ejus inquinamentum ejus, et consumetur rubigo ejus.* His exprimitur immanis animæ cruciatus quo transfigitur illa in purificatione ignis hujus Contemplationis. Id et voluit David dicens: Psal. 68. *Salvum me fac Deus &c. dum spero in Deum.* Frequentissimam habes in Scripturis SS. Virorum querimônias, ejulationes, doloris plenissimas voces id ipsum ingemiscientium. Commotus sum mirum in modum audiens Jeremiam in Threnis: *Ego vir videns paupertatem meam in virga indignationis ejus. Me minavit et adduxit in tenebras, et non in lucem. . . .* Discrucior dum repeto; libera me hoc angore; consule ipse totum textum usque ad illa verba: *Recordare paupertatis, et transgressionis meæ,*

ab-

*absynthii et fellis. Memoria memor ero, et  
tabescet in me anima mea.*

M E T R U M XVIII.

Sævis excoquit ignibus  
Ad Patriam quos dirigit  
Rector inclytus omnium,  
Arctoque claudit carcere  
Donec sordibus eluat.  
Illos suorum criminum.  
Justum est hanc ad imaginem  
Ut formet almus Conditor  
Hic quoscumque parat sibi  
Beata sorte jungere;  
Illos mirificis modis  
Purget, perurat, obruat  
Sævis usque doloribus.  
O vim dolorum maximam,  
Pœnarum horribilem statum,  
Novæ rigores indolis!

PRO-

## PROSA XIX.

**T**YR = Tu me ad insaniam adigis. In quam tyrannidem incidimus? Hæccine via Domini patris amantissimi? Nil commoveor ejulatibus Sanctorum quos innuisti Virorum; alio ex fonte lacrymæ illæ profluebant. Periclitabantur vita, fortunis, pace; hujusmodi vexabantur calamitatibus, non hoc quod fingis dolebant = JO = Imo et hoc dolebant; an alias eos sic abjecto, et vili animo fuisse suspicaberis ut illas ob calamitates, in femineas, et viro indignas collacrymationes, et questus illos effunderentur. Et scis quid per hæc intendit Deus? Miseret me tui. Cum carnali judæo mihi res esse videtur. Cerne bona quæ exinde oriuntur. *Deus revelat profunda de tenebris, et producit in lucem umbram mortis* Jobi XII. Erit animæ illius lux sicuti ejus fuerunt tenebræ: *Sicut tenebræ ejus ita et lumen ejus* Psal. 138. = TYR = Desine. Mihi hic illudi non patiar. Vis ne ut desiderem hic summam Domini mei clementiam? Si spirituales illæ motiones et voluptates summo sunt animæ incitamento ad proficiendum, et ad perfectionis statum assequendum; si animam virtutibus implent, muniant, hilarem faciunt et tutam; si exinde spirituales acuantur ap-



appetitus, vegetantur potentiae, omnia intima  
 reflorescunt, exultant ossa humiliata, dilatatur  
 cor; ut quid inverso ordine defluent cuncta?  
 Ariditate conflictabimur, vacuitatem illam ap-  
 petemus? = JO = Ni te plus oculis meis  
 amarem Tyro, tragica scena fabulam clauderem,  
 teque desererem. Ne praeceps in judi-  
 cium feraris; ne dictatorio more decernas. Au-  
 di, et summam Dei clementiam, cui ne de-  
 sis vereris, admirare. Anima de qua loqui-  
 mur habet potentias languidas, appetitus viles,  
 imos, et impuros. Si his sapor, et voluptas  
 etiam spiritualium bonorum daretur, non pos-  
 set saporem illum et voluptatem nisi languide,  
 impure, et misere recipere. Scis ne vulgi  
 ore tritum axioma quod: *quicquid recipitur  
 ad modum recipientis recipitur*? Cum ergo  
 hae potentiae naturales non habeant puritatem  
 illam, nec virtutem quae par sit gustandis su-  
 pernaturalibus rebus ad altissimum modum  
 qui decet ipsas res spirituales, sed tantum  
 sint aptae ad gustandum illas modo imperfecto,  
 et impuro, et languido juxta propriam con-  
 ditionem, hinc omnino necesse ut naturales  
 illae potentiae evacuentur, in nihilum redigan-  
 tur (scilicet modo supra exposito), ut pu-  
 rificentur, innoventur, et aptae ad tantum  
 bonum reddantur. Hoc autem quomodo fieri  
 poterit nisi vetus homo destruatur; nisi omnes  
 illae potentiae temperentur, disponantur, pa-  
 rentur ad excelsa de quibus loquimur? Scis  
 quod omne donum communicetur desuper a

K

Pa:

Patre luminum; divine excipi debet quod divinitus communicatur. Nisi ergo hoc quod diximus fiat, licet quantumvis appetitus se exerceat, et acuat, et gustare conetur suavitates illas, nunquam scopum attinget, nec divino modo ad illas se habebit. Hinc fit ut plerique homines, quorum potentiae naturales exuberant suavitatibus, affectionibus, et operationibus circa Deum, et res spirituales, in his immorantur, his delectantur, insigniter decipiantur judicantes motus illos esse supernaturales cum illi naturales sint. Facile quoque contingit quod sicuti habent pronitates illas mere humanas circa res delectabiles, et bonas quae nil ad spiritum pertinent, sic eadem pronitate ferantur ad se de rebus illis spiritualibus delectandum = TYR = Novae ambages. Quis et quibus notis dignoscet an motus illi sint naturales, vel supernaturales?

*M E T R U M XIX.*

**V** Im patitur, mediisque furens exaestuat undis  
 Heret qui dubius, consilioque caret,  
 Hic Animum celerem, nunc huc, nunc dividit illuc,  
 Omnia formidat nescius ipse sui.

## PROSA XX.

**J**O = Hoc uno quod proponebam indicio; scilicet ut interiores motus tunc a Deo profectos, et supernaturales existimemus cum cernimus illos quoad essentiam suam naturalem obscuratos, quietos, sopitos, omni vivacitate destitutos, viribus cassos. = TYR = Incertior sum quam antè = JO = Conabor ut rem teneas. Cum anima quæ ad perfectionem aspirat cernit in se obscuratum, retusum, hebetem factum appetitum suum, suas potentias ad angustias redactas, opus est ut tunc secum statuatur: Esse id insigne divinæ in se caritatis pignus = TYR = Et quomodo? = JO = Quia tunc Deus suscipit e manu Animæ (liceat sic loqui, et sermonem, modo capias, demittere) illas facultates; liberat quodammodo animam ab ipsa anima, et ipse Deus animam manu ducit, et per obscuras semitas, ut cæcam, regit. Age ergo possetne anima sic tuta incedere, posset adeo bene facultatibus suis uti, illasque moderari ut illas Deus moderatur? Licet egregie se præstaret anima, nunquam tamen ad perfectionem illam ad quam Deus eam adducit, deveniret. Ne mireris animam id non sentientem affligi, et mirum in modum divexari. Abducitur enim

a consueta agendi ratione; novum et prorsus incognitum instituit iter; et quia quod gustabat evanuit, aufugit vigor, non amplius eam fovet delectationis illicium illud, jam mœrore corripitur, bonorum jacturam se fecisse arbitratur, tabescit, dolet, ingemit. Animadvertet postea se tunc in expeditam, regiamque viam dedisse, tunc felicitatis suæ jacta fuisse fundamenta, et cum Rege Psalte clamabit ad Dominum: *Letati sumus pro diebus quibus nos humiliasti, annis quibus vidimus mala*. Sed debuere omnino angores, et cruciatus illi præcedere, ut scilicet per *Passionem* Christo copuletur. O admirabilem Crucis Domini vim! Quo feliciter devenit, et qua tuta et compendiaria via qui per dolum Christi imitationem, et communicationem ingreditur!

METRUM XX.

**S**alve beata semita  
 Quæ purpurata vivido  
 Christi coruscans Sanguine  
 Ad Patriam nos dirigis.  
 Jucunda, mitis, blandaque,  
 Et delicata, molliter  
 Tu nos per atra, & devia  
 Cecos labantes excipe.

*In te refulget perpetim  
 Sidus supernæ gloriæ;  
 In te perenni robore  
 Gressus viator instruit.  
 O ter, quaterque, & amplius  
 Beatus ille corripit  
 Qui te, tuoque fervidus  
 Incedit almo tramite.*

---

PROSA XXI.

**T**YR = Istud mirifice placet, do manus;  
 pœnitet eorum quæ dixi; at poteras initio  
 præmonere = JO = Accedit et illud huic  
 animæ eximium bonum, scilicet quod Domi-  
 nus iccirco arceat ab ea omnes appetitus, et  
 delectationes ut illam sibi arctius jungat, et  
 liberam penitus reddat ab opibus quæ Dei  
 non sunt. Sicuti Medici cibo interdiciunt a gro-  
 ro, et eum diutius jejunum detinent, ut sci-  
 licet longa illa abstinencia, et depravatus ejus  
 palatus, et languens stomachus in ordinem  
 redigantur, sic optimo consilio anima in illa  
 fame spirituali exercetur, et removentur cibi  
 qui infirmis ejus appetitibus consoni videban-  
 tur, ut apta exquisitissimis reddatur dapibus,  
 quas Dei conjunctio ad quam ducitur, præpa-  
 rat. Et quod mireris, omnes hujus animæ  
 cruciatus, ærumnæ, pœnæ, angores sunt evi-

dentissimum argumentum securitatis ipsius, et liquido demonstrant quod Dominus eam custodit, et in manibus suis portat; et quo propius Deo tunc anima accedit, eo densioribus se tenebris premi sentit, majorique obscuritate involvi, quod ex ejus imbecillitate contingit; quemadmodum quo proximius ad Solem accederet homo, majora lucis dispendia, propter oculorum imbecillitatem pateretur. Cogita immensam esse lucis divinae magnitudinem. Expende quæ supra quoque monuimus ex Psal. 17. ubi dicitur quod *Deus posuit tenebras latibulum suum* &c. Hæc *tenebrosa aqua in nubibus aeris* est obscura Contemplatio, est Sapientia divina in anima. Hanc cum Deus ad se trahere incipit, illico ipsa incipit sentire obscuritatem, quæ circuitum Tabernaculi ejus obumbrat; et sic quod est Lux, et maxime micans Claritas in Deo, id in homine est nebula, nox, et tenebræ. Et hoc ibidem statim exprimit Psalmus. *Præ fulgore in conspectu ejus nubes transierunt.* Exprimitur hic obnubilatus intellectus naturalis, cujus lux ut ait Isaias cap. V. *obtenebrata est in caligine ejus.* = TYR = Sero tandem sentio miserrimam esse vitæ nostræ conditionem, ubi tanta cum difficultate veritas agnoscitur, quoniam id quod est clarius et certius, id nobis et magis obscurum, et incertius apparet, ideo ab eo longius avolamus, et tamen illud mirifice prodest; ex adverso impotenti amore persequimur, et sectamur, appetimus, et opamur.

mus id quod falsa luce oculos nostros implet,  
et nos ad perniciem impellit. Ergone ipsum ocu-  
lorum meorum naturale lumen quod me ducit  
et regit, ipsum est quod me decipit, et excæ-  
cat, et a via quæ ad Deum adducit, avertit?  
= JO = Ita prorsus.

METRUM XXI.

**Q**ue prodesse putas, cernes hæc sæpe nocere;  
Sæpius, & prosunt quæ nocitura putas.  
Scilicet hoc homini deerat nesciret ut ipse  
Quid prodesse queat, quidve nocere sibi.

PROSA XXII.

**B**ene habet. Ad scopum te dirigere incipis.  
Non videbitur amplius misera anima quæ in  
aqua illa tenebrosa absconditur, quia sicuti  
aqua illa Tabernaculum, et habitationem Deo  
præstat, sic erit et animæ ipsi Tabernaculo  
et habitationi. Ibi et a seipsa et ab omnibus  
creatis rebus tuta et libera consistet; quod si-  
gnificare videntur illa verba Psalmi 30. *Ab-  
scondes eos in abscondito faciei tue a con-  
turbatione hominum; proteges eos in Ta-  
ber-*

*bernaculo tuo a contradictione linguarum.*  
 Vides hic protectionem, et auxilium validis-  
 simum. Sed quod non mediocri erit tibi so-  
 latio, id advertas velim tenebrosam illam a-  
 quam de qua haftenus locutus sum, licet te-  
 nebrosa sit, esse tamen aquam, et aquæ est  
 lavare, et reficere, idque egregie illa præ-  
 stabit, licet in abscondito, et cum tui labore  
 et dolore. Hac aqua anima perfusa sentit in  
 se constantem et firmam a peccati sorde aver-  
 sionem; optat fidelis inveniri in sancto Dei  
 servitio; mirifice commovetur ad præteritæ  
 vitæ deflenda piacula, quia cum omnes ejus  
 potentiæ jam ab aliis occupationibus se abstra-  
 xerint, huc omnes animæ conatus confluant;  
 hic omnes illius vires collectæ consistunt. Hac  
 via feliciter a seipsa expedita anima, et ab  
 omnibus creatis rebus soluta, celeri gradu ad  
 perdulcem illam *Unionem* divini Amoris de-  
 fertur.

---

M E T R U M XXII.

**A**Ttonitam nova quæ pertentant gaudia mentem!  
 Quenam voluptas, quantaque  
 Cum fini propiora suo se cernit habere,  
 Deoque fieri proximam!  
 Illa quidem fonti sitientia labra beato  
 Mox admoveere cogitans,



*Letitia exultat, cunctasque pererrat amico  
 Dapes paratas lumine;  
 Ingentem exacuitque famem sponte ipsa sitimque  
 Vult acriorem reddere;  
 Plena Deo quoniam sit, jam mora nulla, futura  
 Votique compos unici.*

---

PROSA XXIII.

**T**YR = Profecto non fallor. Adspicio hic  
 Mysticorum sermone vulgatissimam scalam  
 = JO = Non falleris. Jure secreta hæc con-  
 templatio *Scala* vocatur, quia per illam per-  
 venit anima ad cœlestes thesauros. Exprimitur  
 id præclare in Psal. 83. *Beatus est vir cujus  
 est auxilium abs te; ascensiones in corde suo  
 disposuit in valle lacrymarum in loco quem  
 posuit. Etenim benedictionem dabit legislator;  
 ibunt de virtute in virtutem, videbitur Deus  
 Deorum in Sion.* Per hujus scalæ gradus non  
 solum ascendit, sed et descendit anima, quia  
 hæc secreta contemplatio easdem communica-  
 tiones quas immittit animæ, et quibus illam  
 ad Deum elevat, vertit ad humiliationem ipsius  
 animæ. Etenim quæ a Deo sunt communicationes  
 eodem impetu elevant, et deprimunt animam,  
 cum in hoc statu (o vim S. Christianæ humili-  
 tatis!) deprimi sit idem ac elevari, et elevari  
 idem ac deprimi. Hinc Christus Matth. 22.

Qui

*Qui se exaltaaverit humiliabitur, et qui se humiliaverit exaltabitur.* Cum ergo in tanta celsitudine posita sit S. Christiana humilitas, Dominus ut animam in ea exerceat ducit illam ad hanc scalam, facitque per eam adscendere, et descendere; sed certum est quod non descendit nisi ut superius adscendat. Hoc Sapiens velle videtur Prov. 18. illis verbis. *Antequam conteratur, exaltatur cor hominis, et antequam glorificetur humiliatur.* = T. = Multas necesse est vicissitudines subeat anima in hac Scala; modo prosperitate fruetur, modo tempestas prosperitatem turbabit, nunc ad excelsa sibi videbitur pervenisse, et nunc se ad ima ingemiscet delapsam = JO = Hic est ordinarius contemplationis mos. Quousque ad *Quietis* statum anima non deveniet, semper his conflictabitur angustiis, et vicissitudinibus; ascendet et descendet. In summitate scalæ sedet Deus. Ad illam perveniens anima, Deo potietur, *quiete* fruetur. Veniat in mentem Scala quam dormiens Jacob vidit. *Nox erat*; adspice tenebras; *dormiebat Jacob*. En indormiscentes animæ potentias. In summitate erat Deus innixus Scalæ = TYR = Placet mirum in modum = JO = Egregie hæc prosequitur magnus Dei famulus Jo: Climacus in laudatissimo opère, cui inscriptio *Scala* = T. = Edissere quot in illa Scala sunt Caritatis gradus = J. = Decem agnoscunt Mysticæ magistri. Horum *Primus* est salutariis et vivifica *Infirmitas*, seu *Languor* animæ quo

quo illa deficit peccato, et omnibus rebus  
quæ non sunt Deus. Et hoc significavit S.  
David illis verbis: *Defecit in salutare tuum  
anima mea.* Psal. 118. Hoc invecro languore  
in animam, tædium, fastidiumque concipit il-  
la omnium quæ apud cæcos mortales plurimi  
sunt. Omnia præter Deum fastidit. In uno  
Deo moratur. Hunc avidissime exquirat. Sor-  
dent illi omnes terræ deliciæ. Nihil his ma-  
gis odiosum et amarum. Languet igitur non  
amor, sed animus. Vides hoc in Canticorum  
Dilecta: *Adjuro vos filiæ Jerusalem, si inve-  
neritis Dilectum meum, ut nuntietis ei quia  
ambre languco.* Cap. V. 8.

M E T R U M XXIII.

**D**ilecta Sponso turba, Sionie  
Castæ puellæ, quæ pede libero  
Per liliorum, per rosarum  
Pergitis innocuos recessus;  
Sic vestra verset candida pectora  
Sponsi fidelis cura; beatius  
Vobisque soles sic recurrant,  
Virgineum decus & perennet;  
Vos oro supplex: forte per hortulum  
Si deambulanti videritis meum  
Dilectum; amoris huic, measque  
Sollicitas memorate curas.

Hen

Heu me dolentem! meque miserrimam!  
Ut cera flammis tradita diffluit,  
Amittit & notam figuram,  
Sic ego deficio relicta.  
Plagas, timores, furtaque nesciat  
Illata; tantum noverit ardeo  
Quod tota amore, ipsumque solum  
Perdita discupio, & requiro.  
Princeps polbrum lampade fervida  
Qui cuncta lustras, pulchrior omnium  
Pulcherrimorum quot supremi  
Sol operum Domini videmus.  
Te cum Tonantis sis thronus obsecro  
Illi ut mearum sollicitudinum  
Denuncies ætus, ainarum  
Atque meum memores dolorem.  
Et tu meorum conscia vulnerum,  
Interpres agræ mentis, & omnium  
Suspensorum Luna ad ipsum  
Fer precor has tacitas querelas.  
O qui rotatu volvitis impigro  
Axes corusci lucida sidera,  
Vos oro cunctos nuntiate  
Hos Domino steriles amores.  
Dum quippe ab illo longius exulo  
Mærore quanto torqueor; irrita  
Heu vota deflens, dum medullas  
Victor habet violentus ignis.  
Ast hæc libenter, sint licet aspera,  
Stat ferre, Sponsus dummodo noveris  
A me se amari; ac æstuanti  
Igne animum penitus peruri.

---

 PROSA XXIV.

**T** = O pretiosam infirmitatem ! Quæ huic comparari poterit firma et robusta sanitas ? Hanc jure dicant Grammatici *Valetudinem* ; hanc propriissime vocent Medici *Febrim* quia vere purgat animam . Nullus hic verborum fucus = JO = Calor hujus Febris mittitur divinitus , et hoc exprimunt verba illa Psal. 67. *Pluviam voluntariam segregabis . Deus hereditati iux , et infirmata est ; tu vero perfecisti eam .*

---

 METRUM XXIV.

**I**nfirmi<sup>tas</sup> spiritus  
 Ni divexetur , nunquam conscendet amatæ  
 Ad sanitatis gaudia .  
 Languet infirmus , sanus si optaverit esse ;  
 Infirmi<sup>tas</sup> est sanitas ;  
 Ne mireris , amat semper contraria carni  
 Nam spiritus , diversa<sup>que</sup>  
 Consilia instituens ; alia ratione movetur ,

PRO-

## PROSA XXV.

**E**X hujus infirmitatis lectulo ( est hic memoratæ mysticæ Scalæ alter Gradus ) surgit anima, et quærit quem diligit, idque incessanter agit, obediens voci Scripturarum Psal. 106. *Quærite Dominum, quærite faciem ejus semper.* Deum tunc in omnibus anima requirit. Non dat sibi requiem, quicquid agit, quicquid meditatur, in omnibus quæ occurrunt semper Dominum quærit, omnia ad Deum refert, non hæret, non figit gradum, non consistit in aliquo, pergit, currit, volat. Rogat vîgiles civitatis Sponsa an Dilectum vidissent, sed transit statim, eosque derelinquit = TYR = Probe.

## METRUM XXV.

**Q**uam dulce, quam beatum;  
 Mihi quanta erit voluptas  
 Si te Deus perenni  
 Studio, meisque cunctis  
 Votis, laboribusque  
 Noctes diesque quæram.

Hanc

*Hanc cogitationem  
Comitantur usque cunctæ  
Dulcedinum phalanges.  
Nil triste, nil severum  
Animus timebit usquam,  
Sed letus omne tempus  
Vitæ trahet, serenum.*

PROSA XXVI.

**T**YR. = Revera nihil jucundius, nihil dulcius = JO = Ex hoc secundo Gradu facilis patet adscensus ad TERTIUM in quo Anima desiderio flagrat, & vivo tangitur ardore laborandi propter Dilectum. Tunc parvum & exiguum ei videtur quicquid magni, & ardui propter illum agere contingit. Longum ærumnarum tempus reputat breve, & flammæ quæ rapitur vis impedimenta quæ obvia fiunt, & carnalium omnium cupiditatum ligna evertit, superat, absumit. In hoc gradu sentit anima quid Deo ipsa debeat; se imparem tantæ gratiæ rependendæ agnoscit. Plana hinc Victoria, contra Superbiam, & vanitatem = TYR. = Huius superbia subacta ecquid plenissimum remorabitur triumphum?

## M E T R U M XXVI.

**N**on secus ac hastas inter gladiosque cruentas  
 Omnes irarum cum Mars effundit habenas  
 Si cadit ingenti confossus vulnere summus  
 Dux, subito turbati animi, revolutaque late  
 Ordine quæque suo miscentur; & arma trementes  
 Disjecti abjiciunt equites; fractique manipuli  
 Deseruere locum; pedibus timor addidit alas.  
 Taliter adverso glomerata ex agmine cuncta  
 Diffugiunt vitia obtrunces si forte supremum  
 Ductorem inflammantem acies, & dira trahentem  
 Exitia; est illi crudele Superbia nomen.  
 Hæc pugne dux; perniciës, & tristis Erinnyes.  
 Hanc hanc aggredere; hanc unam petat impetus  
 omnis  
 Huc belli molem, vires huc contrahe totas.

## P R O S A XXVII.

**I**O = Celeris hinc ad QUARTUM GRA-  
 DUM transitus, in quo acquirit anima vivi-  
 dam, & ardentem sitim patiendi propter Di-  
 lectum; hinc clamat: *Pone me ut signaculum*  
*super cor suum, ut signaculum super brachium*  
*suum*



*suum* &c. = TYR = Hem, hic hic consistam. Ne tendas ultra. Scire piget quid postea sequetur. Quod quærebam inveni. Optabam ardentissime eo me in gradu collocari, ubi dicere possem: *Mihi absit gloriari nisi in Cruce Domini mei Jesu Christi*. Non intelligebam qui fieri posset ut inundationes maris instar mellis quis sugeret. *John*

---

METRUM XXVII.

**F**elix o nimium felix si forte daretur  
 Pro te Christe mihi vincla, necemque pati.  
*Felices pœnæ; jucunda & amabilis illa*  
*Mors est me Christo quæ sociare queat.*

---

PROSA XXVIII.

**J**O = Non potes melius rebus tuis consulere; prudentissimus mercator es. Scilicet hinc ad veras delicias transitus cum amantissimus Dominus dilectos suos mœrore confici non patiatur. Audi ut loquitur per Jeremiam Cap. 22. *Recordatus sum tui miserans adolescentiam tuam, quando secuta es me in deserto* = TYR = Teneo quoddam sit desertum illud, & video  
 L quam

quam insipienter me gerebam dum tibi *vacuitatem intellectus*, & *voluntatis* urgenti præfracte repugnabam = JO = Sed quod ais. nolle ultra progredi; quod vis in hoc gradu consistere id penes te non est; siquidem ardens illud desiderium quo incitaris ad patiendum pro Domino urget te ut impatienter optes & velis ipsum Dominum; & inde elevaris ad QUINTUM GRADUM Scalæ illius, in quo tam vehemens est ardor animæ suo se Dilecto jungendi, ut moras omnes exiguæ licet sint illæ & breves, aversetur, refugiat, recuset. Clamat cum David Psal. 82. *Concupiscit, & deficit anima mea in atria Domini.*

~~~~~

M E T R U M XXVIII.

Languo, deficio; torquet miserumque fatigat
 Me desiderium, curaque tristis edit.
 Atria sancta Dei cupio, exoptoque videre;
 Is me sollicitum vividus ardor habet.
 O felix nimium hæc si admittar in atria, & indo
 Adspiciam gaudens interiora domus.



P R O S A XXIX.

IN *Atria Domini* ? Scilicet sic dicebat in hoc gradu ; sed ecce alacrior hic facta evolat ad **SEXTUM GRADUM**, & non Atriis Domini, sed ipso Domino optat potiri, & clamat : *Quemadmodum desiderat Cervus ad fontes aquarum, ita desiderat anima mea ad te Deus*. Nec mirum quia jam diffusa est caritas in ea ; jam dilatatum est cor ejus ; jam sine iniquitate currit. Volat ergo mira fortitudine roborata. Hunc gradum expressit Isaias Cap. 40. illis verbis : *Qui autem sperant in Domino mutabunt fortitudinem, assument pennas sicut Aquilæ, current & non laborabunt, ambulabunt & non deficient.*

M E T R U M XXIX.

Atria quid memoras ? Ipsa haud satis est domus ; ille
 Ille domus Factor conspiciendus erit .
 Hunc ego anhelō, hunc discupio ; hic me vividus ardor
 Urget , mirificis sollicitatque modis .
 Infelix semper, Domino nī perfruar ipso ;
 Nī Dominum videam , tristis inopsque gemam ;

L 2

PRO-

 PROSA XXX.

TYR = At agnoscit anima ad hunc gradum eveſta felicitatem ſuam? Quis ſenſu tunc illi? = JO = Audet & confidit, & hac fiducia hilaris proripit ſe ad SEPTIMUM GRADUM, & ad hunc delata clamat confidentiſſime: *Oſculetur me oſculo oris ſui*. Jam ubera Dilecti deſiderat. Et ſcis quid hoc importet = TYR = O jucundiſſimam confidentiam! Audeo, & ego, & exclamo.

 METRUM XXX.

Fulmina depone, ignitas dimitte ſagittas,
 Et Majestatis ſtemmata celsa tege.
 Jucundus, placidusque veni, comitesque ſequantur.
 Delicie, plenus lætitiæque chorus,
 Triste ſupercilium, facies turbata; ſevera
 Frons abſit, mitis talia nescit amor.
 Tu me dulcis amas, amo te; eja æquemus amores;
 Sint eadem nobis jura, ſit una domus.

~~~~~

PROSA XXXI.

**M**E miserum ! Quo progressus sum? = IO =  
Si ad gradum illum pervenisses non te di-  
torum puderet. Siquidem talis est animæ quæ  
ad gradum illum pervenit, confidentia, ut Moy-  
ses in eo positus non erubuerit sic Dominum  
alloqui: *Aut dimitte eis hanc noxam, aut si*  
*non facis dele me de Libro tuo quem scripsi-*  
*sti* = TYR = Horrore quatiore. Quem alle-  
quebatur Moyses? An hominem sui similem?  
Majestas Domini . . . = JO = Non hic nisi  
voluptas; cum voluptate petitur, cum volu-  
ptate obtinetur: *Delectare*, sic dicitur tunc  
animæ, *in Domino*, & *dabit tibi petitiones*  
*cordis tui*. Hinc non mirum si in OCTAVO  
GRADU amplectatur anima Dilectum, & e-  
xultatione exultans exclamet: *Inveni quem*  
*diligit anima mea, tenui eum, nec dimittam.*

~~~~~

METRUM XXXI.

Inveni, inveni; Eja mihi vos plaudite Cæli;
Vosque meam Terræ dicite lætitiā.
Exuperant mentis captum; omnis lingua diserta
Deficit; attonitam gaudia tanta tenent.

*Inveni, inveni Dilectum; en oscula figam,
 Oscula tam longas non bene passa moras.
 O lacrymæ, o trepidi quondam suspiria cordis,
 Ærumnæque graves, assiduusque labor,
 Parco libens vobis, noxam placitamque remitto
 Si modo tam grandem sponte tulistis opem.*

PROSA XXXII.

TYR = Ergo implentur in hoc gradu animæ desideria? = JO = Sed non assidue. Non enim permanenter hic figit pedem, imo brevissimæ sunt amplexus illius moræ. Vides in Cantic. Dilecta. Exultat illa de Dilecto a se invento. Chorum puellarum invitat ut ejus benignitatem, pulchritudinem, suavitatem admirentur; suo gaudio communicent; ut effusæ in plausus felicitatem suam prædicent. At ecce extemplo de ejus fuga tristatur et dolet, rursus in lacrymas ejulationesque relabitur. Audi illam.

METRUM XXXII.

ÆTernum lacrymis atque laboribus
 Nunc & nunc propere mittite nuncium

Dis

*Dilectæ Comites quas amor inclytus
 Fecit perpetuas unanimes mihi;
 Tanti participes vos volo gaudii;
 Pro me si tenuit vos dolor hæctenus.
 Quem per tot nemorum lustra, tot ardua
 Quæsiui toties per juga montium;
 Non lassis pedibus, non oculis dedi
 Optatam requiem. Non timui agmina
 Custodum vigilum pervolitantium.
 Et quid commemorem cætera? Noscitis,
 Et vos jam memini sæpe doloribus
 Vestros sponte meis ubere copia
 Junxistis gemitus. Hunc ego denique
 Inveni. O alacres currite, cernite
 Dilectum. Niveis oscula figite
 Plantis. Ferte rosas, lilia; texite
 Ex his & subito vincula, scilicet
 Ne rursus fugiat. Compede florea
 Huc vincire juvat... Quid loquor! Hei mihi
 Aufugit. Celeri se pede longius
 Par ventis levibus, parque volucris
 Telis Cydoneis proripuit; meam
 Et spem destituit, captaque gaudia.*

~~~~~

## PROSA XXXIII.

**E**Xpectat tunc Animam NONUS GRA-  
 DUS in quo datur illi suavissime conquiesce-  
 re in ardore Amoris Dei. Ecce victoria; en

L 4

amo

amoris triumphum; ecce pulcherrimas Divinae  
Gratiae opes. O Gratia adsis tandem.

~~~~~

M E T R U M XXXIII.

Auratas conscende rotas; eja indue vestem
Sepositam; exornet plurima gemma comas.
Pulchrior huc solito propera, plausuque secunda
Gratia carbaseo lilia funde sippu.
Adsit amica cohors, gressus comitetur euntis;
Purpureasque rosas spargat utraque manu.
Regnat Amor, latos agit inclytus ecce triumphos;
Tanta triumphantem splendida pompa decet.
Regnat Amor; fit amoris opus, placidusque recumbit
Dilectæ in gremio denique castus amans.
Fortunata dies votis, lacrymisque petita;
Candidulas inter nobilis una dies.
Dic age quanta tuum pertinent gaudia pectus;
Quod tibi consilium, quis tibi sensus Amans?
Quid tu consilium, sensum, mentemque requiris?
Dilectum, si optas talia scire, roga.
Me totam ille habet, inque uno, ac ipso ipsa quiesco;
Ille meus sensus, consiliumque meum:
Ut pelago data gutta feror; demersaque in illo;
Illius & vita gaudeo, vivo, regor
Sum nil, sum totum; illud ego, hoc me reddidit ipse;
Nam sibi me jungit, me propriamque facit.
Cetera ne queras, nam deficiemus uterque,
Quin jam deficiamus; victi & utrique sumus:
Di-

*Dicere si possem, non posses dicta tenere;
Deficiens audis, deficiensque loquor.*

~~~~~

P R O S A   U L T I M A .

---

**T**YR = Imo ne sic cito abrumpas sermonem. Non paucis, sed multis me velis. Dic obsecro.... = JO = Quid dicam? Quis felicitatem animæ in hoc statu positæ enarrabit? Exsuperant longe mentis humanæ captum gaudia quæ in illo gradu animam pervadunt. Tunc jure felicitatem suam anima cognoscens exclamat: *Sub umbra illius quem desideraveram sedi; et fructus ejus dulcis gutturi meo; introduxit me Rex in cellam vinariam.* Scilicet ubi anima bibit non modo ad satietatem, sed et ad ebrietatem, ad extasim, ad languorem, ad somnum usque, ut sequitur; licet hæc amoris ebrietas et somnus spiritualis libertatem hominis, et judicium rationis, et mentem non evertat, sed ad divinam elever, et multa quæ vires hominum excedunt detegat, sensusque externos, et affectiones internas quasi sopitas relinquat. Largitur hic Sponsus Sponsæ suæ donum Supernæ Contemplationis non tantum *intellectivæ* ad modum Cherubim, qui scientiæ plenitudine fulgent, sed etiam *activæ* instar Seraphim qui amore toti ardent, et extra se rapiuntur in Deum; Sequitur; *ordi-*  
*na-*

*navit* ( hebraice *vexillavit* ) in me caritatem . Scilicet sub vexillo caritatis collectæ virtutes omnes ; et vires animi et corporis certant optimis quibusque actibus , et modis hominem totum , et omnia creata in Deum transferre , Deum demereri ; et quidem tanto studio , contentione , et constantia ut etiam languidæ , exhaustæ , et enervatæ nolint tamen vel tantillum remittere . Hinc anima ita cum amante unitur ut ipsum intra sua viscera recipiat , vel potius a seipsa *divulsa tota* in Deum *abeat* , et *tota sit intra Deum* , *unum quid cum ipso effecta* , et *ceterorum omnium oblita in ipso uno requiescat* ; ipsum unum *intuens* , *unum diligens* , *uno fruens* ; hinc exclamat : *Dilectus meus mihi et ego illi . .*  
*17 . . . (1) . Ego Dilecto meo , & ad me con-*  
*ver-*

(1) Mysticorum sic loquentium mens non est agnoscere in anima nondum a corpore separata , nec ad intuitivam Dei visionem evecta eam cum Deo conjunctionem quæ in Cælis habetur . Sed agentes animam *transformari* in Deum ; in Deum abire , & cætera quæ hic commemorantur , volunt significare vim amoris maxime vehementis qua anima in hoc statu ad Deum fertur ; qui status , ut supra observavimus , non est permanens , imo neque diu durare potest . Advertendum quoque animam nunquam ad hæc venturam nisi totam se Deo permiserit ; nisi terrenis omnibus rebus mortua sit , nisi uni Deo vivat . Confer Apostolum Galat. Cap. 2. *Vivo ego jam non ego ; vivit vero in me Christus* . Huc revoca illud ejusdem Apost. Ephes. 3. *Ut impleamini in omnem plenitudinem Dei* . Hic est ille status qui ut ait  
S.

*versio ejus . . . Anima mea liquefacta est in me . Scilicet non ex mœrore ut antea quando non invenit Dilectum , sed ex Consolatione , et vi tenerrimi amoris dum in eo invento delectatur . Sicut enim vehemens calor ignis liquefacit glaciem , eamque quasi a propria natura dimovet , jubetque disfluere , et commisceri terræ , intra eam imbibî , et cum illa quasi unum fieri , sic vehemens amor Dei liquefacit animam , et facit eam a se quasi disfluere , et totam ita absorberi atque imbibî a Deo , ut ex duabus unum effici penitus videatur . Hinc oritur extasis animæ , oblivio sui , transgressio in Deum , raptus , volatus , somnus , et liquefactio animæ ; et sic Mystici dicunt : Animam deficere in se , perdere seipsam , in nihilum redigi , converti , et transfigurari in Deum (2) . Ne tamen existimes animam in hoc*

S. Thom. Opusc. 61. *Facit stringere indissolubiliter , & subdit : In precedentibus gradibus anima amat & amatur , quarit , & quaritur , vocat & vocatur . In hoc autem gradu quodam miro & indissimili modo rapit & rapitur ; tenet & tenetur ; stringit & stringitur ; & una uni per amoris copulam sociatur .*

(2) Fusissime supra exposuimus quomodo hæc sint intelligenda . Mysticos sic loquentes ( quod & sæpius monuimus ) improbare non possumus . Cautè tamen illos accipimus , non verba , sed & mentem eorum in his persequimur . Detur hæc illis venia , quandoquidem sunt in Amoris disquisitione , & sciunt amorem tendere ad similitudinem ; & quapta vi profani ipsi Scriptores terrenum amorem pollentem nobis exhibeant , & in quæ locutionum monstra la-

sci-

Hoc somno prorsus sopitam jacere, et otari; nihilque intelligere, et nihil mente percipere, nam miras tunc illustrationes, excitationes, et affectiones recipit a Deo; idque non suo studio, et conatu, sed potentia solius Dei, anima *vitaliter* quidem, sed *passive* se habente. Est Otium non desidæ fovendæ, sed sapientiæ hauriendæ. Omnis enim Unio, Amplexus, Somnus, Raptus, Extasis, aut Suspendio in qua mens intus nihil Divinum percipit vana et inanis est, neque a Deo procedit, sed vel a malo Spiritu, vel ex animi deliquio, ex debili corporis complexione nascitur, quia Deus nunquam motus corporis, et actiones sensuum externorum suspendit, nisi ut ab intus facilius, melius, et tranquillius mentem illuminet, et ad se rapiat. = TYR = Et quid ultra expectabit fortunatissima hæc Anima? = JO = *Ultimus* superest Scalæ gradus in quo sedet Deus. Ad hunc gradum anima *dum devenit,*  
de-

scivi Poetæ ad pessimam illam affectionem significandam proruperint. At quid terreni vis amoris si cum vi hujus nostri compareretur? Cœlesti ergo amore inflammatus qui hæc scripserunt suscipimus, & colimus. Absit ut in crimen vocemus. En quomodo hæc præclare exponat Ricard. a S. Victor. de Gradib. Caritat. *Anima unum amat, unum diligit, ad ipsum anhelat, ipsum suspirat, ex ipso marcescit, in ipso requiescit...* Sed quis hujus affectus tyrannidem digne describat? Quomodo omne desiderium expellit: Quomodo omne studium excludit. Cum frui potest eo quod diligit, omnia pariter habere se credit. Sine illo horrent omnia, sordent universa.

*deserit corpus, et mortalitatis vinculis exuta  
intuitiva Dei visione potitur; similis fit Deo:  
Similes ei erimus quoniam videbimus eum si-  
cuti est. Jo: Epist. I. Cap. III. vers. 2.*



METRUM ULTIMUM.

**M**agne Deus quidnam hoc? Similes ais esse  
futuros

Nos tibi cœlesti cum te adspiciemus in aula?  
Nos similes Domino? Quæ stulta licentia stulte  
Ausa sibi hoc daret, in tantum spe se ardua tollens?  
Fingeret aut sibi tam felicia somnia demens?  
O Pietas immensa Dei, o dignatio mira!  
Vilis homo similis Domino? At cognoscimus omnes  
Hoc quantum doluit, dolet, æternumque dolebit,  
Exitio & quanto steterit tibi Lucifer olim  
Cum similem Domino dixisti te esse futurum.  
Ille Poli princeps, ille & dux agminis omnis  
Aliperi, proceres inter pulcherrimus unus  
Sidereos, nulli tunc majestate secundus,  
Debuit hoc dicto tantum subiisse malorum?  
At nos primævâ infecta e radice creatos  
Vasa iræ, miseros diræ natosque gehennæ  
Christe tuo ablutos penitus fluitante cruore,  
Inque tui sortem Regni, partemque vocatos  
Eximio letos tali dignaris honore.  
Ecquis atrox adeo, quis totus ferreus unquam  
Temperet a lacrymis, & non ut cera liquescet,  
Il-

*Illa suæ menti quoties occurrit imago  
Lucis, cum nexu carnis, vinclisque solutus  
Ipse volans celeri petet astra micantia cursu,  
Æterna & sedes inuestus luce coruscas  
Divinis epulis accumbet; cumque supremus  
Conditor ipse Orbis se se præcinget, & ipsi  
(O res mira) ministrabit. Nos credimus ipse  
Dixisti quoniam Domine. Ecquis talia fari,  
Si non dixisses, alias auderet? At illud  
Conturbat propius quod te perhibente magistro  
Audiui, & didici, & servo, quod nempe recumbens  
Sit major, potiorque ministrante. Intonet altum  
Et Michael: Quis enim ut Deus. Hæc ego  
mente revolvens*

*Hæreo; non oblita mihi mea namque putredo.  
Ast quid nunc dubitem? Piget hæc memorare.  
Manebit*

*Polliciti inviolata fides per sæcula cuncta;  
Nullaque te Pater omnipotens sententia vertet.  
Expectamus; Enim nos spes non fallit amica;  
Utque audivimus hæc ita se cernemus habere.  
O Domine ex toto quis te non pectore semper  
Diliget, atque omnes tibi non sacrabit amores?*


MS  
1316-116











184

7

14

